

左徒擯逐聽多謏宴樂嬰懷忽遠圖仍天  
香魂寥落艷歌姝

仲宣樓

文采高聯七子名樓前風景賦中情  
歸思欲隨秋鴈征

五色潭

昔賢有詠記龍移今對龍潭度忍  
又隨雷雨上天池

包公廟

守正無回燭理明

寒雲採白蘋

灌纓臺

大言能踐不爲慚雲鵠胸襟酒正酣  
黑髮莫輕還可畏

落帽臺

枯腸得酒性情舒醉裏天真禮法踈  
本自無心風落帽

幸教今古播芳譽

通會橋

衆流踈瀟一泓通夏潦春漸利涉中  
城郭幸除徒涉患

駕空何必似長虹



熙春臺

媚景淹人樂事頻  
暈飛華榭出  
翬塵香風吹下笙簫語  
知是豪家醉玉人

洞古道院

不擇山林與市廛  
靈臺湛處此真全  
玄風吹發二花樹  
院落深沉別有天

楚平王墓

身後殊常爨有歸  
二湖風浪雪成堆  
烟荒封樹斜陽裏  
徒有精靈泣夜臺

方城

熊楚君臣富甲兵  
西南高險恃方城  
空嗟三戶餘民少  
今日閭閻樂治平

張商英祠

依阿新法疏高銓  
監稅荆南倏左遷  
爲信生全出因果  
東臯猶有施僧田

紀山

北來如阜復如陵  
統繫群山得美稱  
一掬清泠有神物  
凜然中夜起風霆

江漢樓

爾俯江流北漢川  
尚傳危構拂雲端  
天開萬里朝宗水



直自羲皇太古前

木犀亭

丹桂花迎畫棟  
明天香絕勝  
廣寒清當時  
歌舞中宵月  
照見神光甲馬營

清風明月池

金吹西來桂魄東  
玉樽移傍水晶宮  
清歌一曲夜如晝  
便好乘鸞上碧空

雄楚樓

楚自能康啓霸圖  
遺墟千古且荆湖  
虛無一覽巴山翠  
堪掬嵐光入酒壺

寸金坡

繭絲保障慮何長  
地利人和說更詳  
若計堅堤能禦敵  
昔人俱得恃金湯

高李興祠

紇干凍雀最堪憐  
夷夏風塵五十年  
深藉高公保鄉國  
幾回歌些望神壇

伍子胥港

春雨延臯長綠芹  
波間水氣欲成雲  
康莊半是追思客  
柳下停驂說伍員

激流橋



橫矛瞋視老瞞兵大義中弼作許聲橋水無情如敵愾  
石傾波蕩不能平

關公墓

援絕兵疲用武難堂堂蜀漢恨偏安喪元褻革忠臣事  
莫向孤墳墮淚看

玉泉寺

青壁丹崖照錦霞名山深處佛爲家高峰想與銀河近  
好上秋風八月槎

許由洞

避讓彌堅晦迹深肯教一物負初心諒知天啓重瞳聖

烟樹雲山不可尋

紫蓋山

碧桃花下逐香風引入烟霞紫翠中種玉有田騎有鶴  
神仙不在弱流東

麥山城

聲寒刁斗息紛爭積潦淤隍竹樹生瓦礫坡陀見殘鐵  
依稀猶是舊時兵

金沙灘

皇皇禹鼎著神姦罔象潛沙敢作難學得長橋斬蛟術  
一時揮劍靜波瀾



百里洲

橫沙隆起勢綿綿人自繁興樂自然常愛洲邊白頭叟  
醉來猶上釣魚船

紫山

帝胄天戈向夕停軍中木主載炎靈漢家未靖中原釁  
一念薰蒿薦德馨

曹公祠

生前九錫受劉封擬託儲不服袞龍尋尺浮槎是溝斷  
恠靈殊不類英雄

漢景帝祠

江上雨來雲入座庭前春老翠成陰邑民歲歲趨祈報  
矯首神輿望降臨

竹泉

山中脩竹藹雲烟清絕無如竹裏泉鶴髮臞翁坐磐石  
碧琅玕下聽涓涓

一柱觀

凌雲奇構壓金鰲穩負群材一柱高羽客功成謝時去  
乘鸞何處醉仙桃

江亭

不辭涓滴盡涵容流作波濤浩浩東藐爾一亭烟島上



十千里路此爲中

太子岡

常披元史閱前朝迎立懷王北去遙駐轂遺踪付樵牧  
烟蘿霜袖晚蕭蕭

內方山

孤翠臨流峙不偏山中巖穴住神仙長風捲盡浮雲翳  
高出晴空一點烟

蒙惠二泉

南蒙北惠勢成溪水氣寒溫各有宜流入滄浪共清徹  
濯纓人在釣魚磯

漱玉亭

漱源山腹深沉處觸石巖前漬沫時不亞匡廬山  
白詞誰繼考亭詩

潛水

雷家飛湍浩不休一江別出殺狂流時清不泛懷山勢  
藏得神龍作稔秋

夢澤

跨江南北十程週豈啻難爲辨馬牛載酒荆臺縱高眺  
扁舟都在鏡中遊

軒轅井



力鑿終垂濟物恩盛名因得藉軒轅不知千古騎龍後  
一脉寒泓尚有源

魯泐

纒分鼎勢失連和餽釘孫劉戰伐多秋葦散花迷魯泐  
總戎何處昔屯戈

荆臺

季世全名涅不緇荆臺鶴髦羽離離唐家進士生何晚  
不見開元貞觀時

萊公竹

心存不愧身前貶竹訝無根插後生萬里海濱歸櫬久

綠陰深護一林清

呂蒙城

英雄分據國為三吳蜀風雲入咲談多病阿蒙終一捷  
古城依舊向江南

雲中

建瓴群壑匯東南羨爾魚龍得巨涵澤島桑麻成比屋  
昔人堪嘆戶餘三

先主廟

帝德維賢帝系明偏安姑藉蜀為京終遺萬古君臣恨  
併魏不吳事不成



劉郎浦

赤壁歸來此駐兵  
高陀細柳尚如營  
東風若幸曹瞞死  
吳蜀終然不肯平

李靖祠

生平韜畧用無窮  
隋季雄藩席卷中  
廟食青山最高處  
一峰烟外礙飛鴻

劉度尚書墓

水遶山廻到墓阡  
淡烟衰草一蕭然  
當時事業凌霄漢  
柱石峩峩幾百年

韓中允集終



虛明百家詩 二倪詩集

吾錫有倪氏二先生祖名峻字維嶽號靜寄洪武庚午舉于鄉嘗爲兵科都給事中孫名敬字汝敬號月樓正統戊辰進士嘗爲河南道御史文章節槩後先齊名皆鄉先達之表表者故有集邵文莊公序其首詩雖無奇頗軼常調彙而刻之俾傳廣遠靜寄詩起碧桃蒼鳥止乙未清明月樓詩起送彭都憲止懷鄒洪遠合之共六十餘首隆慶改元長夏山人俞憲識

題碧桃蒼鳥

劉郎愛清白珍鳥已先知絕勝玄都觀依稀阿母池冰



花侵翠羽幽夢熟瑤枝塵網從渠密相親慎勿疑

題梅花斑雀

曉窻清夢破恍若羅浮春好鳥聲啁晰幽香冷襲人吟  
餘如近雪坐久覺無塵歲晚相看處襟懷見益真

送王汝翼歸晉陵

官路雨新晴都門柳堪折送子歸故鄉情深詎能別驪  
駒止復歌酒酣耳雙熱悵望不可攀徘徊竚江月

波羅蜜狀如冬瓜剖之其瓣若小柿黃色似蜜甜而  
美其紋似牛肚子

番邦繁果木奇異獨波羅狀類冬瓜小甘於橘柚多蔗

漿應可比萍實想無過欲獻 彤庭下其如萬里何

秋日即事

遠客傷秋思虛堂獨掩扉墻陰鳴落葉窻隙漏斜暉感  
物題新句尋人補舊衣因思蘧伯玉點檢昔年非

題山水畫

繡嶺收殘雨青林上夕曛霞飛紅欲斂澗落翠初分樵  
笛依山起漁歌隔浦聞此中佳趣別榮辱任紛紛

閩中懷古

閩岳佳山水春來一往還忽驚黃髮暮邠羨白鷗閒草  
綠韓公宅花深越國壇登臨重感慨落日斷雲間



再和人日喜雪

人日飛寒雪紛紛墮杳冥氣蒸春意透色助曉光明入  
沼鸞窺鏡穿簾蝶遶楹清瑩人盡愛潔白衆皆矜轉曲  
非爭巧增高若絮成聚庭山嶽聳到海水雲星不覺川  
如練俄看石化瓊梁園添壯志剡水遂高情潤物元無  
迹豐年兆有徵 九重添喜氣四海洽懽聲紀述思前  
輩賡吟媿後生更期 仙仗下爲頌獻嘉禎

送楊宗浩之青州

仰門二月春瀰漫柳絲拂地蒼煙團清尊高館與君會  
細雨曉風生嫩寒君今奉 命往何許云是傳經向東

晴三月春正闌泮水芹宮杏花吐嗟予潦倒忝同  
門年來寒滯無足論長安官舍久寂寞慰我憐君如弟  
昆如弟昆那忍別鴻鵠高飛異蜚螻今宵莫惜酒杯乾  
後夜相思望明月明月皎皎如君心杏壇坐激朱絲琴  
高山流水頗同調踪跡豈必長追尋友朋交情固云切  
聖世崇儒養賢哲青齊自古多俊髦好把前經爲陳說  
我聞安定居蘇湖身先士子真範模循循雅飭衆忻慕  
願君取法誠良圖又聞馬融施絳帳妓女紛紜一堂上  
傳經雖謂漢儒先規矩準繩非所尚知君早得濂洛傳  
吟風弄月應有年邇來曾倅建溪學道南一派窮淵源



此行况復近洙泗樂育優游遂高致舞雩壇下暮春時  
歌詠歸來良得意茲因別我買扁舟鍾山雨過雲初收  
龍河水渾潮正落蘭橈早發應難留

題畫

日斜雲歛樹毵毵天際青山露玉簪一棹歸來無長物  
清風明月滿江南

寄邵隱君伯瓚

舊與君家咫尺居竹籬茆屋共丘墟幾番步月曾相遇  
諸子燈前夜讀書

黃鸝

東風吹暖入金衣飛上垂楊第一枝自是遷喬爲求友

志幽谷舊栖時

端午射柳二首

佳節天中開 御苑

聖君闔武駐鳴鑾 鴻恩寵

錫羣臣集盛事榮瞻萬姓懽細柳競穿誇將士新詩爭  
獻集儒冠微臣幸獲逢佳會稽首 堯階頌乂安

御苑弘開玉帛陳端陽大射集羣臣 清時喜觀威儀

盛嘉會忻瞻禮樂新仗下花明雲錦騎 天邊日照繡

衣人禮成錫宴霑 恩澤共祝 皇圖億萬春

送沈誠甫歸無錫



秦淮東望思依依一曲陽關送客歸  
吟愛曉風輕拂面行從春雨細  
霑衣山厨竹裏新篔熟溪館花邊紫  
燕飛何日歸來同此樂醉眠芳草看雲飛

乙未清明寓北京

客裏清明兩度過從他踪跡向蹉跎  
不知金盡無顏色卻喜身安足  
咏歌幽鳥簷前啼好景暖風花外送  
微和太平年歲逢佳節雖是投閒樂已多

送都憲彭公赴京三首

雨洗白鷗沙煙生綠蕪渚漁人三兩家  
盡住蘆花裏別酒未曾傾停舟買鮮鯉  
酒盡舟欲行款乃歌聲起

清風度高林此君如玉立自經冰雪多  
愈見好顏色平生歲寒契茲馬千里隔  
後夜想平安高樓數聲笛

茫茫荆莽中荒祠半傾圯不知何代人  
乘輶遠來此殘

碑蝕蘚花不解辨文字煩將一瓣香  
東問柳刺史古刺史行祠

南遊懷張九方進士錢惟心尚古

去去復去去湘西路八千殷勤別時淚  
點點落燈前

題竹萃寄詹寺丞先生

湘南萬里道何處更逢君無語倚脩竹  
鷓鴣啼暮雲

題牧牛圖

既飽原頭草還驅飲澗潄翻嫌子民者  
不似牧童心



雲中臺省有懷在京故舊

關樹已搖落關河人未歸秋聲南鴈盡音問故人稀邊  
月團團小清霜故故飛誰知兩年客未授一冬衣

黃鶴樓

黃鶴高飛幾千載黃鶴高樓今尚在黃鶴仙人不復回  
惟餘江水東流海江水東流春復秋昔人感慨今人愁  
憑高日暮望鄉國碧雲天遠空悠悠

鸚鵡洲

芳洲水暖蒲芽吐健筆何人賦鸚鵡江山不解壯登臨  
徒使行人悲往古書生才氣銳於鋒曹王二子那能

君不見南陽人龍正高臥三顧起來續炎祚

采石月下懷李白

金鑿殿上揮毫手金龜來換江南酒酒酣夜著錦袍遊  
采石磯頭月如畫一自騎鯨飛上天大音寥落幾經年  
長江不盡東流水明月還如昨夜圓沉香亭畔花開處  
繁華已逐浮雲去夜深風挾亂濤喧彷彿詩成泣神鬼  
世事無端古又今我來懷古不勝情文章萬丈光華在  
化作銀河一帶橫

趙太祖蹴鞠圖

小苑垂楊弄晴碧萬幾餘暇同懽集錦毬交蹴往來頻



落花流水春無迹君王奮袂張虬鬚宛似驪龍夜戲明月珠侍臣卻立一揮手仰拋紅日直上青雲衢宮靴揉  
簌騰香霧紫鳳翻身彩鸞舞星移斗轉經幾時  
華過十五

水仙圖

貝宮雲冷秋無迹玉娥夜挾飛鸞出海天涼月浸冰肌  
盈盈羅襪凌波立素霞爲珮青霓裙暖香成陣吹芳塵  
洛川賦後一千載重見春風絕世人

唐馬圖

鴈精墮地雲氣黑龍媒貢自馱耆國英風颯爽生天閑

白玉鳴珂紫金勒石闌干外草茸茸一聲嘶斷落花風  
只今萬乘巡遊少立盡芭蕉日影紅

過洞庭思范文正公岳陽樓記

長帆百里乘風舉巨浪茫茫酒荆楚自從混沌剖裂時  
勢與乾坤互吞吐孤城遙見是巴陵城上危樓猶數層  
江山都在闌干角懷古情深不忍登昔賢五色如杠筆  
倒捲銀河翻几席先憂後樂此時心萬古中天懸白日  
我亦江湖作遠遊寸心長繫百年憂三湘南去叫虞舜  
蒼梧日落雲悠悠平洲芳草齊如剪長吟不作騷人怨  
一聲風笛鴈茫茫回首君山煙際遠



題驄馬行春卷

身冠柱史朝端傑白筆飛霜面如鐵乘驄秉節 天上  
來妍究聞風俱膽裂掃除弊政安良民馬蹄到處生陽  
春芳郊草樹風日好綠野桑麻雨露新武夷山色青於  
染花底鳴珂恣遊覽花香飛入繡羅衣道上行人避桓  
典晉祠流水碧泱泱柳邊清翫垂絲纒柳條低拂黃金  
勒父老塵中拜范滂嗟君職業真奇偉大用懸知從此  
始參調元化翼 皇仁敷暢泰和瀾海宇

送過廷章茂才

奉君蓬池之玉鱸郢水之香醪百金盤龍之寶劍五花

鷺之翠袍男兒拂衣出門去壯氣上薄蒼旻高幾年  
讀書向林壑養成大器直欲用世如夔臯故人天上盡  
知已竚看鸚薦登 清朝竚看鸚薦登 清朝山中蘿  
月春寥寥

江南弄爲兵科葉給事中送張主事之南京

綠蒨如茵刺煙素蘭蕙雨香眠白鷺青驪結駟天上來  
鴨嘴灘頭人喚渡槳聲軋軋水悠悠何處女郎歌棹謳  
雙鴛踏水不成浴飛向芙蓉別渚秋芙蓉別渚紅雲裏  
十二樓臺倚天起五陵年少爭奢麗獨有郎官心似水  
王節婦歌 侍御兄之母



青春寶鏡鸞分日傷心淨洗鉛華飾堂前那有舅姑依  
閨中獨抱孤兒泣孤兒漸解舒簡編夜深自課青燈前  
剪刀聲響殘月墮鄰雞喔喔啼霜天此時辛苦誰復  
泉下有靈應嘆息寒衾孤幌三十年宿草荒墳幾回  
兒今已遂青霄期栢臺獵獵風聲馳母年七十尚無恙  
蕭蕭素髮垂銀絲推恩盛典行將及霞帔雲冠照  
室君不見丹崖之松高十尋歷盡冰霜見顏色顏色自  
不改寸心貞且堅吁嗟乎南山可移海可填節婦之節  
不可遷

題琴室

三弄作楚調爲君招得孤山魂

廣西藩司照磨李景陽孝思卷

朝聽風木鳴夕望孤雲飛雲飛木鳴總傷悲高堂人去  
不復歸人不歸今幾載痛念深恩淚頻洒親兮生我我  
有成我欲養親親不在遼天白鶴何時來霜林月落啼  
烏哀愁心一寸成百結愁腸一日深九寸滄溟有時枯  
白石有時爛此情綿綿無時忘直與天長兼地遠

黃澄濟蘭竹清芬圖

楚雲凝碧秋茫茫月華夜浸瑤天涼湘臯仙子青霓裳  
紫纓交結雙明鏞空谷佳人翠袖長風環月珮搖琳琅



相逢一笑荆莽場同心同操同芬芳清氣浩浩如水霜  
乾坤許大難容藏天風不斷吹龍香消磨歲月空堂堂  
冰絃五十彈清商玉簧十五吹鳳凰九疑山色遙相望  
蒼梧日落愁英皇汨沒騷客遊 帝鄉九歌歌徹聲鏗  
鏘我昔艤棹臨清湘披榛薙莽同徜徉黃陵廟古春草  
荒竹雞亂啼山鷓鴣檣梧攜出古錦囊試調孔操何洋  
洋歸來塵土走洛陽夢魂長繞江水旁披圖重見喜欲  
狂歲寒契誼殊難忘墨花落紙生光芒江空月墮煙蒼  
蒼

題顧御史所藏梅花圖

夢家遠在吳山住路入梅花最深處天香歲晚雪紛飛  
繞屋寒香千萬樹花時日日醉花邊酒醒長吟花下眠  
聽到翠禽啼斷處任教明月照青天自從遊宦京華久  
夢繞花前與花後故鄉花發想依然何遜才華已非舊  
霜臺御史繡衣人藏得橫斜水影真一幅齊紈裁皎潔  
筆端渾是玉精神蕭齋凍雨簷花落紙帳夜寒燈影薄  
恍然相對似還家春信依稀生綠萼綠萼春生日漸多  
山中歸興尚蹉跎玉堂日賜宮壺酒其柰梅花似雪何  
何當催赴看花約莫待江天吹曉角詩成起向畫中題  
酒熟還思花下酌



寄李仲寧先生

一自攜書謁 帝扉春山誰共拾靈芝  
蕭齋記得鷺湖上敲落燈花夜半棋

小景

雨餘流水抱孤村天際青山鎖白雲  
滿地落花春寂寂道人清晝未開門

題雨竹圖二首

鷓鴣啼斷雨氍氍獨倚篷窗酒半酣  
威鳳不來秋已老暮雲凝碧暗湘南

雨雨風風歲月深石邊老節尚含青  
憑誰截作高樓笛吹落秋空數點星

丁卯歲赴京會試宿在平驛夢爲詩二句云銅鳧香  
冷起栖鴉踈雨閒庭落杏花既覺足成一絕書之窻  
間

銅鳧香冷起栖鴉踈雨閒庭落杏花  
記得夢中詩句好起來和月寫窓紗

題畫

溪雲靄靄樹團團溪上幽亭六月寒  
日暮看山人已去水禽飛上石闌干

御溝秋柳



官柳如雲隔御河秋風披拂逸鑾坡  
枝頭猶帶青青色應是天門雨露多

題竹送侍御韓用熙之廣東副使

月明人弄紫瓊簫彩鳳翩翩下  
九霄萬里清風洒炎海蠻煙瘴雨一時消

都憲山陰王公唐馬圖

逸氣昂昂八尺龍芳郊羣戲  
落花風沙塲會逐嫖姚去直蹂戎王萬騎空

古北口 景泰元年二月

虎豹森嚴雉堞牢亂山如戟入雲高  
驅車直上西岡頂

沙漠依稀見白旄

宏善寺

驄馬行行度鳳林鳥啼花落白雲深  
山僧供我一杯水似識平生冰雪心

題畫寄潘時覲

幽鳥啼殘樹底煙落花流出竹間泉  
隔溪笑指青山好記得同游已十年

寄王廷貴舉人

如椽巨筆蘸鵝池一洒春雲繞地飛  
莫向故人閒賦詠春風留取對彤闈



登第有作

彤庭獨射天人策金榜名標姓字香  
天上看花催寶馬 日邊錫宴醉霞觴  
盡將燈火十年力化作雲霄萬丈光  
願竭忠誠報 恩德 聖明天子似陶唐

送丘解元歸瓊州

柳絮吹香點客衣都門送別思依依  
三年射策未應晚 此日榮親喜暫歸  
花謝驛亭春荏苒潮生江浦晚依微  
懸知視膳高堂上蠶肉紅鮮海蛤肥

竹雪齋

翡翠枝頭粉作團東雲高覆細琅玕  
水精簾外鳴瓊珮

雲母窓前舞白鸞鶴氅尤搖三徑曉  
洞簫聲散九天寒 主人勝賞歌紗帽  
酒力微時正倚闌

送劉主事欽謨之任南京

風流文采冠當時此日之官惜解攜  
萬里碧天黃鶴遠 一江秋色白鷗迷  
酒從揚子橋邊貰詩向金山寺裏題  
不日漢庭還賈誼高簪彩筆侍 彤闈

剪韭亭

種得嘉蔬近草堂園丁相報已堪嘗  
叢叢慢度黃金剪 葉葉齊盛紫竹筐  
一握風絲隨手嫩千條露帶入厨香  
杜陵風味曾同賞雨夜悠然入醉鄉



環翠樓

百尺層軒倚紫冥無邊風景此登臨  
八窓水色鉤簾坐  
四面山光拄笏吟  
露沐長松圍座冷  
雨添新竹遶簷陰  
平生湖海多豪氣  
只有元龍識此心

挽御史中丞陸公矩

兩佐元戎出  
紫宸文謀武略總無倫  
鯨鯢波靜滄溟  
曉豺虎羣空紫塞  
春名重  
兩朝方眷倚  
訃聞千里共  
悲辛  
今朝一掬西風淚  
重爲  
明時哭蓋臣

送顧侍御德明之福建憲副

伏雨頑雲不肯晴  
故人趣駕出  
神京清霜皎日同官

意積水長天送別情  
嶺嶠有人驅猛虎  
海波無處斬長  
鯨  
炎風吹得山凹綠  
丹荔黃柑不用生

寄吳克勤

閩江隱者真高致  
林壑徜徉鬢未華  
白白湖魚留客飯  
青青山笏供僧茶  
影堂夏薦含桃子  
詩檻春移芍藥花  
嗟我金門偶爲客  
舊游回首隔天涯

暮春有懷鄒洪遠

好客當年孰與倫  
吟尊蒲蒲貯芳春  
生憎綉幄花無語  
故倩雕籠鳥喚人  
歌翁雙揮金蛺蝶  
舞茵齊壓玉麒麟  
鳳城回首韶光暮  
落絮遊絲別恨新



倪詩集終

盛明百家詩 練榜眼集

練公子寧初名安別號松月居士江西新淦人洪武十八年丁顯榜進士第二官至吏部侍郎都察院左副都御史革除間與同年黃子澄俱極用意每侵削藩國靖難師起遂以好黨廢之至八年拜副籍公與正學方公同死事文憲公諱... 詩賦五十餘篇集舊名金川玉屑今易以是名者見公不負科第而科第之足以得人固如此隆慶丁卯夏後學錫山俞憲識



耽犁子賦

閩粵之區有先號耽犁者耕於寬閒之野而老於熙皞之鄉以告松月居士曰吾拙於進取而難犁鋤之夫何安於蹇窮而惟稼穡之是務方吾犁之左手也無思熙乎其自怡不啻執圭秉璧之然也夫適也夫是以取而自名子其爲我賦之若一二日所以得遂夫耽犁者乎天生蒸民紛然有欲強弱衆則暴獨非聖神之首出孰克爲之司牧藹德禮於生稟威刑於秋肅夫婦以別父子以屬彝倫是惇風八返朴夫士得以遂其詩書商得以通其販鬻工得以持

其巧於方圓農得以盡其力於穡稼者夫也夫熙熙熙熙康衢擊壤幼恬老嬉湯武並命應天一人道二摩義頌聲以興洎戰國之爭雄遂下逮夫秦之亂而漢之興而漢之窮干戈而潰成武民生斯時何所控禦而大矣文景無爲光武明章世紹丕基萬黎民之幸而刑措於斯時魏晉以降五胡分爭裂冠毀冕而借唐室之開基繇太宗之神武感魏徵之仁義而之莫覩曾未幾何藩鎮跋扈更歷五季民困當主及乎宋室之興削平僭亂開文明之景運幾跨唐而軼漢休養生息三百餘年彼番番之黃髮咸沒齒而無怨元氏



之衰群雄奮起鹿逐鯨吞瓜分鬥峙哀生之於藩  
溝壑而未已赫焉大明如日之升  
匿而無形接統乎千歲受命於  
平出斯民於塗炭化愁怨爲歡聲是以  
夫之不獲皆女織維而男農耕向使  
出于斯時也救死而恐不贍又何  
自今知之服膺勿失雖耕田而鑿井  
窮相資患難相恤租必先公食必先  
歸乎吾皇之極於是耽犁生仰而謝  
諸紳服之無斁

卜居詩

八結宇脩篁裏軒戶玲瓏瞰流水庭臯月  
上風回青浪起翠陰青浪映窓扉曲徑臺深客到稀  
下移床揮麈坐沙頭繫艇釣魚歸柴門無事臨流敞  
高臥支頤聽清響千山暮雨石泉通一夜春雷籜龍長  
几席清幽俗事疎波光盡日映圖書何年得遂辭塵塊  
杖策相從此卜居

待月歌

天風吹桂香夜久露華結清興誰與同停杯待明月  
月瀕東海上來青天一望無塵埃人看明月皎如昨月



照人間知幾迴人生何用嗟與歎月本無心尚圓缺玉  
兔搗藥能長生不啻麻姑髻如雪月既照我飲我且爲  
月歌舉杯勸月月亦喜清樽歷亂揚金波願把紫鸞笙  
雙吹向寥廓直上蓬萊第一峯坐聽霓裳奏仙樂

樵谷歌爲雙峯饒子弘賦

金川南上佳山水翠壁丹崖相對起玉山三十六芙蓉  
都入樵翁笑談裏藤蘿縛屋薜荔衣朝往青崖暮始歸  
松陰遺世時高枕谷口行歌日看棋昔年我作金門客  
素衣半化緇塵黑當時拄笏望西山始信漁樵不輕得  
今年奉勅又朝天手展詩囊索贈篇移文未許山靈  
定他年我亦謝官歸遲爾長鏡綠蘿逕

三月望日與饒隱君子宏遊玉笥山謠

我欲謝康樂獨往遊名山身同雪舟繫心與浮雲開詩  
眉淡蕩酒六合令我興在雲松間玉山高與南斗齊雲  
簷照耀廬山低三十六峯凌紅霓飛湍噴雪臨迴溪長  
松掛月青猿啼上有梅仙採藥之窟下有蕭雲讀書  
之故基洞天石扇杳莫測道遠長三春羨我欲因之  
覽八荒手拂青蘿眠石上出岫以散巖入霧清冥倒瀉  
澄湖光作爲玉山謠寄之雙峯客與來携妓秋復春笑



殺東山謝安石

贈人

憶昔先人辭玉京君家  
酒酣落筆滄溟驚  
明當盡節報  
天子

玉山謠贈時憲

我所思兮玉山之峇  
千載至今誰續廬山謠  
黛色聞余此與爲寫之  
彷彿梅仙舊時宅  
梅仙兮何在  
孤舟弔遺跡於千載舟中所

載非凡流羗故人兮李與周  
按玉笙兮明月下黃鵠兮  
清秋洞天兮石扇蒼崖兮  
路轉橫余劔兮視八荒訪蓬  
萊兮幾清淺張侯兮昂藏  
寶笈醉石髓之瓊漿千岩  
萬轉路莫測酒酣一笑三山  
窄待得君王賜鑑湖錦袍  
重訪山中客

輞川釣者圖

家住璜溪上金川似輞川  
涼風垂釣坐明月棹歌還  
綠水雕胡飯金鱗縮項鱸  
鑑湖如可乞相與頌堯天

與謝伯大會宿石溪寺次日贈竹隱上人

高僧號竹隱開寺大江邊  
如意懸書室袈裟上釣船  
樓



臺開世界龍象接人天記得連床處松風夜不眠

廷試作

天子臨軒策治安近臣如雨侍金鸞百年禮樂成周典  
一代威儀陋漢官文氣夜連奎壁動龍光晴射斗牛寒  
董生莫負天人策學術須期百世看

早朝

銀燭光中烏夜啼棘闌清徹候晨鷄西窓聽雨忝同赴  
上苑看花憶舊題王氣曉瞻雙闕上文星夜貫五雲西  
明朝珂珮朝天去金殿春風玉筍齊

讀書臺

閑抱瑤琴訪百花上人還與論三車能分香積厨中飯  
慣煮孤山雨後茶洗墨池荒秋草合讀書臺古夕陽斜  
壁間正好題詩句留取他年護絳紗

杏林清隱

傳家三世總能醫不獨長桑授上池董奉林香丹杏熟  
蘇耽井在綠苔滋城中賣藥人同識谷口行春鶴慣隨  
我亦欲傳丹鼎訣洞天石扇擬同窺

小姑山

姑石差莪不可攀粧臺更在白雲間丹梯下壓龍蛇窟  
鐵鎖高懸虎豹關使客未鳴蒼玉珮江妃先擘綠雲鬟



江南莫道無形勢，筓立天門第一班。

送人之官

雨霽清流玉滿川，錦衣簇簇立沙邊。  
旋沽南石橋邊酒，聊送東風江上船。  
行色一枝春在柳，去程千里水連天。  
待看考績歸來日，細聽鶯聲奏管絃。

送花狀元詔許歸娶

三月都門鶯亂啼，郎君春色上朝衣。  
潘生况擬供調膳，張敞仍須學畫眉。  
南陌酒香銀甕熟，西湖月朗畫船歸。  
極知身負君恩重，莫遣心隨粉黛移。

牡丹爲黃公器詠

不持紅紫競芳菲，似與天公別有期。  
金縷織成雲外錦，珊瑚長出海中枝。  
一欄國色君須記，滿袖天香我所思。  
陪賞喜同諸俊彥，醉歌渾似洛陽時。

淦江書屋爲李宅賦

故人家住大江邊，又踏鷗波已七年。  
養鶴亭深栽竹地，讀書窓曩煮茶烟。  
論交有道情垂穎，推轂無能與薦賢。  
莫道相從忘夙昔，梅花水雪歲寒天。

乙丑三月訪子白兄於秦淮橋

五月南風水倒流，秦淮橋下問扁舟。  
穿花燕子羽毛濕，隔水人家門巷幽。  
心憶楚樹身陪冠冕，侍瀛洲。



吾兄歸去如相問衣綵終期慰白頭

謁余忠宣公祠

將軍忠節冠荆揚千載精神日月光血戰孤城身已殞  
名垂青簡汗猶香殘碑墮淚空秋草折戟沉沙自夕陽  
我亦有懷追國士爲君感慨莫椒漿

送人之京

松華金粉落春衣有客過門索贈詩司馬豈無乘駟日  
終軍又是入關時新豐樹色雲中露長樂鐘聲雨外知  
好去原流三事客只波咫尺鳳凰池

近事大端遺二  
賦盡彭楊德類何仕境賦

羅襪香塵太液池凌波化作玉蓮枝始知秦虢承恩日  
不似皇英望狩時翠袖相携誇窈窕銀屏雙倚闔腰肢  
翻思獻頌甘泉裏朱草嘉禾未足奇

賦得孟義科斗送監生楊仲文歸台州親迎

孤石巉岩出紫烟雲根遺墨尚依然文章豈在龜疇下  
形質還存鳥跡前汲塚秋風思汗簡魯堂春雨閱韋編  
郎君歸去和鳴後織作機中錦字傳

送周君往四川

駟馬橋邊秋水波郎君此去意如何衡陽鴈陣驚寒早  
巫峽猿啼入夜多一水東來通漢沔山西上接岷峨



少陵祠宇清溪曲爲瀉椒漿試一過

贈醫士習以質

藥爐丹火映晴霞見說桐林是習家  
衣拂松雲窺石髓瓢分崖瀑飯胡麻  
豈無董奉林中杏亦有安期海上瓜  
待我蟾宮通桂籍從君玉液鍊金花

送人之京

天子龍飛辟俊才金灘江上錦帆開  
龍泉劍自豐城出明月珠從合浦來  
王氣曉浮鸞鶴觀文光宵應鳳凰臺  
錦袍公子仙舟侶金棹東風取次催

贈侯伯俊

侯家妙墨異人方蚤歲曾供白玉堂  
樸檝霜花收兔葉淋漓天藻動龍香  
文章敢謂抽金匱圭璧仍煩出錦囊  
留取松楸千斛在蘭亭高興屬流觴

灞陵樵牧爲謝伯大賦

新築茆堂面翠微灞陵風景更依稀  
拾薪路險莓苔滑放犢林深笋蕨肥  
卜式肯將金換爵買臣安用錦爲衣  
他年斤斧相尋處牛角懸書候夕暉

郡庠胡子溫以楊侯所題弓求賦遂爲書此

七寶雕弓鵠血紅使君高誼孰能同  
鼎湖猶憶軒轅墮蛟浦徒誇漢武雄  
空谷扣弦驚夜月上林飛箭待秋鴻



桑弧自有平生志未數麒麟第一功

次孟子溫見贈之什

銀箭銅壺促曙暉論文未覺故人稀連床風雨三年別  
百里星河兩地違人物獨推黃叔度文章誰似謝玄暉  
高崗莫道無鳴鳳舊種梧桐已十圍

解嘲

秋來逸興浩如雲閒拂霜華看劍紋莫恠風流謝安石  
未應憔悴沈休文驂騮神駿寧論肉鷓鴣身輕更出羣  
千載征南不穿札至今猶作晉元勳

送周子澄之歷城

難兄佐邑持風裁令弟辭家篤友于風雨幾年踈共被  
關河千里轉征車天垂鉅野河流急秋盡江南木葉踈  
他日到官煩問訊琴堂詩思夜何如

次答本素上舍

蒲城車馬自相求獨臥衡門四壁秋  
翡翠蘭苕嗟後識蒹葭玉樹媿同游  
葛洪峯下山連屋陶侃臺西月滿樓  
不有故人能見問此中高興有誰儔

寄曾得之

高鳥知還久倦飛分甘萬里遠王畿  
虎頭食肉侯何用鷄舌含香事已違  
博望尋源經月去長卿爲蜀暫時歸



寄言玉筍雲中客終擬相從採蕨薇

送總戎出征

天子龍飛定朔南知君此去定呼韓班超自信輕投筆  
馬援仍能老搃鞍飲馬窟春泉脉煖射鵬風急雪花寒  
同行王粲吾知己應有音書早寄看

挽黃德淵

瀟湘西下水雲鄉每憶相隨醉夕陽黃壤頓埋醫國手  
青囊猶貯養生方紫芝歌絕猿啼怨丹杏林空虎跡荒  
掛劍獨來松栢下炙鷄絮酒幾沾嘗

洪武庚午元日試筆

扶桑日轉曉瞳瞳千樹梅花雪未融酌酒吟春瞻北極  
升堂賀歲遇東風天垂華蓋青雲近地接仙源玉澗通  
二頃石田今廢盡獨持書劍望年豐

送淦城百花寺僧竹峯請度牒南歸

鳳閣岩堯紫禁長五雲垂影綉天光繡衣素識龍鱗氣  
墨版新承雨露香杯渡海門秋渺渺飛淮甸月茫茫  
賜還有待南歸日來訪支公舊石床

早朝和友人徐子權韻

瞳瞳旭日上東山金鎖齊開虎豹關霧雪盈烟當鳳象  
風傳臚唱肅鸞班呈來八駿花前簇朝散一官柳外還



回望蓬萊猶咫尺薰絃奏徹五雲間

和韻答傅彥武

放逐南還孺子鄉扣舷誰與泛滄浪有懷採藥尋方士  
無復聯班侍紫皇夜雨桐花當戶落春風蘭茝隔簾香  
讀書未了平生志深愧雲林臥石床

罷直圖

草詔下金鑾宮槐白露寒紫駟驕不控明月在闌干

題紅梅

仙子六銖衣翩翩月下歸洞簫吹紫玉春色醉如泥

達泉圖

一夜春雷動石泉桃花新漲已連天幽人悟得朝宗理  
興在滔滔百折前

山水小景

玉筍諸峯翠接天鶴汀鳧渚近相連老翁日暮不歸去  
釣得槎頭縮項鱸

題墨梅

姑射仙人玉珮環瓊簫和月上青鸞素衣不受緇塵染  
留與江南歲晏看

中秋日答曾仲和

桂花京露瀉涓涓秋滿銀盤月正圓不是庾公無此興



網  
卷  
三  
祇因病酒妬婢娟

訪李彥澄不遇戲題

過門不入非我心贈言敢擬瑤華音澄江八月淨如練  
玄暉有約來相尋

射卷

新開射圃鳳岡前手挽雕弓滿月圓記得楊侯飛羽日  
泮池楊柳葉皆穿

奉題匏菴所藏畫二首

鶴羽脩脩弄月明篔簹谷裏暮寒生憑誰截作參差玉  
吹出伶倫嶰谷聲

百尺長松石上栽紫雲深護碧崔嵬綠蓑坐釣盤陀石  
細雨斜風不肯回

重午日答友人

青鳥新傳錦字詩高情非是故相違歌鐘坐滿風流客  
不稱山人鶴氅衣

爲百花寺竹峯上人題梅二首

月逢三五光纔滿梅遇陽回始着花禪定湛然忘色相  
不知踈影上袈裟

曾向孤山占早春肯同桃李媚時人暗香疎影黃昏月  
應共禪心不沈塵



王子逸見寄韻簡百寅昆季

荆楊文物冠南邦詩作長城擬受降漢氏苗畬今有幾  
陸家兄弟舊無雙窓聽夜雨消銀燭簾捲秋山倒玉缸  
為謝歸來陶縣令幾時揮棹到滄江

練榜眼集終

大明百家詩 姚少師集

元末 國初多高僧若姚廣孝以釋者上行致成  
難之功官至資善大夫太子少師亦奇矣廣孝吳郡  
相城人法名道衍蓋智謀之士隱于緇流者後官雖  
尊不受髮固終身一僧也其詩縱淺近宜傳詩舊名  
逃虛集隆慶改元隣郡是堂山人俞憲識

雜詩一首

志士守苦節達人滯玄言苦節不可貞玄言豈其然出  
處固有定語默非無緣伯夷量何隘宣尼智何圓所以  
古君子安命乃為賢



擬古

還車候明發靡靡經山谷念茲道路難况彼時序促  
驚桑葉枯今顧蕙叢綠榮華非可貴飄忽即過目人能  
保貞德流芳亦自足毋將日虛棄腐化同草木

妙上人習靜軒

嵐嶺照深屋雲松翳閑門鳥啼驚曙白花氣覺春温以  
茲迥塵境自可澄真源冥觀了無法何有寂與喧

送友人之松江得曙字

潮來沙磧平月落海門曙汀蒲轉風葉堤柳搖烟絮江  
頭春可憐天涯人獨去有歌送君行無酒留君住雪浪

沒沙鷗雲帆出江樹回首讀書聲青山不知處

蠡口夜歸

日沒渡口昏水風着人熱漁燈帶螢火微光互明滅舟  
人報水程路遠行欲歇故山不分明目盡心力絕遙想  
山中人待人仍待月

鳴琴澗

澗上松瑟瑟澗下水涓涓山人來澗底宴坐拂冰絃松  
風共流水一奏一泠然

和徐一夔游龍山雜賦二首

脩脩一禪宮樓臺隱金碧松關掩唄音在巖鎖雲迹羣



僧禮祖餘香燈目長夕

出崦不逢山長江波森森落日下遙汀寒雲翳沙鳥延  
佇目難窮孤帆來樹杪

石經山

并序

石經山在燕之范陽郡峯巒秀拔若天竺山故稱曰  
小西天隋大業間有法師靜琬者處是山思聖教有  
難不能流通於是發願募緣敦工鑿石爲板刊造一  
大藏經儲積于山其後法師首刊至唐貞觀初  
僅成大涅槃一部而法師乃卒其後子孫繩繩化億  
萬人乞錢粟用造餘部用盡與金然後完此一大藏

貯于岩洞者七地穴者二洞以石所開之穴以浮屠  
鎮之自隋唐遼金及元碑碣森列照映巖野然而累  
經干戈無秋毫之犯洪武二十一年歲在戊辰春正  
月廿一日余奉 旨往觀念法師之願力宏大堅  
固是山之泉石靈異清勝故賦是詩鐫于華嚴堂之  
壁雖未足彰法師之幽光庶以紀茲行之歲月而托  
其不朽也詩曰

峩峩石經山蓮峯吐金碧秀氣鍾懋題勝槩擬西域竺  
墳五千卷華言百師譯琬公懼變滅鍊筆寫蒼石片片  
青瑤光字字太古色功非一代就用藉萬人力流傳鄙



簡編堅固匾板刻深由地穴藏高從巖洞積初疑神異  
工迺著造化迹延洪勝汲塚防虞猶孔壁不畏尋火  
詎愁蘚苔蝕茲山既無盡是法寧有極如何大業聞  
此至人出幽明獲爾利乾坤配其德大哉弘法心吾徒  
可爲則

### 拒馬河

大河擬長淮湍急去如瀉未足限南北猶能拒胡馬牛  
羊飲其濱蛟龍蟄其下洶湧拍遠天漫演散平野中流  
漁子多兩岸居人寡從來燕趙間紛紛戰爭者以爲此  
其國固守曾不舍河伯願揚靈終古保民社

### 文丞相祠堂

凜凜宋忠臣赫赫元世祖禮遇各有道聲光照千古舊  
祠燕城東松栢森牖戶英靈貫日月勁氣鼓雷雨有司  
奉朝命維時薦芳醕客來拜庭除欲退復延佇

### 送護西堂還武林

昨朝武林來今朝武林去流水與行雲何曾知去住鴈  
送秋風帆蟬鳴夕陽樹悵望天東南青山眇何處

### 竹院聽涓公琴

虛齋倚脩竹七絃彈更幽歛如一葉落萬壑昔驚秋依  
微塞鴻歸窅渺湘雲流無管自深聽澹然忘去留



師林精舍遇盈師夜坐

空林長掩關閑雲去無迹偶來值禪侶清談忘永夕坐  
久磬聲沉松堂一燈寂

送靈隱欽老

昔從冷泉遊今見冷泉主迢遰來石城袈裟帶松雨去  
住自無意何暇計出處官舍晚相看竹邊不知暑尚論  
古人心還舉尊宿語歛爾返故廬惆悵獨延佇

自阜平縣過大派山二百里抵五臺遊覽成詠

阜平從西來大山與連谷層岡歷千重一壩過百曲劔  
鉞露遠峯練色紆寒瀑虎跡屢驚人鳥道長仄足霞光

閃危嶠雲氣沍崇麓亂蟬咽陰吹幽禽響佳木斷徑鳴  
孤猿平坡走羣鹿萬藹雜紅紫衆葉紛青綠木皮野客  
衣石广山氓屋遐方日尋勝空林暮投宿漫遊許自知  
縱覽厭所欲會當登五臺清涼我心目

河清詩

黃河通天淼無極遠過龍門由積石巍峩砥柱屹中流  
䟽鑿神工存禹迹盤回九曲東入海古來周武曾沉璧  
何似當今 聖人出飛龍在天沛天澤自古渾渾今  
見清良由信德天人格困淵浪靜綠如苔野曠風平天  
一碧或儼長江如練淨遠映晨霞形岸赤叔鮪王鱣可



窺蹤掠水羣禽弄輕翮雲駛虹揚神鬼駭熒光五色歡  
河伯有虞之世今復見會看黃龍負圖冊 聖人曾  
不恃功德異瑞竒祥冠今昔微臣作頌獻宸庭萬姓嵩  
呼手加額

題怡上人松風閣圖

萬松蒼蒼蟠峻嶺久向耶谿誇絕境道人層搆萬松間  
宴坐長年樂深靜靈飈歛來巖谷口髯君忽作蛟鼉吼  
喧豗直遣嶺猿驚振迅或令山鬼走須臾瑟瑟復蕭蕭  
初如笙竽再如韶裂石聲欺匡阜瀑犇雷勢壓錢唐潮  
清竒自適烟霞侶冷落豈宜箏笛耳長夜寥寥四壁空

得此心如止水黃鶴山中淨名老援筆圖成過荆浩  
金華太史製雄文秋色南山兩相好須知道人曾返聞  
六根旋復消聲塵我待明年試登閣無弦琴奏桃花春  
題三香圖

湘江水寒大雨霜梅兄馨弟嗟同芳當年山谷曾有詠  
趙子儼作圖三香湘妃綽約如冰雪翠袖輕盈弄明月  
江干寂寞抱天真寒影微波共清絕故山惜花埋衆草  
年來零落誰能保我生已解色是空到處何曾被花惱  
客邊莫謂無相知采美尋芳還自怡午窓夢破鳥聲寂  
披圖一笑爲題詩



且停寺并引

寺在內丘縣西山中晉佛圖澄之所建也奇峯喬林  
清泉脩竹境致幽絕非他山可並昔統太子於寺駐  
馬曰且停從是人呼爲且停寺有碑在焉

老年落魄猶非昔破帽遮頭誰識得不問水郭與山村  
杖藜到處尋陳迹西丘地勢一何壯建國當年誇石勒  
竺師賴有佛圖澄問道從容降詞色至今禪刹遺彌阿  
松扉晝掩縈烟蘿水流涓涓水樂奏山木黯黯山禽歌  
樵人牧豎不敢到竹逕雲斷惟僧過有碑千年字漫滅  
忍使老眼空摩挲神僧去久山無主誰聽塔上風鈴語

古往今來一笑間不用悲歌淚如雨

再次韻荅童中州蕪簡梅雪居士

春來已過中和節雨雪漫漫暗衢陌一歲韶華夢裏過  
不知何處堪行樂遼廟金甌成土丘但見東風搖燕麥  
朝來跨驢出門去雲未布空雨垂脚興盡而還也自歌  
翻笑啓期行帶索自家樂地知有餘不用借酒爲歡伯  
山中何年植雙杏花發後先紅映白貧僧愛看杖屨支  
貴介游探馬頻躍中州老人似年少胸次森嚴展戈戟  
招邀衆友共過我坐處却言禪榻窄前年吟賞多搢紳  
豈意今朝又如昨天生此花真可惜嫩蕊愁寒未全拆



山桃日下漫天池柳雨餘空濯濯但得東君肯見憐  
不使相隨衆芳落看花感激付一笑誰道坐中俱是客  
梅雪風流似蘇子有語應嘲主人惡得意從教載酒過  
乘興何須賦詩約此詩強和莫細觀蠟味本無空咀嚼  
題觀音巖

高閣凌虛如履地長江萬里來無際世人可到不可留  
只許禪僧深夏住亂帆來往逐雲飛隔岸淮山擁翠微  
大士巖間常宴坐一燈夜照客船歸

贈筆生陸繼翁

吳興筆生誰第一陸家孫子今無匹湖海知名購者多

惟有能書始能識取材妙選中山毫揮觚圓轉猶霜刀  
快如飢蚕食老葉驟若巨峽翻秋濤助賢喜得中書力  
稱心奚問千金直縱使材良製未工玉堂虛盡空名色  
陸生遺我老兔毛得之貴比瑛璠玉堂書久成癖  
細寫笑作鶯歌嬌薦紳先生多刮目贈牛腰軸  
今朝忽過索吟篇筆底生花夢方熟

題曹霸百馬圖

古今畫馬知幾人唐家獨數曹將軍南薰殿上拂輕素  
歛忽落筆生風雲開元一見誇雄壯催賜黃金盛稱賞  
八尺龍媒苦逼真况乃驂騮并驪驥故人示我自馬圖



殊相竒形絕代無會須善守此家寶傳遠不在神靈扶  
天界寺

香刹依天極彤雲擁地維龍蟠新賜額龜負舊川碑金  
鐸鳴風煖珠幢影月墀遙瞻晨祝罷處處藹春熙

登樓

自昔辭家日曾期萬里游半生同泛梗今日獨登樓山  
靄風前合江烟雨後收何由乘小艇隨意狎輕鷗

送友人之武林

我住城西寺君歸湖上山馬聲知驛路樹色認鄉關遠  
戍霜鴻慘荒汀雪鷺閑自憐堤畔柳愁緒不禁扳

重過師子林

開扉近水邊竹石總堪憐遠想渾如夢重游却信綠蟬  
翻紅藥雨鳥度碧蘿烟即境自忘慮何須更習禪

新秋

江淨橫銀漢天空散素烟雲峯才變巧荷翠欲傾圓京  
色含風樹商音帶雨蟬如何蕭瑟意偏是客驚先

過礪東贈馬生

素抱厭塵綠林居自澹然鳥啼青磧曲樵唱暮鐘邊香  
几流松雨書帷闕竹烟常時賓客至隨意煮山泉  
訪道權上人宿城南



遠尋應不憚况爾只同城一榻留人處孤燈照雨明  
添新覓句琴變舊彈聲此夕諧歡笑元非徇俗情

送邵秉

還家因憶母十月出燕城去轂雲同遠行裝雪共清水  
聲知過處山色記來程落葉兼飛鳥紛紛總別情

題張山人適樂園林館五首

巷僻無車馬閑扉掩薜蘿籠馴傳信鶴池畜換書鳩  
逕曾妨竹移梁欲避荷子雲偏好古載酒屢相過  
室中無異物左右盡圖書不共漁樵侶還同水竹居  
曾呈蠟鳳客欲棄銀魚我獨長來此清談行綺餘

隱隱依林樾迢迢去市遙翠低承雨竹綠碎受風蕉  
嶺還侵戶春流欲斷橋主人緣愛客時爲出山瓢

花逕斜通巷榆村遠隔溪曉庭輕騎集春閣亂鶯啼  
野水流城北雲山峙屋西晚來吟興發獨往杖青藜  
林居無俗韻琴史引來賓逕狹難容轍池深可縱鱗  
登山新製屐漉酒舊裁巾我亦耽幽者他年願托隣

玄明精舍訪呂山人志學

開房近竹邊行李亦清妍避客因妨俗依僧爲學禪  
陰堦偏積雨風樹不藏烟別去仍題壁留君慰目前

登天平山訪圭禪師



遠歸吳下寺重上白雲泉勝地游非偶名山到是緣  
僧行晴雪裏虎嘯夕陽邊開士情何厚茶餘話昔年

雨中題山館

暫駐遊方屐羈孤動客心歡將春意謝愁挾雨聲沉  
山  
落花含夕林寒樹積陰掃苔尋舊句一一爲重吟

秋日重遊空條山海雲精舍二首

迢迢青村外崎嶇紫邏間過林才見日到渡不逢山  
一  
室依巖險雙扉傍竹閑曾看雲際鶴向暮獨飛還  
地遠塵難到人家半隔溪放禪還候磬起曉却憑雞雲  
一  
道山窮泉行趣澗低披藜尋藓壁更爲刻新題

登惠山觀泉

古寺連西郭尋泉步礧苔爲憐僧獨迂因喜客重來  
晴  
鳥臨流集秋花夾岸開盤桓須盡興隨處有茶杯

深翠軒

芳構依苔竹幽深六月寒蘿烟迷翡翠松露浥琅玕  
秀  
色侵帷畔清氛集座端晚來無客過琴詠自成歡

寄王光菴

學優何不仕奉母向桑榆今古書千卷乾坤宅一區  
竹  
臨窓更密蘿繞徑偏紆學士賓朋少無營且自娛

新柳



裊裊臨江郭依依傍苑墻  
眼舒春後雪眉蹙曉來霜  
蠻舞腰爭細鶯遷色並黃  
低雷連草帶亂拂和梅香  
雨滯枝猶弱烟牽縷共長  
隋堤千萬樹目斷意淒涼

朝天宮

六代興王地千年上帝宮  
絳扉隨日啓黃道與天通  
左掖龍威盛西垣虎勢雄  
瑤壇依碧落貝闕際玄穹  
飛閣璇題迴廊畫壁崇  
逕開羣竹裏亭起雜華中  
靈池金庭異仙游玉局同  
瑞雲春迥匝香霧曉濛濛  
森爽低瀛閩清虛鄙華崧  
蕭翻空界黑旌曳下方  
紅樓響鐘初叩臺明鏡乍  
龔丹光晨掩旭劍氣夜成  
虹寶籙吳紗閔陰

符蜀綺籠爐氣烟縹緲  
蕙影月玲瓏  
偃蓋松承露  
檜引風神龜時出沼  
儀鳳暮栖桐  
綠髮乘虬  
空青衣放鶴童  
辭凡脩素默望聖達淵  
冲定錄思茅固全生慕葛洪  
尋真滇到此不用問崆峒

寄山中僧

鍊錫惟行礪谷葛衣不受埃  
氛百丈泉邊坐石千頭松下  
眠雲食芝每呼樵伴采菌時  
驚鹿羣孤踪既留世外高風  
肯使人聞

三月二十日欽授太子少師

分甘巖壑事浮圖  
此道何曾記有無  
自念上天遺一老



誰知今日預三孤  
困禽縱翻風雲會  
枯枿回萌雨露濡  
深荷 皇恩無以報  
爐香晨夕効嵩呼

秋日登海虞致道觀

琳館無塵真福地  
門前萬竹自青青  
丹成井底飛雙鶴  
檜老壇邊布七星  
鶴舞出林朝每見  
龍吟歸壑夜還聽  
我來祇爲逃秋暑  
非是尋仙問道經

題萬松金闕圖

山水名邦王氣來  
倚天金闕勝蓬萊  
雲移松嶺旌旗動  
日轉楓宸戶牖開  
玉樹影搖丹鳳集  
翠濤聲起六龍迴  
閒行幾度觀陳迹  
愁聽春風杜宇哀

賀高啓生子

吉夢維熊得寧馨  
精神秋水骨英靈  
試啼此日期成器  
學禮他年想過庭  
抱弄向人爭惜玉  
笑呼盈座喜添丁  
好看頭角嶄然起  
應效常賢授一經

春夢

昏昏一枕漏將沉  
似絮飄揚豈有心  
蘭燭半明華館靜  
梨雲重鎖綠窓深  
蝶形化就還留榻  
鶯語驚回欲展衾  
世事興亡只同此  
何須論古復論今

喜陳冕廣東回京

詩滿行囊興未窮  
來時還與去時同  
鷗波窈窕孤雲外



馬路迢迢夕景中衣潤尚含榕葉雨帶香曾着荔枝花風  
那知此日龍河會却話聽猿過峽東

白蓮花燈詠

分得東林一朶來亭亭午夜佛前開蘭膏吐燄微添穗  
銀橐含輝絕點埃烟護水仙遊具闕星隨月姊下瑤臺  
光凝禪几多清韻差勝金閨照酒杯

春日過天平輿上口占

樂遊那厭去程賒穩穩籃輿勝小車烟柳青邊疑野店  
露桃紅處是山家澗分燕尾泉來細嶺轉羊腸路入斜  
趣既有餘吟易就此行端不負韶華

京都送雲海上人還山

朝辭魏闕返家林秋半江南尚綠陰鍾阜雲歸山寺  
近石城潮落海門深僧中不有興亡事世上寧存去住  
心此別似難期後會且留茶坐撫孤琴

與乾上人游鑑湖

清流曲曲與天長乘興來游趁晚涼柔櫓不驚鷗鷺夢  
輕橈還觸芰荷香百年風物如朝露兩岸雲山自夕陽  
勝處更宜逢狎友放歌濯足且尚羊

昌國縣

東接雞林遠帝畿新城如鏡海山圍島民自樂魚鹽利



妙少自集 卷五  
縣令惟忻獄訟稀雲外鐘聲僧寺遠風前帆影賈船歸  
盡傳此地無豺虎日暮人家不掩扉

題平坡寺

平坡杳杳挹西湖徑斷樵行敗葉鋪泉落石河深愈處  
雲歸沙樹遠疑無夜堂風靜紆帷幔曉井霜寒響曉轉  
那得餘生辭世網捲衣來此日跣趺

寄虎丘蟾書記

聞道蟾公似贊公一瓶一鉢寄山中雲封蘿屋長疑雨  
泉響松巖半是風履破只緣行脚久囊空非爲作詩窮  
遙思短簿祠前夜共聽寒鐘出磬東

遊西湖登玉泉洞

青雀黃龍去不迴湖頭風物總堪哀茫茫周土成禾黍  
浩浩昆明起劫灰香刹有名碑尚在玉泉無主洞長開  
到門頃刻衝飈發應是山靈候客來

玉簪花

五夜璠妃步月行玉簪遺地蝶蜂驚却憐翠袖施粧巧  
不着烟鬟照眼明影過宛同孤鶴白香飄寧讓澧蘭清  
老夫久矣忘聲色坐對高吟亦動情

春日謁劉太保墓

芳時登隴謁歲春兵後松楸化斷薪雲暗平原眠石獸



兩荒深隧泣山神殘碑蘚蝕文章舊異代人傳姓字新  
華表不存歸鶴怨幾多行客泪沾巾

奉 旨歸山中

羅籠雲煖足栖遲忽拜 天書且暫離不仕還從禪子  
志無才終荷 聖君知食供美膳飢應厭衣 賜輕絺  
暑正宜此日承 恩歸舊業坐看松長萬年枝

全室禪師使西天竺取經回 朝奉賀

竺乾萬里歸來日庭下松枝已向東皓皓厖眉踰雪白  
翩翩毳衲帶雲紅曇花瑞現傳天界貝葉文翻進  
帝宮千手大悲增意氣護龍河上舞春風

南翔寺

齊師不返鶴南翔梵刹如雲始自梁衛法天臨朝擁殿  
放禪僧出夜循廊碑殘亭下思皇宋檜老街前識李唐  
事業已經千載久空王誰道有興亡

山月軒爲俞嘉言賦

秋到華軒夜色清更殘猶聽讀書聲江雲澹澹因風散  
山月娟娟近水明城漏已沉縫女息隣春鳥動宿鳥驚  
境幽人勝真堪賞過客宜忘利與名

毘陵覽古

城下當年戰馬屯城中民物豈全存樵樓罷雲歸牖



酒館歌殘月到門  
季子廟荒惟有礎  
獨孤檜死已無根  
却憐舊日登臨處  
草滿橫塘水繞村

聞鴈

鳴鴈爲離羣  
餘哀度水雲  
那知故鄉夜  
亦在客中聞  
題畫馬

身被五花雲  
才超冀比羣  
莫教空老去  
須借霍將軍  
懷師子林因上人

自作京華游  
每憶林間屋  
何似白雲間  
長年寄深竹

題秋寺晚晴圖

猿將朔吹哀  
雲帶溪流駛  
相送獨歸僧  
蕭蕭夕陽寺

題老檜圖

盤盤鬱虬枝  
陰陰墮虹渚  
欲共水邊人  
時來聽風雨  
山中見王昉

身外留黃犢  
山中畊白雲  
不隨樵子去  
無路得尋君  
賣花人

題蕉石鳴鶴圖

朝出長負花  
暮歸猶帶酒  
只認綉襦人  
那識荆釵婦  
石間雲氣微  
蕉陰露華薄  
不見定餘倘  
空山獨鳴鶴  
題許由棄瓢圖

獨坐雲深處  
迢迢遠市朝  
若知身是累  
應不棄山瓢



題獨釣圖

天高日華明江清水光動何事尚垂鈎不入非能夢  
禪窩

棲鳳亭

扁鐫總忘機魔外自難入虛圓日夜明一塵元不立  
萬竹雲朝合孤亭月夜明鳳來綠覽德非爲玉簫聲  
小飛虹

不雨自橫空低垂疑飲澗樵子過還驚神僧度應慣  
問梅軒

雪中踈葢開不知暗香發幽人試問時正值黃昏月

題班婕妤題扇圖

玉容憔悴暮偏饒羅扇題詩恨莫消不是恩情中道絕  
西風昨夜到芭蕉

送昂上人遊洞庭諸山

西風飛錫度如舟來向湖山作勝游七十二峯青一色  
君看何處獨宜秋

秋蝶

粉態凋殘抱恨長此心應是怯淒涼如何不管身憔悴  
猶戀黃花雨後香

訪王山人不遇



柳烟簇簇護雙扉江竹環居水鶴飛不恨我來君已出  
只愁我去恰君歸

題薛澹園墨竹

澹澹烟中映夕暝踈踈石上拂晴雲展圖却憶西岡夜  
坐聽秋聲亦有君

越王臺

輦土爲臺抱恨深營門金氣尚陰森當時吳破非兵力  
只在西施一捧心

觀鷗

官舟晨發繞蘆灣坐看沙鷗去復還却憶吳淞深隱處

朝來飛過伴誰閑

立秋夜聽秋聲

浙浙無端起樹陰歛驚人幕又穿林乍聽便使人成恨  
聽到秋深恨更深

贈彈箏人

銀甲輕調用意深泠泠瑤柱發商音天香一曲傾人耳  
世上誰能復聽琴

東園

池流脉脉草綿綿深夏無花也自憐散步更宜斜日裏  
一叢黃竹數聲蟬



題聰上人山居圖

結樓曾向萬峯間  
放鶴歸來錫已閑  
夕景無多樵唱斷  
踈鐘寒溜繞空山

題幻住山居圖

萬疊青山萬疊雲  
亂泉流處路微分  
嶺猿悽斷人愁聽  
只隔烟蘿便不聞

題水仙竹圖

翠袖輕盈向水濱  
冰姿瀟灑淨無塵  
楚人多作湘妃怨  
不學陳王賦洛神

井陘淮陰侯廟

趙提兵取井陘道傍  
古廟獨存名可憐  
千載難言事  
都作松風礮水聲

登金山寺寄甘露湛源長老

三度來登多景樓  
妙高臺上始能遊  
長江如練山如畫  
獨倚闌干笑白頭

題趙魏公墨竹

松雪齋中時酒翰  
鷗波亭上每眠雲  
風流無限知何在  
今日清窓見墨君

題徽廟畫翎毛

汴水砵砢太原園  
猶自揮毫撒萬機  
五國城頭明月夜



羣鳥啼斷泪沾衣

題雪梅雙鷺圖

孤山山下雪茫茫雪裏寒梅已早芳雙鷺飛來花底立  
却憐同色不同香

送范生過古北口

關山萬里獨南還  
冒雪衝風鬢欲斑  
料得人生皆有命  
休言名利不如閒

隴頭水

隴頭水流無竭疑是當年戰場血  
風晨月夕聲嗚咽  
似將昔日深冤雪忽有亡命兒聽之報  
恩心更切却抽身

畔刀水邊磨利舊時銛磨利銛鋒難犯不斬單于身不  
返

鷄鳴歌

金壺漏殘霜滿屋鷄鳴喈喈烏尚宿  
征夫才起促行裝  
馬爲駕鞍車整轂鷄罷俄聞鼓角悲  
別婦出門雙泪垂  
婦牽夫袂話歸日願學鷄鳴不失時

洛陽陌

垂楊散微曉流鶯來早春相逢騎馬客  
半是看花人華屋縈膏馥青樓揚綺塵  
緱山一回首荒陵臥石麟

從軍曲



結髮辭家來執戟姓字從茲注軍籍手弄神槌過百勦  
臂引強弓逾一石橫行敵陣誇英武一日飛揚起行伍  
勢驚鳥利壓秋鷹氣覺雄敢欺猛虎年來百戰邯鄲道  
血洗錢衣生蠶蚤馬頭朔吹暗黃塵城角清霜衰白草  
莫論偏裨反疾爵書欲勛名照青策但竭忠心報主恩  
身死何愁包馬革

轉應詞二首

新柳新柳掩映溪頭渡口長條未絆游人正是江南早  
春春早春早風雨獨行古道

斜日斜日門外馬蹄聲疾林栖鳥盡飛還霞彩紅銜遠  
山山遠山遠莫恠行人歸晚

猛虎行

虎欲噬人長礪齒穴居却向深山裏人言虎猛利如刀  
誰知虎弱柔於帟君不見虎頭可料虎鬚可編骨堪療  
疾皮堪寢眠官家置獵無近遠縱捕得之抵羊犬檻車  
載入風不從子孫獲盡寧留蹤荒巖有巢俱化土樵夫  
徐行如入戶君看世上物芸芸只有猛人無猛虎

楊白花

楊白花雪同色最是無情況無力西蕩東飄意難必斷  
送春光何太疾薄暮和烟點綠漪化作浮萍自不知願



妙少集 卷三  
托春風回故處爲伊吹入深宮樹

相逢行

君居閩越我幽燕南北遙分萬里天今日相逢如有意  
看花且共酒家眠

薊門行

雲樹依依接遠丘時看飛雨洒征裘不知銅馬坊何在  
惟見桑乾水自流

公莫舞

公莫舞公莫舞沛公儻真英主隆準龍顏絕代無三  
尺清霜奮神武天命有在成大功况爾良平作臣輔區

區范增何足取其目起來撞玉斗世稱人傑未爲公我  
謂不及王陵毋以似當年屠狗人怒髮裂眦氣欲伸瓠  
肩斗酒快意啖但知有主忘其身公莫舞公莫舞項王  
即日爲亡虜秦璽來歸萬國朝六合之中皆漢土

壯士吟二首

一劍重千金曾將托生死不知燕趙間何人是知己  
相見便知心時聞擊筑吟懷恩在一飯不覺酒杯深

客居三首

客居近城郭人事寧無干拒之情固逆應之心亦難危  
坐久沉鬱夏深葵已殘安得投絕壑冰檠自成歡



妙少商集 卷之五  
桑樞難容膝安居性乃便藜糲不適口飽食自長年君子貴道在不與外物遷曲肱且高枕所樂樂乎天尼川上嘆伯玉自知非但存貧賤心終不履危機

秋懷二首

塵世豈堪戀流光疾如梭秋風昨夜來落葉辭故柯人生不蚤悟久矣成蹉跎一朝忽掩息惆悵當如何人言身後名不如眼前樂名既無可用樂亦有何托哲人守常道所遇皆不惡堪嗟異無知區區論今昨

山中誦經喜楊宗勗至

官舍終日雨獨坐披黃經孤槐庭下綠群竹床前青佳朋歛見訪清言悅吾聽香殘篆縷消瑤笈且暫停時乎苟適意髣髴從星星

挽張天師二首

靈標何挺異於道悟玄玄富貴山中相清閒世上仙恍然遺劍珮無復戀雲泉去住渾如夢斯須五十年分袂俄經歲神交不斲忘忽聞捐桂館却憶寄蘭章金石留丹訣烟霞護劍光了知同羽化寧免泪沾裳



姚少師集

卷五

七

姚少師集終



國家圖書館, NATIONAL CENTRAL LIBRARY, TAIWAN, R.O.C.



盛明百家詩 曾狀元集

永豐曾子啓名榮永樂二年狀元及第

成祖嘗召試其文信筆千百言立就不費思索而理  
致文采俱到屢舉羣書隱僻事以論所學靡不悉對  
以是深見獎重遂名天下序其集者云大篇舂容短  
章醞藉用事該博鍊語精切如金鳴而玉應雲出而  
川注一時文人無出其右四方求者日集公亦酬應  
不絕其信乎著作之富矣惜無全集行世歿後巢睫  
集始出約詩二百餘首今梓百首有奇而更名狀元  
集云隆慶改元秋錫山俞憲識



北斗篇

昔我住江南有斗維北懸及茲正幽薊如在北斗邊地  
理雖異域象緯寧有遷感此夜無寐起行望青天仰視  
北斗光珠璣絜相聯伊誰柄斯揭從容居帝前元氣妙  
斟酌調和不容偏四時皆順序萬物安自然躊躇風露  
下中情曷由宣天道本幽默誰能問穹玄

涼風篇

涼風日夕至商候凄以清透迤起原陸散漫薄簷楹  
氣忽奮激呼吸相鬪爭捲地瀉奔濤撼空轟怒震如虬  
騰騎若潰淮淝兵雲霧爲之晦山岳若就傾豈知

之與肅殺并草木自黃落鴻鴈復南征顧茲豈  
解如有情起坐行明月援琴寫秋聲

次下邳北上

管化中覆絕子房憤其讎千金購力士慷慨發奇謀潛  
行博浪沙勇氣橫海陬副車奮一擊大索窮九州羸祚  
遂不振祖龍死沙丘歸來風塵際聊作北上遊忽逢黃  
石公取履能包羞授以一篇書庶將報秦仇翩然佐漢  
祖運此帷幄籌功成不受賞所願今已酬拂衣從赤松  
富貴若雲浮至今豐沛間遺跡尚可求明哲善保身萬  
古垂芳猷



癸巳三月十三日扈從之北京舟發石城門外賦呈  
同行諸公

右坊天設險虎踞壯皇州策馬出都城駕言從豫遊萬  
木宿嚴駕先期戒行舟龍驤載圖籍虎士羅戈矛日出  
簫鼓鳴中流發棹謳兩京何巍巍山川鬱相繆陝雲邁  
炎漢洛下媿成周龍飛符景運龜食叶神謀煌煌萬世  
業寶曆承天休顧慚樗散姿厠跡英俊流獻替諒無庸  
愧茲恩寵優鳴鑿濟汾水聯珮上瀛洲永言葵藿心  
以撝徽猷

三月二十日舟次開河同胡祭酒鄒侍講登岸

長林曠野中桑麻蔚然因至田家各賦一詩而去

芳晨靄新霽弭楫長河曲睠茲丘園趣寒裳涉平陸郊  
原渺空曠佇望舒遠目村中夜來雨土脉膏且沃茅廬  
鷄犬靜日出煙樹綠牛羊放平野隔水見樵牧麥涼維  
初雉桑拂蠶已浴老農多歡顏生事亦云足偶茲一留  
憇幽境愜所欲僕夫戒前征迤邐出林麓緬懷塵外踪  
於焉恣遊矚

天廐神兔歌

天廐名馬不易得鳳臆龍鬣秋兔色圉官廝養十載餘  
云昔來自朝鮮國想當此馬初生時蛟龍降精雷雨垂



房星夜墮水盡赤雲霧下繞靈風吹雄姿逸態真神駿  
踠健蹄高雙耳峻目光夾鏡炯方瞳汗血流珠膩紅暈  
朝鮮得此不敢騎覆以黃氊獻赤墀廼知天廐盡龍種  
如此萬疋皆權奇今晨鞦出迥殊絕扈從鑿輿自超越  
朝趨遠蹴交河冰夕秣驕嘶薊城月君不見驂駟驪驪  
古亦多老不一試將柰何馭駘無力枉蹠蹶俗馬有肉  
空差我平生憐爾獨遭遇繡勒金鞍照瓊署相期慎保  
不凡姿萬里長隨六龍馭

寒夜曲

銅山泣露宮虬咽魚鑰金寒燭微月十二樓臺凝夜光

青娥踏天作飛雪鮫人鑿冰出海底海澗冰堅愁墜打  
風刀剪斷朔雲飛萬戶沉沉一泓水貂裘無暖紅燭滅  
八尺青綾已如鐵蘭麝香銷冷畫屏夢破秦樓肌玉裂  
龍鱗差差溝水繞銀床無聲金井悄睥睨鴉啼曙色分  
起聽瓊籤報天曉

贈筆工陸繼翁

吳興筆工陸文寶制作不與常人同自然入手造神妙  
所以舉世稱良工有時盤礴坐軒中石盤水清如鏡中  
空山老兔脫毛骨簡拔精銳披蒙茸平原霜氣在毫末  
水面猶覺吹秋風製成進入蓬萊宮紫花彤管飛晴虹



九重清燕發宸翰五色絢爛皆成龍國初以來稱絕藝  
光價自此垂無窮惜哉文寶久已死尚有家法傳繼翁  
我時得之一揮洒落紙欲挫詞場鋒棗心蘭蓋動光彩  
栗尾鷄距爭竒雄竭來簪此扈仙蹕欲補造化難爲功  
夢中無人授五色安得錦繡蟠心曾閑來書空不成字  
縱有篆刻慚雕蟲幸今太平重文學玉堂金馬多竒逢  
莫言盛世少知己爲我寄謝管城公

北京送從兄復先還戍遼陽

從兄少小辭鄉縣二十五年纔一見只今已是四十餘  
平生涉歷艱難遍憶昔伯父送兄行千里拏舟同入京

長安道上不忍別臨岐欲泣仍吞聲別來幾時伯父死  
舊業盡空遺二子大姊有家仲子亡一門骨肉今能幾  
兄去從軍良苦辛漂泊天涯惟此身拜迎折腰事官長  
顧盼回頭無室人去時同行多隊伍逃亡強半丁男補  
十載邊頭始闔婚有子讀書今十五營中無事但耕鋤  
輸官豈復求贏餘地寬買牛多種粟路遠念家難寄書  
弟來北京已二載東去關山近遼海都門邂逅不相識  
鄉音盡變容顏改塞上風沙凋敝裘聞說故園雙淚流  
挑燈細論征戍苦酌酒暫消離別愁匆匆一見何能久  
明日官橋又分手朔雪還連玉塞雲東風未發金臺柳



莫言碌碌軍籍中丈夫詎肯悲途窮不見汾陽起微賤  
唐史猶傳第一功

銅爵瓦硯歌

臨江郡守得銅瓦硯以遺中舍吳君仲平吳君邀予賦之因成長歌以記其事

征西將軍蓋世雄睥睨漢鼎驕成功建安天子在掌握  
車駕又徙轍轅東策勳定爵分茅土赤烏煌煌輝袞黼  
鑄成銅爵起高臺繡戶珠房貯歌舞繁絃急管鳴未終  
葛汁啖盡金樽空分香賣履恩愛畢西陵落日生悲風  
三方鼎峙霸圖熄玉輦金輿已無迹冷雨寒煙滿鄴中  
惟見銅駝卧荆棘誰怜地老天亦荒宮瓦散落猶深歲  
十年劫火煉不化至今出土生輝光草根纏繞苔蘚跡

鄴中野人初未識臨江太守欣得之此物不應同瓦礫  
懸勲拂拭重磨礪制作豈讓端州工鳳池先生真好古  
寶此乃與瓊瑰同先生自昔稱才俊忽見珍奇豁方寸  
龍香麝臍益光妍玉質金輝發清潤翻思淪埋塵土鄉  
此日還登君子堂竒姿曾識奸雄面清玩宜親翰墨場  
君不見漢家諸陵在荒野玉魚金盞無遺者早悟愚民  
盜一坏不如燒作鴛鴦瓦

陳員外奉使西域周寺副席中道別長句

漢家郎官頭未白扈從初爲兩京客忽逢天邊五色書  
萬里翩翩向西域腰間寶劍七星文連旌大旆何繽紛



解鞍夜臥營中月攬轡朝看隴上雲黃沙斷磧千迴轉  
玉關漸近長安遠輪臺霜重角聲寒蒲海風高弓力軟  
茲行騎從歷諸蕃瓊帳依微絕漠間殘煙古樹羗夷聚  
遠火荒原獵騎還蕃酋出迎通漢語穹廬蒲萄酒如乳  
舞女爭呈于闐粧歌辭盡協龜茲譜當筵半醉看吳鉤  
上馬便着金貂裘山川遙認月支窟部落能知博望侯  
早上風沙亂騷屑邊頭日暮悲笳咽行窮天盡始回轅  
坐對雪深還仗節歸來雜還宛馬羣立談可以收奇勲  
却笑古來征戰苦邊人空說李將軍

酒壚行

酒壚大道中百尺酒旗垂裊風少年兩姬何窈窕  
曾爐一笑顏花紅道傍遇者頻回首駐馬停車更呼酒  
樽頭酒薄渾不知笑勸相歡坐來久西家酒壚相向開  
雕盤綺饌連金罍門前寂寞少行迹堦面夜雨生青苔  
由來酒徒多重色愛此紅顏在壚側暫時過眼寧盡歡  
囊中有錢應不惜誰將此意報兩隣坐中無客且莫嘆  
東隣兩姬一朝去門前亦無呼酒人

邯鄲曲

邯鄲女兒貌如花手縮雙鬟盤作鴨窄襟小袖巧粧束  
畫得秀蛾雙黛綠婷婷娟娟十五餘自矜嬌態誰得如



春眠不穩翠衾薄起向東風惜花落誰家寶帶繡鴛鴦  
何處畫屏開孔雀邯鄲城中多貴遊投金填壁紛相求  
父憐毋惜嫁時早自比連枝願終好芙蓉帳深紅錦幔  
烹犢魚羊列華饌生來不識機杼聲身上羅襦幾回換  
翻憐隣女嫁田家朝去採桑夜績麻年年辛苦事織作  
嫁時衣裳老還着

薊門老婦行

薊門老婦歌且行一曲斷腸多苦聲時時掩面向人泣  
泣罷從前道姓名自言少小顏如玉金縷羅襦闔粧束  
先朝丞相重清歌教得新翻太平曲雕房繡闥高差我

一灰七貴時經過就中艷色自無數俛首低鬟聽我歌  
行雲斷絕梁塵起滿坐停杯驚且喜當筵一擲千黃金  
翻忘管絃徒聒耳只言歡樂度青春不識人間賤與貧  
向來風景一朝異翠鈿散落隨埃塵况今衰老轉蕭索  
惟有茅廬傍西郭閑來還唱舊時歌不覺一聲雙淚落  
人生豈得長少年一貧一賤皆自然銅山鑄錢終餓死  
古往今來何足憐

行路難

繡簾窄地蘭房深猩紅蜀錦芙蓉衾翠髮二九腰肢小  
楊柳嬌春時嬋嬋羽林少年輕薄兒相逢盡道歡娛少



華觴半酣滅紅燭合歡寶帳連環玉楚雨巫雲夢未闌  
水咽銅虬漏聲促瑀弓白羽誰家郎射鴨忽中雙鴛鴦  
錦翎繡臆半摧落顧影含妻空自傷只言比翼成歡侶  
中道分飛却愁苦從此飄零失故棲寂寞銀塘鎖烟雨  
君不見東家女兒嫁夫婿寶鏡雙鸞照珠翠畫得蛾眉  
八字新朝朝暮暮不相棄

漁父辭劍圖歌爲胡學士作

楚國蒼蠅競讒毀伍奢飲恨忠臣死慷慨誰家報此辭  
東走昭關幾千里長江怒濤雪山立追騎如飛忽相及  
倉皇豈料逢老翁獨棹扁舟濟危急腰間寶劍光陸離  
持以贈翁翁固辭丈夫困厄古來有我得汝劍將奚爲  
楚人有粟五萬石一劍寧論百金直嗟哉老翁今已亡  
此意畫者應不識

題趙松雪三十九馬圖

吾聞天馬生水中房星夜墮波光紅虎文鳳臆真異狀  
一日千里能追風平原草綠春波湧雄姿逸態人皆竦  
騰騫磊落如有神三十九匹皆龍種風鬣霧鬣擺長雲  
五花粼粼簇錦紋就中一匹獨奇絕驕嘶似欲超其羣  
前年從征破強虜踏碎陰山力如虎尾絲牽地逐流星  
汗血凝珠散紅雨今年北去掃殘胡駿骨驍驍絕世無



追奔已窮沙漠盡渴飲能令瀚海枯麒麟驕驕古所惜  
况此驅馳樹勳績君不見穆王八駿空爾竒弄影瑤池  
竟何益

楊諭德所藏王子孟端墨竹歌

王郎畫竹何神竒落筆便覺清風吹蛟龍怒奔雷雨泣  
滄溟倒捲雲淋漓有時半酣索紙墨兔起鶻落誰能測  
縱橫滿眼金錯刀四座陰森冰雪色九疑峯高青入天  
洞庭水與三江連霓旌翠羽半明滅至今暝拂蒼梧煙  
玉堂之居迥蕭爽誰與此君同一賞關西公子襟抱清  
對此條然絕塵想我亦平生看竹流乘興欲作瀟湘遊

何時注足弄明月推蓬却聽江南秋

題陳所翁十四龍圖

神龍變化不可測昔者所翁親見之豪來落筆縱揮酒  
龍騰天矯真雄竒忽然破石海水立馮夷震駭鮫人泣  
頭角軒昂雷雨垂爪甲淋漓煙霧濕欲來爭鬪勢轉雄  
欲捲滄溟空銀浦洶湧逐奔雷白日慘淡生長風  
一壑石樓捲快怒珠崩波光激潑鼓浪遙摧蛟蜃宮  
東瀛屢撼蒼龍窟乃知所翁真龍伯不必見之久更真  
地涎十四各異狀揮霍變化何其神請君深藏當愛惜  
新疑驚霹靂嗟哉所翁今已亡人間自此無真跡



詩少師所藏八駿圖歌

川家八駿如乘電，風骨傳聞今所見。銳耳雙分秋竹批，  
赤毛一片桃紅苑。肉駿疊疊高崔嵬，權奇知此真龍氣。  
霜蹄試踏層冰裂，駿尾欲掉長颺翅。瑶池宴罷歸來日，  
絡月羈金照京鎬。紫鞵飛時逐落花，雕鞍解處眠芳草。  
由來駿骨健且馴，弄影嬌嘶不動塵。有時渴飲天潢水，  
五花照見波粼粼。官騎來難久駐，飲向春流長不絕。  
珠銜寶勒不敢踈，直恐飛騰化龍去。古來善畫畫此  
此畫豈同凡馬看，人間造次不可得。首蓄秋深烟雨色，  
題揚太僕所藏趙松雪春牧圖

興興趙公善畫馬，昔者韓幹空得名。偶然寫此數十匹，  
縞素漠漠長風生。奔騰躡躑各有態，權奇不比駑駘輩。  
在野直令凡馬空，浴川曾與神龍會。昔爲虎文照白沙，  
黑雲滿身散作花。玉駿連錢躍白雪，汗溝走血蒸紅霞。  
迺知駿骨皆殊絕，逐電追風自超越。蘭筋颯爽千里姿，  
伏櫪焉能受羈紲。唐家封禪事虛文，四十萬匹空如雲。  
只今內廐馬無數，馬跡所至成奇勳。叮嚀太僕毋看畫，  
問國之富當數馬。

楊學士所藏王孟端老檜蒼崖圖

王郎工畫妙入神，平生強項世取嗔。有時興至自盤礴，



睥睨已若旁無人忽然放筆作古檜白日煙雲倏冥晦  
淋漓盡帶雷雨垂慘淡長疑鬼神會古藤纏絡枝相膠  
屈鐵磔砢騰蛟虬左挈右攬飛不去崖石欲裂山精愁  
王郎一生何不過五十得官嗟已暮胸中時吐氣崢嶸  
半落蒼崖化爲樹知君愛此長蕭森藏之願比雙南金  
秋來恐有乘槎客泛入天河無處尋

題從姪景武藏王元章梅花歌

會稽王郎工畫梅妙奪造化何神哉有時興至即揮毫  
千片萬片繁花開吾家阿宜尚清雅購畫收書不計  
昨日錢塘得此圖云是王郎之所畫我家昔住

寒梅遶屋花成行自從來作兩京客不見梅花餘十霜  
當時泄漏春消息一枕梨雲夜無跡玉骨冰肌絕世無  
相對那知舊曾識玉堂展卷賦新題鄉心忽到江之西  
何當載酒踏晴雪隨處看花信馬蹄

殿試罷作

曉開三殿降絲綸袞冕臨軒策小臣紅燭影催金闕曙  
紫霞香泛玉壺春雲霄九萬扶搖近禮樂三千制作新  
淺薄未能宣聖德願歌棫樸播皇仁

蓮花燈次胡庶子韻

絳蠟爭燒夜景新芙蓉何事獨先春恍疑金炬初歸院



不借清漣已絕塵光映若耶溪上女影隨太華井頭人  
若教真可浮波去太乙乘舟便脫巾

正月十四日扈從幸鍾山觀靈谷寺塔影因命讀朝  
鮮國陪臣所和聖製塔影詩并賜觀臣祭和韻之作  
寶塔呈祥變現竒鸞輿臨幸早春時雲霞綉綵常交映  
闌檻回光盡倒垂方外靜觀諸佛相御前遍讀遠夷詩  
賡歌已得經宸覽才薄慚無絕妙詞

訪竺臺琇上人故居

琇師沒後已經年古殿陰厠亦悄然西去竺天還不遠  
南來衣鉢竟誰傳風旛不動空中影塵榻曾迓醉裏

屐客豈堪愁絕處西風黃葉寺門前

鞋山

重湖深處露嶙峋弓樣裁成一曲勻沙草翠鋪羅襪潤  
野花紅襯綉紋新圮橋墮處偏臨水葉縣飛來不染塵  
若是浪珠頻濺石更疑上客在春申

己丑春將有扈從之行寄龍虎山張真人宇初

曾陪巾舄坐容臺有約尋仙踏雪來欲候青牛度函谷  
又承丹詔上蓬萊京華冠蓋從龍去閬苑音書附鶴回  
遙想春歸煉丹處東風千樹碧桃開

車駕渡江



朱旗畫戟擁隄沙錦纜牙樯照浪花佳氣迥浮江北樹  
曉光初絢海東霞雲中鸞鳳扶丹輦水底魚龍識翠華  
不用臨流羨天塹只今四海盡爲家

訪宿州太守不遇次王修撰時彥韻

繞堤官柳拂晴沙步入孤城日已斜殿上六龍初駐輦  
郡中五馬未歸家與闌猶對芳樽酒坐久頻燒夜燭花  
自嘆江南羈旅客醉來忘却去程賒

謁先主廟

遙知天意祚炎劉又見真人起涿州三國英雄空割據  
千年正統繫春秋觚稜雲氣浮金爵寢殿香烟傍冕旒

在桑遺跡在行人駐馬暫淹留

遊慶壽寺

堯古刹傍城陰晝靜禪扉聽梵音風度曇花隨處落  
雨餘樹色望中深老僧相見開方丈遠客因過契賞心  
爲喜官閑居止近退朝時得共幽尋

扈從幸天壽山

祥雲五彩護長陵地志深符郭璞經千澗盡通滄海白  
諸峯遙入薊門青星臨仙仗知天近雲擁鸞輿識地靈  
此處經營時駐輦幾回清謁勸蒼石扃

海子橋



鯨海遙通一水長  
滄波深處下平蕩  
平鋪碧毯連馳道  
倒瀉銀河入苑牆  
晴綠乍添弄色已  
春流時泛落花香  
微茫迥隔蓬萊島  
不放飛塵入建章

得周編修書蕪東兩京諸同年

別離易久覺情踈  
旅舍幽閑嘆索居  
遠客每勞千里夢  
故人初寄一行書  
滿城山色晴雲外  
近海潮聲過雨餘  
禁裏昔年同學者  
班楊文字竟何如

中秋分韻得多字

乘月歸來散玉珂  
又經佳節客中過  
清光初上金鑿殿  
素影先澄太液波  
萬里清光一氣迫  
九重玉宇夜涼多

廣寒有路知天近  
曾聽霓裳第一歌

元夕午門觀燈侍宴和鄒侍講韻

宮筵合樂戲魚龍  
此夕承恩在禁中  
鰲戴神山來絡繹  
鸞隨仙馭下瑤宮  
星河影轉千門曙  
羅綺光搖萬燭紅  
願奉宸遊歌在鑄  
長陪歡宴樂無窮

庚寅十月駕發北京

仙仗宵巖出九關  
北來巡幸復南還  
省方制度稽三代  
破虜天威振八寰  
鳳輦龍輿辭上苑  
牙旗玉帳照西山  
承恩特賜天閑馬  
又得從容侍聖顏

項羽廟



百戰休論蓋世功，鴻門宴罷霸圖空。  
虞歌慷慨孤燈下，楚業銷沉一炬中。  
露濕古墻秋蘚碧，霜含老樹夕陽紅。  
英魂若到彭城路，忍聽高臺唱大風。

同李允周司諫遊天界寺和鄒侍講韻

獨愛山居在上方，深幽渾似遠公房。  
客留丈室同揮麈，僧飯胡麻獨據床。  
貝葉經翻頻說偈，蓮花漏滴靜焚香。  
何時更約携琴去，閑對青松坐晚涼。

送彭巡檢子韶赴關清燕示光澤舍弟

送君南去片帆歸，五月薰風白紵衣。  
路遠閩山征騎遠，月明蠻徼邏兵稀。  
枕椰綠暗經殘雨，荔子紅垂映落暉。

小弟杉關煩寄語，客心長伴鷓鴣飛。

冬日扈從獵龍山同遊牛首山佛窟寺和胡學士韻

三首

數聲清磬遠微微，始覺塵踪到此稀。  
僧向定時聞葉落，客從坐處見雲歸。  
佛居華藏那營窟，心會真乘即悟機。  
賜得官袍新製錦，未應還羨五銖衣。

古鼎沉烟一縷微，紺園寶地世塵稀。  
風簷鳥避鈴聲過，石洞龍隨雨氣歸。  
閑對佛燈知幻影，偶聞僧語識禪機。  
祇園坐久天香度，無數曇花亂點衣。

窈木通泉落澗斜，雕胡炊飯勝滄霞。  
珠林紅樹爭飄葉，



寶地清蓮盡吐花自有天香淨丈室更無塵土澆袈裟  
自知此處成佳境不必三茅與九華

扈從校獵武岡次胡學士韻

笳鼓連山起獵塵天臨寒谷盡回春謾陳樸棧陪多士  
能賦長楊屬近臣琴奏五絃歌 聖德網踈三面屬深  
仁致禽豈爲蒐田樂郊藪于今有鳳麟

奉和胡祭酒雪竹之作

雪深庭竹曙光寒覆葉凝梢凍不乾清響入林搖玉珮  
素花飄徑點琅玕未須鶴氅扶筇去已勝龍沙伏節看  
莫向尊前裁玉笛梅花冷落滿長安

過慶壽寺訪忠上人故居

白雲寂寂鎖禪關鐘磬依然古殿間葱嶺雪深人獨去  
虎溪松老客重攀塵侵舊榻殘經在苔翳空堦丈室間  
若道三生真有石瞿塘煙棹幾時還

禁中聞鶯

枝上金衣絢綵霞好音曾似惜年華千門聽徹春皆徧  
百轉聲餘晝不譁睨睨每依長樂樹綿蠻多傍上林花  
物情自解遷喬意願和簾韶入帝家

蟬

性潔應知飲露清翠綃爲翼蛻來輕高槐殘雨淒清韻



疎柳斜陽斷續聲  
逐髻巧添歌女媚  
製冠偏助上公榮  
長吟不獨能驚夢  
更恐秋來動旅情

蘋婆

異果曾因釋老知  
喜看佳實出京師  
芳腴絕勝千林杏  
甘脆全過大谷梨  
黃帝遺書慙未錄  
長卿多病獨相宜  
由來南土無人識  
那得靈根此處移

送陳司封使哈烈

星輶此去遠人歡  
新賜鵬裘不畏寒  
萬國喜通周譯史  
諸藩爭識漢郎官  
南天音信憑鴻寄  
西域山河駐馬看  
聖代遐方同輦轂  
臨分莫歎路漫漫

燭

曾於鴻寶識神方  
長送清輝入洞房  
心到成灰餘燭灺  
花如吐艷妬紅粧  
畫屏掩月兼秋冷  
紫陌朝天襍曙光  
幾度似應憐遠別  
向人深夜淚成行

九日登高陪宴

原上霜清宿靄收  
正逢佳節從宸遊  
雲開碧岫羅天仗  
露浥黃花對冕旒  
偏插茱萸當此日  
初登禾黍及高秋  
太平宴樂同京鎬  
願播歌詩頌有周

送張真人宇清

龍虎真人翠霧衣  
爐香滿袖雪中歸  
曾參寶籙丹丘去



會輾颺輪白日飛方丈神仙歸路杳上清福地世塵稀  
茅盈兄弟俱仙骨何得相從悟道機

胡祭酒宅飲蒲萄酒席上作

蒲萄新釀出涼州對此還思博望侯馬乳香分銀筯  
驪珠光瀉玉壺秋綺筵夜醉頻燒燭錦帳春生罷擲  
翻笑老農耕作苦年年種秫滿西疇

立春日忽憶兩京梅發時分韻得梅字

九重佳氣藹蓬萊一夜春從禁裏回御苑絲幡金作柄  
內筵瓊醴玉爲盃寶爐香散陽和動銀燭光分曙色開  
共喜迎新沾 聖澤况逢台鼎足鹽梅

觀內廐馬

繡勒珠纓百寶裝天閑十二見飛黃行駉鸞輅倍仙仗  
嘶過龍樓識御香玉轡按時經細柳錦絲控處獵長楊  
虎文鳳臆真無定浪說周家八駿良

贈邊將

新拜漢將軍破敵威名塞外聞夜襲虜營衝雨雪  
自古兵氣候風雲珠旗暖映千山色玉帳晴連萬馬羣  
自古幾人通將畧只今衛霍有功勳

春思

鶯啼燕語畫樓東麗日輕雲護綺櫺香篆暖飄烟縷碧



花房晴滴露珠紅，纏綿客思王孫草。搖蕩春光，少女風  
暗想多情，惟落絮時時飛入翠簾中。

正泉垂虹

此下北京諸景

跳米濺玉出岩多，盡日寒聲洒碧蘿。秋影涵空翻雪練，  
曉光橫野落銀河。潺湲舊繞芙蓉殿，滉漾遙通太液波。  
更待西湖春浪闊，蘭橈來聽濯纓歌。

瓊島春雲

自是蓬萊第一峯，彩雲千疊映芙蓉。隔窓暝鎖花枝濕，  
繞殿晴添柳色濃。影度仙岩常帶雨，光浮御苑盡成龍。  
網緼不獨隨天伏，更共祥烟護九重。





送兵出塞  
不知滿袖帶天香  
送兵出塞  
不知滿袖帶天香

送兵出塞  
不知滿袖帶天香

南交獻凱正論功  
司馬新除  
三受虎符

兩持龍節鎮蠻中  
蕭何  
三受虎符

已喜夷人歸版籍  
伏波  
三受虎符

送胡敬方下第  
還鄉

百戰詞場白髮生  
日華五色世空驚  
老來梁嶺還  
卷第



歸去劉蕡久擅名柳外烟深籠馬色花邊風暖度  
青雲浩蕩非難遇天遣奇才獨晚成

送廖自勤

白馬翩翩錦帶垂喜從大將鎮南夷帳中草  
座上論兵按劍時烟火依微新并邑山川

歸時幕府才名盛幾曲鏡歌獻玉墀

端午侍宴奉天門賜扇五色壽絲

菖蒲如玉泛金卮正是彤庭賜宴時三殿香烟  
九門曙色絢龍旗近臣對御分金扇中使在堂  
共荷恩榮同拜舞華封還祝萬年期

天台

赤城霞彩動扶暉海上千峰合翠微身逐片  
心隨流水泛杯歸經翻貝葉龍能聽松偃珠  
想得蒲團趺坐處天花散落五銖衣

房憲使子靖蒙恩得釋見過賦此奉呈

九重恩詔出黃麻殷網疏  
玉終令白露老蒹葭宦游  
鴉舊德藩維還有待不  
西山積翠

西山積翠

此下江西諸景

城外青山爽氣浮重巒疊嶂擁南州四時秀色含雲霧



萬壑寒光逼斗牛野樹迥連空翠合淵泉長繞盡層流  
出來此處多仙境那得飈車汗漫遊

南浦飛雲

悠悠片影楚江涯漠漠輕陰傍釣家乍逐清烟  
還隨灘月隱蘆花風吹暝靄收殘雨日  
幾度鴈歸迷宿處數聲嘹唳隔寒沙

徐亭烟樹

東湖老樹拂晴雲樹裏空亭識聘君鶯啼綠陰初  
鴉啼涼影半斜曛誰懸木榻延高士空致生  
千載高風遺像在令人仿佛挹清芬

滕閣秋風

落冕高閣出洪州佩玉鳴鑾帝子遊謾有文章傳勝事  
更無賓客宴清秋綺羅香逐浮雲散絃管聲隨逝水流  
莫向畫圖看蛺蝶夢來何處問莊周

章江曉渡

月落西山欲曙天渡頭人語古城邊鐘聲杳靄臨江戍  
帆影參差隔浦船幾處蘼蕪深夕露萬家楊柳暝晴烟  
年年過客頻來往誰復東流嘆逝川

灌嬰城

此下南昌古蹟諸詠

章江南面有荒城千載猶傳漢將名狐宿斷垣春草合



鴉啼古堞暮烟生風雲暗想精靈聚茅土長垂竹帛榮  
獨有離離霜後樹還如赤幟繞行營

葛仙壇

片石空餘斷蘚青何年飛珮入蒼冥岩前花發春長在  
澗底泉流洞不扃寶鼎虹光藏秘藥玉床龍氣護仙經  
懸知此地脩真者時掃寒雲夜禮星

繩金塔

地藏舍利隱金繩百尺浮屠試一憑雲裏高標驚過客  
月中孤影伴殘僧風傳鈴鐸和朝梵星繞闌干雜夜燈  
向夕始知臨眺久蒼蒼烟樹入鍾陵

洛仙池

不向瑤池醉錦筵却從下界戲清蓮  
玉鏡香涵翡翠烟白鶴已隨仙客去  
春來水面浮萍發猶似靈風散翠鈿

蘇公圃

門巷蕭條碧草生楚鄉何處可逃名灌園久已忘機事  
責履寧慚混俗情豈爲故人居鼎鼐謾勞使者扣柴荆  
明朝更擬移家去回首浮雲脆屣輕

送陳郎中重使西域五首

曾驅宛馬入神京拜命重爲萬里行河隴壺漿還出



伊西部落總知名天連白草寒沙遠路遶黃雲古磧  
却憶漢家勞戰伐道傍空築受降城

敘御敕紫泥封玉節光華出九重  
蕃爭荷 聖恩濃雲消烟火連青海月照寒沙繞白  
此處定知葱嶺路馬頭遙指最高峯

輪華轂擁鳴騶幾欲停鞭記舊遊  
黃河春水帶水流旌麾行處羅諸部金帛頒時列衆酋  
却笑虎頭班定遠身親百戰覓封侯

玉關迢迢塞雲黃西涉流沙道路長  
草遮姑默廢城荒閑聽羌笛多乘月暗捲戎衣半帶霜

不用殷勤通譯語相逢總是舊蕃王

重宣 恩詔向窮邊蕃落依稀似昔年  
幌羞姬歌舞散金錢葡萄夜醉罷能月  
烟百寶嵌刀珠飾靶部人知是漢張騫

元夕觀燈午門

天臨黼袞動龍光三島新移植建章  
綺羅千隊出紅粧觚稜月轉留仙蹕  
歌舞不知清漏水宮筵還進紫霞觴

重遊白雲觀

仙人羽化白雲鄉臺殿玲瓏鎖夕陽  
望氣幾回逢尹喜



看花前度識劉郎丹房龍虎蟠金鼎石洞烟霞護玉床  
謾說仙家多勝事藍橋何處覓瓊漿

送道士歸桃源

霞佩何年別翠岑迢迢歸路武陵深種來白石皆成玉  
煉就丹砂已化金陰洞靈符應尚在仙房瑞檢得重尋  
桃花開遍無人到風滿衣裳露滿襟

初夏崇真萬壽宮觀閑閑吳真人手種五色薔薇  
何年羽客種薔薇五色花開晃曙暉一片彩雲攬瑞萼  
蒲庭香露濕朝衣虛疑神女遺霞佩還訝天孫墮錦機  
應有神仙憐絕艷夜深騎鶴月中歸

丁酉五月朔駕至北京御西內新殿朝賀

五衛旌旗簇九霄新宮駢蹕萬方朝西山雲氣通仙苑  
太液虹光出御橋龍影六飛驟寶輅鶯聲百轉和簫韶  
共欣洛下方經始豈憚追趨輦路遙

新館內直

華館深沉直禁闌彩甍丹碧煥暈飛上林萬樹連西掖  
北極諸星拱太微繞硯龍香裁詔罷隔簾鶯語退朝歸  
應知幾度青綾夜月轉金莖露滿衣

新居

在世祖廟南城隍廟東

金城方外御溝西沙路無塵水接隄臘蟻且拚花裏醉



良馬多傍柳陰啼晨趨紫禁天應近夕夢青綾月未低  
野豎漁誇勝繫至今空羨輞川題

寄趙公復

江上梅花映酒卮別來還憶十年時銀床碧水陳蓮轄  
玉筍青山謝眺詩湖海舊遊心尚在風霜暮景鬢先衰  
兩京迢遞書難寄况未逢秋鴈到遲

五月六日賜觀西湖

玉珂龍影出長楸詔許西湖攬轡遊雲氣連山常帶雨  
風聲度壑迥疑秋樹含飛翠沾衣濕泉作垂虹遶澗流  
中使淹留歸向晚水紋輕漾採蓮舟

玄兔

傳聞三穴久儲精日啖玄霜異質成八竅總含蒼露濕  
一身斜軀黑雲輕行來青瑣應難覓立向瑤階却盡驚  
自是太平多瑞物願隨毛穎詠干城

輓胡學士

海內儒冠仰俊髦平生文采映東曹長依楓陛天顏近  
暗想花輓日影高鳳閣每驚鈴索動龍沙曾從屬車勞  
青綾夢斷天風冷塵蒲盤鵬舊賜袍

巳亥元日雪

三殿爐香疊彩烟紫微瑞雪慶新年漸看積素連駟道



轉覺飛花近御筵  
清響暗隨仙佩集  
曙光偏促禁鐘傳  
朝元預喜占豐歲  
願叶賡歌播管絃

揚州東關和王脩撰時彥韻

翠裙紅袖坐調笙  
一曲嬌歌萬里情  
二十四橋春水綠  
蘭橈隨處傍花行

舟中聞笛

誰家吹笛隔溪聲  
嫋嫋隨風動客情  
莫向春來怨楊柳  
新條留得送人行

梨花

玉顏憔悴粉香勻  
泣雨啼烟銷  
東風便吹落

惜花人

秋

重  
猶恐金風墮翠鈿  
二八闌嬋娟  
蟠巾結帶牢粧束

憶別

一家去住兩關情  
行李蕭然又出京  
記得調時寒食後  
斷烟殘雨石頭城

靜海感舊

紅燭當爐夜數錢  
驛亭西面  
只認青帘記昔年



即事

片片飛花逐水流傷春何處最多愁紅粧獨倚闌干上  
望盡征帆不下樓

旅懷

十年京國鬢蕭蕭薊北江南萬里遙家去潯陽猶向遠  
莫將音信托寒潮

題陶學士秦弱蘭郵亭贈別圖

遙持玉節帶冰銜文采風流自不凡一曲琵琶彈未了  
至今遺恨滿江南

冷香雲徧不是因緣亦可憐明日尊前歌此曲

神仙

四時詞四首

燒殘紅燭綉房深簾外春寒入翠衾夢裏不知離別後  
笑援雙帶縮同心

涼沁紗幃菡萏風簾紋斜印玉肌紅覺來淚濕鴛鴦枕  
一段雲情是夢中

月過銀屏映象床秋風微透越羅裳無端一枕相思夢  
爲雨爲雲總斷腸

流蘇寶帳錦氍毹侍女添香夜幾回孤夢豈知冰雪積  
冒寒猶自到陽臺



題子陵釣臺

長竿七尺坐嚴灘不應徵書拜 聖顏一段高風何處見至今留在富春山

酒家

酒幔臨津口壚頭勸客頻雲鬟當暮整別有泊舟人

湖上二首

儂家湖水上水綠照蛾眉自惜容華好年年怨別離  
少婦含嬌羞逢人隔花語荷露濕衣裾不是陽臺雨

元集終

家詩 郭定襄伯集

定襄伯郭公名登字元登原籍濠洲廣德鄉東洲人武定侯英諸孫也賦性穎異年七歲讀書過目成誦十歲能文辭永樂二十二年充勳衛正統七年從王驥征木麓川有功九年從沐斌征騰衝有功歷陞署都指揮僉事十四年

上北狩至城下索金幣約賂至歸 駕公閉門不納

上皇曰朕與登有姻何外朕若此登竟不出歷陞右

都督天順元年奪爵爲都督僉事陞事南京是秋謫

戍甘肅 茂陵即位復爵出鎮甘肅未幾召還充團



營總兵八年卒贈侯謚忠武公無子以兄尚寶承斌  
之子嵩請於朝後得世襲指揮使予聞其詩久矣近  
從友人所覓得之銓刻如左雖乏景贖亦可式後之  
爲勲衛者云隆慶庚午冬十月朔後錫山是堂俞憲  
識

### 渡江

樹影江聲帶夕暉故鄉纔說早霜衣昔年冀北扶親上  
今日江南獨自歸愁思正隨黃葉亂寸心空望白雲飛  
只須努力勤名節遺劬拳拳詎敢違

### 題若廟

成紉江通巴峽風濤壯山過寧陵楚蜀分  
鷓鴣陣散滿堆黃葉自紛紛

### 小意中遇雨

月窟晴輝道遠心忙思欲飛山鳥莫啼泥滑滑  
雨色有痕厭沾濕幸無塵土上征衣

### 岳侍講自謫所取回京

### 登黃閣覽經綸欲報

恩敢愛身青海四年羈旅客  
一區侵波倚門親鳴璫



又喜趨仙仗補袞還思用舊章  
歸來心便了天涯  
多少未歸人

經舊戰場

一夜西風捲漢旌連營兵甲散如星  
孤臣獨抱終天痛  
諸將難逃誤國刑自恨中原無猛士  
誰知高廟有神靈  
黃河白骨斜陽裏衰草連天戰血腥

哀征人

天連離水鳴嗚咽戰馬無聲寶刀折  
冤鬼慘酸啼夜月  
作  
瑩瑩明又滅照見征夫戰時血

春晚

遠塞書難寄空庭花自開  
舊巢雙燕子今歲又歸來



世明百家詩 王翰檢集

世明志王儼字孟揚父翰死義于勝國儼時才九歲  
幹友吳海撫而教之洪武中領鄉薦爲國子生養其  
盡孝尤樂初以薦授翰林檢討進講經筵與修大典  
爲總裁官張英公征交趾辟爲贊善遷京卒平生氣  
節高勁議論英發文章信法道妙學士解新書  
稱其人品在蘇長公之列文亦相類至于詩則陵隸  
漢唐使眉山見之未必不避竈而湯也所著有虛舟  
集隆慶己巳鍾陽司徒拾其殘編寄自京師畧而刻  
之如左是歲六月望後無錫俞憲汝成甫識



感寓三十二首

吾聞上古初渾灑木一氣羲皇肇人文龍馬颯已至軒  
鴻垂衣紳唐虞臻至治標巢邈以遠猶擬日云貴云胡  
蒼姬還玄酒薄真味鳳衰其如何寥落匪一世

璇穹垂至象衆曜何煌煌能符調庶極帝皇幹陰陽  
夜無停機所職各有章蒼精奉東壁神虎屯西中央  
北辰尊穆爾居其方司契古有成無爲位彌昌始知  
殷動共戴君爲王

端居闕玄文云是古昔編中有羽化術鍊服可延年中  
夜養玄乳積虛成自然朝餐沆瀣糧夕飲玉醴泉東

青童君西揖金母前笑攀若華枝頰見昆吾顛茲事苟  
不繆吾將命吾旃

真人趣恬漠澹爾中若浮無心亦無爲日與至道游羣  
生接爲構水火闢不休軒轅赤水珠瀕於象罔求寥寥  
六合間可以命虛舟

太白夜食昴流輝燭天街精感動穹漠君心寧見懷白  
璧忌暗投徒使按劍猜所以狂接輿鳳歌歸去來

龍虎啓晉伯熊罷兆齊封豺聲餒教鬼牛禍成庚宗廢  
興自古來吾將訊其蒙蒼旻本何心至理元冲冲

羸皇臙威武漢帝非仙才玄闕祕靈府何處求蓬萊終



遺鎬池壁空獻新垣杯但見金泉下寶衣變寒灰  
番番南昌尉不知名位卑上書抱區區忠懇何由知靈  
鳥鳴朝陽莫爲世所希終然吳門市改髮招鳴夷

尤卓長空漢兵出陰朔材官三十萬旌甲蔽壘落長  
驅破輶輻萬里靖寥廓朔南無王庭功成衛與霍誰知  
青塞月白骨照沙漠

玄精格至理寂感通幽明造化雖甚微焉能外吾形飛  
霜激齊臺振風揚楚庭庶賤尚復爾况與至道并聖功  
極中和二儀爲清寧緬彼歸昌音何時復來鳴

秋氣肅萬物嚴霜下空庭不惜百草晚惜此蘭蕙傾祥

一朝羈尼父爲涕零大運固莫測聖哲那能營  
安在哉遠跡良冥冥

艷色不足貴所貴在適時昭君傾國容遂爲丹青欺娥  
眉嫁驕虜一往不可追至今青塚月夜夜令人悲

王麗不盈把德輝照四鄰段生日偃臥迺能蕃衛君澆  
風薄士節自碎明月珍求蟬貴明人俛仰懷若人

閒居嬰世媒局束無安步石火流狂飈憂來鬢成素誓  
言濯吾纓釋此出門去臨流弄滄浪升丘引遐顧仰羨  
雙飛鴻肅肅在雲路

蘭以蕪見焚膏以明自煎高才信非美賢智成禍愆



生蹈偉節楚老有遺言清風雖可希惜哉天天年

白木忌先伐甘井忌先竭何爲抱區區昭如揭日月至  
人善閉關埋照慎不發入獸不亂羣靈舟任超越襄樊  
迷帝軒汾陽枉堯轍悽心玄靈臺可與人世絕

春至百卉生感我池上情折芳玩新綠臨風爲誰榮蠲  
忿樹合歡忘憂植萱草忿蠲憂亦忘希夷自爲寶

幽居玩羣生小大俱物役嗟嗟羽族微擾擾亦何極  
鷄共聯羽精衛勞木石何如三青禽搖尾戴勝側

庖丁擅操割目行神爲虛三年無全牛投刃割有餘  
情妙至理豈受外物拘冥筌苟不棄安能得神哉

天天園中桃灼灼映綺窻窻中有織婦顏色如青

年弄機杼七襄成報章成章欲何爲願以充君裳但恐  
不見察徘徊空感傷

繁條蘊徂謝青宮媒炎寒涇陽擅秦寵豈得長交歡一  
朝成遠間歛怨東出關昔日天桃華今同秋草殘所以  
龍陽魚痛哉涕汎瀾

富貴千里合貧賤促膝離骨肉尚云爾何況他人爲不  
靛竇門士請看蘭庭基程公何爲者謝客無乃遲

析龍敏辯給惠施夸便僂竹書信激詭堅白方自賢滕  
口徒見尤胡能事幽玄九州誰復徵多方亦已然去矣



桃李蹊予將欲忘言

翩翩遊俠子出入咸陽城千金買意氣五陵交弟兄袖  
中徐七首拂拭秋霜明十步殺一人千里不留行世人  
矜勇智中貴聯芳聲末路賤行檢此輩方縱橫至今李  
布死尚識朱家名

折盤引菱荷激風和結楚皓齒揚脩蛾清尊間芳俎三  
川美少年五陵遊俠子取樂不知疲但畏韶光阻焉知  
董生帷心妙在千古

我有太阿劔龍文粲竒章精光動星斗揮霍迴雲霧  
以金鷓鴣衣之古盤囊夜深雷雨驚恐逐風雲

其能其銚用之如發矟保之在深藏

期霄漢長

孤鳳久不食所志金琅玕喧呼百鳥中束翮歛羽翰  
當覽德輝飛下青雲端虞廷方見待阿閣當空盤  
抱威儀局促風塵間

照影莫嗚井種葵  
生北去趙由余西  
且勿哀千古黃金

昏壁中始見烈風號北林  
音激楚奏清商悲越吟  
豈茲異邪感熱之年歲



苦行役薄暮猶駸駸

桂樹生高嶺揚芬散天風濯濯甘露滋泠泠芳華  
根既得所衆卉羞與同幽蘭獨何爲頗類荆棘  
世人競功利志得靡暫寧邴生事薄遊匆匆  
心不滯物泛若浮雲輕豈徒漆園佞百世同  
微禽變淮海流光迅驚湍人生豈不化徒  
爲金粟臺今見荆棘攢碧海不可蹈紫閣選  
籍丙取去竟無窮源

野田黃雀行

黃雀何翩翩羣飛野田側飛鳴自相呼  
啄仍共

知遊俠子張丸事彈射腥軀薦鼎俎腐壤委  
何足騷感念在疇昔蔡侯富游盤行樂方未極安知  
發至一旦殞其國至哉莊辛談可以長太息不覩黃雀  
哀千秋復何益

車遥遥

車輪何遥遥西上長安道  
見車上人空悲道傍  
行日已遠恩愛難自  
憂來當何如一夕夢顛倒  
中山酒一浣我懷抱但恐三春華顏色不再好車聲  
繚繚風吹馬蹄塵願隨馬蹄塵飛逐君車輪

苦別離



瑤瑟對玉卮中有千萬思欲彈再三歎多是苦別離妾  
顏如秋華零落方在茲君心如逝水一去無迴時皎皎  
雲間月幾見圓後缺月缺有圓時君胡苦別離

從軍行

投筆出虎觀從軍事龍韜平生孤矢志誰能  
江天宇晴平明集千艘組練照雲日戎  
挽弓胎三杯拂豪曹酒酣意氣重萬事輕  
石編可與列士高

遊仙曲四首爲張真人羽化而作

祥雲凝素蕊初景麗璇霄羽駕集萬靈上下何

眇笙鶴音和以空仙謠塵緣一洗脫頓覺神形超下士  
眇末光長跪不可招回飈灑而至矯首空雲翹  
剛飈載飛軒上泝無始鄉心冥一氣表坐斷萬劫場茲  
來食色身緬邈情俱忘長歌答雲璈朗詠流玉章空明  
結真炁晝夜何煌煌嗟哉下土家仰止徒悲傷  
晞髮九暘域濯足咸池津明明在天祖翼我登飈輪金  
天謁西母紫府朝玉真朝遊扳曜羅夕憇邈結鄰空同  
仰真梵天濁慙下民因之一緘札稽首黃麒麟  
化機無停輪萬有互始終至人出陶鈞與道相無窮大  
庭儼羣仙羽蓋時來從逍遙玉虛境一炁每自同真詮



五朝相傳 卷五  
久云遼至理標鴻濛何時復降世清都振玄風

詠史十首

達人志莫測變化猶鵬鷗倏忽翔九萬虞羅空見存莊  
生揮楚璧仲連却秦軍峻武薄層漢高情寄浮雲昔過  
聊城側復經濮水漬餘風尚不泯淵淵來清芬

狐白僅一腋勝彼千羊皮壯士出片言萬諾空奚爲毛  
生奉平原自腕囊中雖陽携十九人咤彼猶嬰兒一語  
定縱盟不待日旻時英風被廣座磊落誠可竒知人豈  
不難長鋏聲同悲

丈夫一言合不論故與新傾蓋即相許白首如路人夕

爲牛下士且作齊上賓吐論即見收揚芳及後摩豈無  
私嬖讒不能間其親虞卿起相趙五殺西入秦一旦魚  
水歡舉屬䟽賤臣志士慕知己臨風一馳神

讒言信罔極構亂成禍媒不有明哲鑒誰能知是非青  
蠅一朝集白璧成瑕疵姬文不見明宋墨名爲隳賢聖  
尚云爾耿耿將誰爲爍金不待燃毀骨痛莫追空懷素  
絲志寧却具錦詩白圭懷魏珠季子食馱驥膠漆苟有  
契誰能爲別離

芝蘭生中林寂寞翳荆杞豈不擅芬芳乃與菲蕪齒丈  
夫昔未遇憔悴亦如此范睢快仇敵蘇秦咲妻子淮陰



出胯下相如困泥滓悠悠世俗態落落誰知己  
戍役赴關隴馳車經洛陽羣公蒼雲集節鉞何輝煌  
精啓初輝云定神鼎方顧瞻瀍澗濱山川蔚蒼蒼脫輓  
棄道左躡履整弊裳叩軍陳便宜炯目如曙光析此利  
害端吐論何軒昂咸秦古天府百二誠帝疆丈夫鏡時  
機識此理亂章一語棄貧賤笑談縮銀黃此儒竟何爲  
空守蓬蓼場

三卿譏世及孔筆燦若星尾大恒不掉拊枝攀根榮  
炎光倏中微五豎並列庭禁兵設蘭錡金影貂長纓私門  
填萬軌指顧山嶽平龜鼎潛欲移擁弱從虛名豈無賢

智謀發言炳中誠根蟠固已久大運終就傾

彭薛志已卓貢公榮未遺二邨近足是兩疏明見機  
識洞在初何勞張楷譏功成有代謝四序恒推移狂瀾  
方橫流六合飄驚颶天損不我加至樂同布夷

鳳躍難爲枝龍潛難爲淵驥足不一展百里枉大賢士  
元困已委文舉類左遷苟足知己明虛爲世所捐劔埋  
風胡悲璞殞卞氏傳黃鐘雜瓦缶舉世方復然

翩翩城隅雀所產得鷓鴣孰云小可臣殷祀乃忽而禎  
祥不足恃昏王禍之基番番無顏冠出語自聾期嗟哉  
倪侯館得死乃所宜



尋小雄仙謁二龍潭值風雨歸草堂作

仙人洗玉髓幽洞驅龍耕丹成較瑤未成此秋水泓  
爽爽西鏡洞見雲霞生百鬼不敢啼雌雄常夜鳴  
湍瀨寒幾曲流瓊英清秋墮蟾影白日聞雷聲偶茲  
靈竒掃石窺清泠洗心盟鷗鷺濯髮解冠纓長風動  
羅颯爽毛骨驚飛雨洒而至萬壑秋冥冥歸途煙桂影  
了了心目醒到家興未已石室披丹經

水亭夜懷黃八粲林六敏

孤亭水雲深入境自幽絕七絃罷鳴彈桐陰初上月偶  
酌尊中醪高臥望雲關荷露清角巾松飈濯毛髮寥寥

天籟寒吟詠了未輟志借南阜隱興藉東山發同心人  
離居中夜思超忽

西山訪張隱士

西崖噴飛瀑結屋烟蘿裏山人不冠屨客至同隱几獨  
鶴海上歸孤雲澗中起淨掃白石床風來墮松子

晚至石潭遇孤鶴懷仙

洞口拾瑤草石流正淙淙尋源信輕筴一逕披鴻濛攀  
緣雜花島亂聒松桂風石床留片雲玉鏡蕒苔空少焉  
群壑靜落景明西峰獨鶴何處來舞影寒潭中因之想  
長馭乘化入無窮



遊清源別後寄溫陵田處士

夙性慕玄賞少年復離羣囊書不得意菽水懷親恩  
纓屨任俠點筆徒工文腰間脫寶劍歸臥清溪  
有時聞放浪滄海濱雲木秀孤島石壁瀟瀟  
藤花濯濯數泉根鶴影波上歸龍吟水中  
軫蘭情灑餘芬曲罷劃長嘯衆籟清衣  
邀子醉瓊尊紅泉看洗藥碧澗思垂綰  
若超埃氛別後緬靈境中夜飛吟魂昨夢紫峰岑  
何紛紛清光阻天末眇懷猶爲君把我手中策拂我衣  
上塵明當營丹砂與壺公鄰

遊清源山道院

仙人有竒躡雞犬白雲裏春至桃花開千枝映流水  
壇藥草青夜室丹光紫天上期鶴笙人間識鳧履  
伊余倦俗流十載困泥滓久意期大還乘風一來此  
金書啓真秘石洞洗玄髓河車信可營心期羨門子

送陳貢士

陳生江海士屢屢當蒙門五侯少知己倚劍思平原  
海國一相訪別余歸故園杯銜霜夜月袂拂秋山雲  
四望大野空蕭蕭鳴鴈羣意氣但自許離懷何足論

秋夜齋居懷唐泰



高梧月未出暝色踈烟裏  
雖鳴鴈來聲在秋塘水  
孤燈捲簾坐寒影對窻  
几清空吹微霜瑟瑟動  
輕葦援琴不成音感別  
在千里誰值晨風翰  
淮波盻游鯉

寶山蘭若

山門隱松桂化雨浮半空  
金仙青蓮居乃在烟霞中  
石竹覆紫苔四壁泉濛濛  
因窺一燈影冥坐萬劫同  
衆賢清梵音浮塵地微踪  
願言別苦海永矣投禪宮

龜湖晚釣

投竿緬平湖興與雲水俱  
直鉤豈無取所志不在魚  
條者誰子得匪商顏徒  
偶來坐盤石共話蒼夷物

元峰孤月

靈鵲墮寒羽清輝澹溶溶  
誰將一片秋挂向溪南峰  
蔓壁絡金鏡陰窻鳴夜桐  
幽懷迥未已杳靄東林鐘

龍寺寒泉

靈源沁寒泉乃在翠微頂  
中有脩鱗蟠白日烟雨暝  
山僧習止觀木客照孤影  
予亦洗心人坐來白雲冷

塹石歸樵

旦出事斤斧薄暮歸青林  
澗迷猿鹿引路滑莓苔侵  
白雲覆我頂山風吹我襟  
嘯歌靜炎燠邈矣烟霞心

草堂成題以見志二首



幽棲構行宇窈窕雲蘿中潛光葆真素遂此違世蹤青  
山列前楹金飈但鳴松聽之比竽瑟玩之若芙蓉簪玉  
豈不華列戟非凡庸重關邈天路短翮慙排風瓢飲頽  
水淶邑謝駢氏封散帙期道侶假寐登方蓬茲焉遂偃  
仰沆瀣應無窮

金張七葉貴出入珥漢貂亦有張仲蔚中園隱蓬蒿窮  
達自有分貴賤匪一轆誰知衡茅中於焉可逍遙間從  
閔叔飯辛有顏氏瓢夜來白露溥商聲振林飈泠然白  
雲章遠和綠水謠緘辭寄三鳥目極天寥寥

瓜田寄南山處士

種瓜一畝間榛蔓苦翳之雨深苗未抽惻然令我悲清  
晨行荷鋤芟刈亦忘疲仰觀天宇寬俯視羣物滋却憶  
南山老終年澹無爲

菊逸爲三衢金山人賦

郊原掩窮秋孤思久寥寂賴此霜下英庶以見顏色開  
尊命濁醪取醉聊目適坐望飛鳥還不見南山夕

畫馬篇爲章將軍賦

聖皇覽乾馭天駟流星芒太乙貺靈異倏見渥水傍神  
精何權竒意氣尤軒昂兩顴夾明月四蹄亂秋霜早爲  
汗血駒三載清大荒長驅奄上征逸態凌雲翔騰騰日



萬里脫畧誰能當歸來驂六龍殊恩擅中黃賜浴天池  
津剪拂鬚鬣張顧影驕玉姿含嘶泛清商丹青寫餘照  
對之亦騰驤駑駘世豈乏伏櫪空成行

晚宿雙峯驛樓與故人陳哲言別

山暝烟已斂晚涼月初生扁舟泊江汜候吏欣相迎登  
樓引孤興開筵坐空明杯分劍溪綠簾捲雙峯青几席  
湛碧流蘭氣浮冠纓泠泠露叢鵲中夜四五驚偶因念  
物性終焉感吾情十年懷一杖三匝樓未寧茲晨胡爲  
哉又逐孤雲征良宵一邂逅明發增屏營蕭蕭衆籟寒  
萬壑同時鳴緘辭別知己解纜搖行旌

讀書樓爲四明王子沂賦

曠野豁烟翠層梯標石叢奎輝貫窻牖颯颯來天風良  
宵清諷音飄落如半空雅調旣云遠古心誰與同豈無  
華構崇飛軒切層穹春風羅綺醉落日烟花紅詎知靜  
心者兀坐窺鴻濛游心太古巢寤寐雲霞中榮艷適自  
媚清芬在無窮

題畦樂處士成趣園

凌晨啓柴扉有客過我廬雕鞍照玉勒輕紉曳羅襦入  
門坐高堂騶從閒且都自言匪他人少小六郡徒二十  
登漢朝三十執金吾五侯吐然諾七貴相追趨笑我久



滄落勸我無迂疏富貴不早致白首徒勞如而我聞其  
言笑謝陳區區緬彼堂構姿安用散與樗以茲避軒裳  
悟靜解天誅况云樂丘園取適自有餘朝奉邵侯瓜夕  
灌鮑氏疏榮辱不我干憂患豈我虞閒心託浮雲不知  
卷與舒客揖上馬去還歸倒一壺

達生貴忘我守靜體自然外物苟不榮取樂無過愆鼎  
食豈不甘軒裳詎非賢大功難久居盛名難久全淮陰  
登將壇條侯寄重邊寵辱一朝異頌替誰能憐寧茲遠  
世氛寄身在中園閒澁漁父纓時誦老氏篇適性乃化  
初冥心超至玄知止幸不殆何必誇輕儗

題黃鸝圖

伐木輟遺音索居抱幽情緬此幽谷姿如聞求友聲我  
欲往和之水綠春山青

辨誣代常山吳權作

相逢白晝間豈盡攫金者亦有披裘生採薪當盛夏東  
陵高西山孰辯真與假長睇天地間茲懷向誰寫不疑  
懷直躬取惑在同舍白壁棲青蠅何損連城價達人垂  
貞觀庶照覆盆下

古意二首寄鄒叅政濟

火旻倏西流庭柯落踈影端居掩空闈懷人思方引月



華涌踈隙風籟籟玄乳殘編散金帙鳴琴罷瑤軫相望  
更何許迢迢寄江嶺折芳欲有贈奈此霜露緊憂來當  
誰理一夕變玄鬢

亭亭江上樓綺窻洞然開上有愁思婦感嘆當爲誰良  
人別經年遊宦苦不歸憂來不自媚下堂尋履綦感彼  
三春花將同秋葉飛中懷如轆轤日夜不停移高堂張  
素絲彈作別鶴悲餘音入雲漢何由使君知

晚至洞神宮

晚立下仙闕乘間清道機福地集萬靈迢遙麗神圻入  
門喧自息微風吹我衣烟林閉虛境密竹垂陰扉于時

東嶺霽素月流清輝妙賞愜初願閒心不知歸夜桐有  
商意掃石橫金徽

遊靈谷寺

東城領遐矚北山開禪宮松聲度衆壑塔影懸晴空衣  
冠有時暇幽期白雲中八水覓解流三生味玄風上人  
啓竺墳說法超羣蒙是時寶花墜十里香濛濛別來問  
玄度幾日還相從

題林處士壁

荒居厭藜莠寂如張仲園閒來枕肱臥廓爾排真筌仰  
觀浮雲生舒卷任自然綬無蕭氏結冠之貢公彈瞋色



起脩竹寒光流遠川因思玄冥子共樂壺中天

秋夜同諸公神樂觀玩月

秋臨萬象空良夜寂如水了然東山月照影清尊裏塵  
蹤厭汨沒緬此方悠然况之仙壇高俯瞰區中綠坐援  
紫霞笙嘯引琪林鶴參差斗未橫零落露已薄朋簪諧  
夙驩佳期感二難中心拂衣去永臥烟霞間

送張謙五首

東風變碧草積雪開紫垣都門集同袍酌酒送行軒  
歌一何長激烈驚心魂丈夫顧義分豈爲兒女言名駒  
出幽隱枳棘鳴祥鶴千年值嘉運萬里期騰鸞

一抵龍良可悲羣龍方盈庭  
懷徑寸珠燦燦五色輝相投不相矚魚目其同歸

真秘良材終見希誰能辨瑜瑾遲爾黃金閨

醉呼秦淮酒臨岐歌慨慷吳姬小垂手一曲春風長扁  
舟不停撓去路但茫茫青山入楚甸白雲思越鄉豈無  
壯士懷擊節心飛揚憑將繞朝策一贈囊中裝

鶴青雲姿豈解司晨鳴時來暫斂翮終當遊太清奔  
驚復何知開口笑沉寔饑來不飲啄再喚長風生請看  
昂藏軀寧與雞鶩爭惟應瑤臺鳳可與蜚英聲

故人發白馬翩翩臨路岐腰間脫玉劔贈子長相思霜



飲爾勿彈狂歌欲爲誰英風洒毛骨四座驚別離別離  
豈足惜意氣方在斯何當凌九萬並駕青雲歸

送僧歸越中

錫挑龍河雲衣帶越溪雨說法方西來隨緣復東去松  
枝偃故房栢子落庭樹從此上方遙人間但疑佇

賦得幔亭峯送張員外還閩中

秀色照海甸百里青嶙峋衆山如游龍一峯高出雲昔  
傳武夷君於茲宴曾孫鸞颺載河車來往何繽紛羽蓋  
云已久玄賞今尚存夜深天籟寒猶疑鶴笙聞而我昔  
遊覽望之隔塵氛天影瀉潭鏡翠壁明微照別來區中

推心魂茲山不可見夢寐懷清芬張炎詩仙骨

在雞羣中林赤松期久負瑤池尊斯行問初暇

溪濱幻宇結空翠層嵯閉氤氳權歌九曲來餘

不巾玉女或可訊爲余謝仙真

送胡處士還豫章

我懷高士風矯然若游龍南州久寂寞水碧青山空夫  
子振流俗清芬千載同明時棄軒冕白首棲雲松出門  
不遠適西到匡廬峯天風吹衣巾飄落塵鞅中倦翮思  
故林孤雲懷舊蹤角巾洒秋雨別我金陵東冠蓋錢道  
周雕筵進肥醲揮之一不顧舉目送飛鴻寒波駛鱗流



川上落日紅孤鶴  
倏已遠  
悵望那能窮

送徐布政之廣東

連山隔星紀  
雄藩控華夷  
內分青瑣彥  
遠牧滄海涯  
春雲擁畫戟  
白日明繡衣  
一朝立意氣  
萬里生光輝  
都門別同袍  
尊酒秋風時  
丈夫貴有爲  
豈作兒女悲  
停杯贈馬策  
脫穎囊中錐  
何必守章句  
終年困蓬萊

送林少府還九江得月字

握手白下門  
棹歌莫催發  
且沽玉壺酒  
共醉金陵月  
明日望匡廬  
孤舟坐超忽

同宿諸寮友

鐘敲清夜空  
香靄氤氳孤  
懷湛如水  
因之絕垢氛  
露跡雨河漢  
霽微雲  
明發奉禋祀  
坐待禁鐘聞

武夷約遊不果

下溪口薄暮  
烟沉沉  
羣峰暝色厚  
九曲寒流深  
不  
亭君徒懷笙  
鶴音雲霞結  
飛夢風雨生  
平林半生  
名山十年阻  
登臨長懸紫  
宮戀未遂  
滄洲心  
豈伊真  
仙源遊我名  
跡侵回橈  
發長嘯起坐  
鳴吾琴

宿分水關

凌晨起芻秣  
驅馬白雲間  
倒窺猿鶴岑  
薄暮宿層關  
關門閉古色  
落日鳴哀湍  
我行倦前征  
憇息天風寒  
下臨



下修檢集 卷之五  
犀壑陰仰視星宇寬攬步  
一脈脫劔膝上彈劔歌有  
餘情豈爲行路難

題吳山伍子胥廟

朝驅下越坂夕飯當吳門停車訪古跡靄靄林烟昏青  
山海上來勢若游龍奔星臨斗牛域氣與東南吞九折  
排怒濤壯哉天地根落日見海色長風捲浮雲山椒戴  
遺祠豐饗今所存殘香吊木客倒樹哀清猿我來久沉  
抱重此英烈魂吁嗟原鑿鋒宜爾國士竟峨峨姑蘇臺  
榛棘曉露繁深岩屢鹿遊此事誰能論因之毛髮豈落  
素秋紛紛

金山寺

一海勢闢中流孤島分化城若浮出鍾梵空中聞真  
僧何方來於茲巢白雲魚龍護法界日月棲山門而我  
泛梗蹤偶因滌器紛真源杳莫測積氣長風盪一洒甘  
露言便覺蘇焦焚栖身恍圓鏡永絕諸漏音

登黃鶴樓

迢迢江上樓飛構梯層穹黃鶴何年來結巢白雲中仙  
人整羽蓋一往無遺蹤瑤笙紫河車瀟洒餘天風至今  
啓重關呵守虎豹雄雕簷敞白日闌檻標晴虹我因駐  
旌節登攀興何窮神行萬物本目送雙飛鴻依依烟際



北朝詩集 卷五  
帆遠落三湘東霜清楚天碧樹盡荆門空長辭愧禰生  
高興曠庾公落日下樓去烟水青濛濛

游五溪錄呈陳司馬及同登諸公

客舟曉探奇興落活水上舉蘿豁遠目所至窮異狀是  
時天宇晴物象自清曠烟開楚山斷千里彌一望遐延  
極覽眺近歷飽搜訪層崖劃中開峭壁摩萬丈顏公英  
烈姿元叟士林丈文辭金石奏字畫蛟龍壯伊余抗塵  
容所志在清賞孤雲寄微蹤鶴引空杖豈無千載懷  
亦有高山仰同游二三侶雅真情頓暢芳前薦山庖林  
瀑酒行帳醉揮紫雲笈

吐雲嶂幽興任時違心遠覺神王但云請斯遊何以本  
清規

全州道中

夾道松柏千株前守章後所植

全南遠百里碧澗綠幽岑躋險屢得勝曠望清煩襟道  
傍苑苑松誰氏其棠陰聞有章大夫昔年茲拊臨政循  
俗云變世遠澤尚深顧茲手植繁蒼沃猶至今天長日  
色薄風靜雲滿林我行念徒侶苦被名跡侵畏影且息  
蔭避喧聊洗心據牀久兀傲思奏丘中琴知音何寥哉  
佳篇空哀吟

南海登粵上臺



我酒豁清耽曠歌亭巖巖專臺久寂寞海色空蒼然荒  
城南十外碧草春風前雲木隱暝色落日哀啼鶻緬懷  
全盛日萬里恢疆踰封赤社大列雉南溟專茲臺一  
何高頰視如控弦運化神物改代往陵谷遷千金買辯  
士古无空寒烟惟有山僧來此地開梵筵諷頌發深夜  
鐘鼓羅諸天觀物理則如倏往猶千年誰將峴山淚爲  
洒南雲邊

南海郡庠宴集書贈董郡博

高堂輟絃誦秩秩敷賓筵朋來何雍容對此方穆然勸  
禮有如陟降容無偏芳蘭發中座品物羅庶籩是時

海雨至須臾遍南天夏日如涼秋清風洒軒懸酣情久  
已暢秉德良益虔用言賦茲什以代伐木篇

龍州道中

微生易爲役遠節恒自持夙興戒前征萬里投南陲迢  
迢古龍州山徑雜羣夷浮雲翳兩曜衆壑昏陰霏由茲  
望明都尚隔天一涯淹留暫停騎促刺心不怡所愧子  
桑戶中林人見稀

宿烏岩灘

扁舟宿層灘灘漲夜來雨飄飄遠客情寂歷榜人語登  
途畏虎跡突瀨逢鱷怒束山尚沉冥推篷幾延佇



蒼梧道中

驅車九疑道獨鳥東南飛看山不覺遠秋雲生我衣深  
谷走羣籟半岑明夕暉中林有蘭茝薄暮空芳菲

曲江謁張文獻祠

停舟曲江滸吊古謁遺祠巉巖始興公遺澤芬在斯堂  
傾風雨萃碑斷苔蘚滋芳春奠行旅落日歸文狸唐宮  
昔全盛衡鑿方獨持弼諧展嘉猷讜論非詭隨離離朝  
陽鳳燦燦補袞絲側聞臥病後九廟烟塵飛魚陽突騎  
來中華混羣夷信知砥柱功用舍同安危昭陵鐵馬空  
山李祚久移維餘甫存千秋亘若茲戎末薦微誠而

拜當前墀顧瞻廟貌間風度猶可希武溪何淫淫峇峰  
亦巍巍只今相業隆孰與前脩期臨風一長嘆山雨來  
霏霏

幽中送張用剛還晉安

海水天際落北風捲蓬根愁烟結遠思薄暮空紛紛握  
手子不留驅車出都門離筵楓葉下客路猿聲聞借問  
此日還何時鷗鷺羣舟移九曲棹樹隱重關雲笑我鸞  
鶴姿久閉樊籠春烟霞有歸夢爲爾飛吟魂

前有尊酒行

前有尊酒我爲君壽有瑟在筵有螯在手青年既徂白



髮被首於今不樂古人奚有自昔有言俟河之清人壽  
幾何云胡不零起舞傴僂側弁以噉弗鼓缶而歌恐大  
耄之徒蹉秋露如玉下彼庭綠良夜未央胡不秉燭東  
陵死利西山死名莊周放達禹稷躬畊吾誠何暇以論  
此前有尊酒君須傾

長歌行

有淚莫泣鮫人珠有足莫獻荆山玉赤心徒使按劍猜  
至寶翻令笑魚目千金蹈海稱達人五噫出關西去秦  
負芻不復遇知己空歌白石南山春楚卿棄相復何有  
於陵甘作灌園叟雜縣偶集魯東門惆悵胡能事杯酒  
長風蕭騷百草殘長鈇悲歌涕汎瀾金臺駿骨久已化  
理水風波不可攀畏途羊腸能折軸緘書爲謝雲間鵠  
海上三花久負期醉歸謾托平原宿

將進酒

故人手持金屈卮進酒與君君莫辭仲孺不援同產服  
孟公肯顧尚書期當歌激風和結楚吳姬白苧莫停舞  
黃河東走不復回白日經天豈能駐田文昔日盛經過  
朝酣暮樂艷綺羅高臺已傾曲池廢祗今誰聽雍門歌  
我有一曲側君耳世事悠悠每如此子雲浪作投閣人  
賈生空弔湘江水春風南園花滿枝莫待秋風搖落時



東山笑起徒爲侶乘時莫負高陽池

行路難

倚劍且勿嘆聽我行路難世途反覆多波瀾焦原九折  
未爲艱君不見漢謠斗粟歌未闌長門一夕秋草殘骨  
肉之恩尚如此何況他人方寸間又不見絳侯身榮應  
繫獄賈生終對長沙鵬功成更覺小吏尊才高寧避明  
時逐所以赤松子遠赴中林期誰能吳江上見笑鴟夷  
皮驪龍有珠在滄海勸君逆鱗勿嬰之子推介山下屈  
原湘水湄當時柎鑿自不量至今憔悴令人悲行路難  
難爲言滄浪一棹且歸去長安大道橫青天

少年行

千金換寶劍短髮鬢胡纓銀鞍照紫燕  
馳香洛陽城洛陽城中足年少陌上相逢開口笑  
按鋏長歌猛虎詞彎弓直上呼鷹道歸來買笑何所驩  
白日擁擲夜未闌百觴每共孫臏醉一飯羞從漂母餐  
吳姬二八小垂手短笛橫吹折楊柳一曲臨風意氣生  
珊瑚擊碎亂縱橫春來秋去只如此五侯七貴爲知己  
却笑侯嬴空抱關白首夷門不暫開

短歌行

東風吹花墮錦筵綠楊半暎青樓烟主人自爲鷓鴣舞



小妓更奏鴛鴦絃當杯入手君不醉落日已在西山巔  
短歌一拍心茫然請看明鏡高臺上何須白髮悲芳年

### 塞下曲

君不見鴈門九月風如刀筋強蹄健羣胡驕邊庭列障  
走烽燧旄頭夜出天山高陰磧茫茫走千里刁斗聲沉  
塞雲紫重圍未破殺氣昏萬衆同呼士心死起看壯士  
背褰創援桴鼓之氣益張三軍奮迅一敵萬空城流血  
天爲黃自此匈奴知姓字漢家盡雪穹廬耻可憐白首  
未封侯一片雄心向誰是

### 君馬黃

君馬黃我馬白二馬同嘶出南陌南陌東阡夾渭橋馬  
行平地似青霄羈金絡月人皆羨振玉鳴珂意自驕朝  
出相隨暮相逐可憐人馬皆如玉如何與君生別離君  
馬東行我馬西欲知後夜長鳴處羞對鴛鴦駘千萬蹄

### 醉歌行答鄭五迪

人生三十古所立嗟予落魄竟何有眼中萬事皆等閒  
帳下一經空自守揚雄寂寞人皆羨長卿憔悴誰相偶  
五陵西上事已非百粵南歸歲應久侯門無分曳長裾  
別墅閒來閉虛牖感懷徒使壯士悲託交何處論心舊  
與君一見即傾倒握手相驩情頗厚意氣能凌豪士前



風流肯落當時後每於結客散黃金縱令負郭無百畝  
白社吟來落木秋青山醉倒芳尊酒知己終憐水上萍  
年光暗擲門前柳惟有長歌一片心此日贈君君識否

贈吳六

少年結客遊五陵布衣落魄喜談兵是時氐羗殺主將  
邊庭一夕烟塵生當筵意氣許君死飲血報仇爲知己  
一生猿臂挽兩弧三尺魚腸走千里窮秋絕漠羽書飛  
輕身陷陣解重圍眼看旄頭關塞落手持虜首轅門歸  
帳下三杯躍紫燕衆中萬歲瞻白衣功成幕府失姓字  
扁舟歸釣滄江湄邇來時平復何有萬事蹉跎付杯酒

年邁鐐吐星鉉今日生茨閉虛牖丈夫感激鬱心魂  
平原食客有誰存臨風夜夜吊孤月長歌擊筑聲俱吞  
聞來過我何所爲未言往事先淒其髣髴零落已如此  
心跡悠悠那得知

送陳暉

池上百草綠春城黃鳥吟玉壺清酒與君別青山去後  
空雲林問君此行何慷慨一嘯揚眉起滄海須使功名  
及早成莫教綠鬢流年改拂劍酣歌四座傾共看仙籟  
快登瀛上林奏賦久相待宣室求賢方未寧縱醉臨岐  
不知晚落渚蕭蕭送歸鴈別路雲程兩地分目極烟江



去帆遠

寄答黃伯亨

我馬從東來君車正西去却似風吹海上雲天際無心  
忽相遇與君相遇即相知瀝膽輸肝無復疑虞卿豈顧  
雙白壁平原輕擲二美姬狂歌一斗酒共醉六屏月拂  
曙登古臺慷慨與君別君行五嶺南我阻三山道何處  
我思君天涯但芳草昨朝鴻鴈下江烟銜得君書置我  
前開緘拂冰雪千里情灑然念昔與君多意氣相期豈  
作桃李妍醜生立堂下叔向知其賢袁宏發朗詠謝公  
一語苟有合何必結交窮歲年我有古干

青綉澁久棄捐寧甘困泥滓耻爲兒女憐君亦  
寫我將古調爲君宣月明洞口鳴風泉清商一曲何  
茲雲山麋鹿可爲侶紛紛薄俗何其偏

西亭夜送林六敏還山

西亭月秋風梧葉涼故人發孤興別夢遶林塘浮  
心草草羨君拂衣一何早百畝風泉繞桂枝歸  
去南山跡如掃南山松桂北山雲飲澗穿雲麋鹿羣窻  
間明月但高枕洞口飛泉長對門知君自是悠悠者何  
須叩角歌長夜鄭谷年來秋草稀鹿門誰伴白雲歸君  
行好覓赤松子余亦將紉薜荔衣



宿桃溪方翁家贈別

清溪一帶綠桃花春來水上流胡麻東風尋源泛瑤棹  
雲中遠見山人家於茲水木相含景裊裊松杉亂天影  
少焉林壑衆籟鳴巾舄飛來片雲冷二三老翁住東陂  
薜衣霜雪垂兩眉自言入山歲已久不知人世今何時  
傳聞有客驚還喜共薦清泉飯松子烟林霧篠不逢人  
碧草苔花應滿地問予何事在塵間那似山中日月閒  
澗戶聊同魚鳥醉石牀常伴雲霞眠乍逢靈境真堪悅  
區緣未謝還成別別後重來定幾時夢繞溪邊綠蘿月

題深溪草堂

草堂住在深溪裏四面窻開玩清泚空翠長浮半壁陰  
涼飈時傍虛簾起雲收月墮吟幌白雨過苔侵釣磯紫  
心閒野鳥自忘機客至談玄聊隱几高情澹蕩付琴尊  
有時落魄不冠履已知人境得蓬丘恍若漁舟問桃水  
滄洲有約在投竿白首何心懷帝里祗今方憐世態薄  
逢君况值丘壑美荷衣蕙帶或可紉也向溪頭拾芳芷  
聽琴歌送方氏逸民歸天台

嶧陽孤桐飽風雨中雙鳳幽條語一辭爨下登高堂  
徽向黃金思何苦初彈一曲南風生端拱垂衣虞舜庭  
悄然再鼓神欲往美人頎然結遐想須臾改調絃亂鳴



引宮刻角流新聲泛如陽春激白雪澹如綠水涵秋清  
美君雅操有如此十指游心在千古戶外翩翩鸞鶴翔  
松下僂僂鬼神舞世間箏篋徒紛紛可憐此調誰能聞  
江湖寥寥少知己抱歸獨臥空山雲

送友還劍上

手把一尊酒送君白下門秋風官道傍落葉何紛紛念  
我辭家久爲客京華一日幾人別茲晨慷慨復送君令  
人却憶故山雲君家舊住劍溪上門外雙峰宛相向雲  
屏九曲倚醉過青山別後近如何君行漫浪不須久舊  
業荒涼風雨後會予得買南歸航蘿逕苔磯一相候

賦得釣龍臺送友人還閩

九原鹿迹何茫茫五星東井熙炎光無諸功成裂漢土  
組練三千還故鄉當時築臺青冥中閒來垂釣滄江龍  
屠龍技成去不返至今百粵山河空臺外蒼山落平楚  
臺下江流自今古野水荒烟古戍寒落日精靈尚來去  
過客憑高眺遠鴻可憐何處聽歌鐘愁雲偏結謝端渚  
海月長懸薛老峰故人舊隱螺江側曾共吟秋吊陳迹  
此日南歸興不窮別後登臺好相憶

送陳將軍還鎮三河

紫髯將軍身七尺早拜金吾未三十臂挽雕弧二石強



玉皇集 卷全  
腰橫寶劍千人敵曾隨驃騎逐旂連破虜平蕃功最先  
直向交河斬兇醜肯教烽燧照甘泉名高飛將傳異域  
氣凌屬國雄燕然百年恩刷浚稽耻萬里曾屯克國田  
邇來移鎮三河久馬上黃金垂紫綬偏裨皆爲六郡英  
賢豪不數雲中守平原草色獵騎還鴈門雪盡春歸後  
邏靜無傳紫塞烟客來但醉芳尊酒良時躍馬獨朝天  
闕下相逢思藹然久知公子能虛左却憶將軍恒在邊  
錦帶紅纓士如虎明日都門仍出租節鉞翩翩望欲迷  
唯見雲臺天尺五

贈遼陽僧慧峰

上人出家絕世緣少小入山今幾年悟得真空無住着  
手探濁海神珠圓草衣百結幽岩裏晝拾松花飲泉水  
野性無心狎澗麋大法時譚聽山鬼遼海蒼蒼接遠天  
居人漁獵饜腥膻山中有僧誰解識長日安禪祇晏眠  
此生自笑機緣薄欲接微言解群縛昨夜中峰禮白雲  
唯見諸天寶花落

古劍行贈周辰

殺氣貫斗牛精光何陸離風胡不可遇千載令人悲憶  
昔干將初鑄日五夜龍池飛霹靂秋水芒寒鷓鴣膏虹  
光鍰吐蓮花質當年曾聞易水歌荆卿不遇當如何後



來相隨赤帝子颯颯秋郊泣嫠鬼乃知神物用有時風  
雲變化誰能知祇今蕭條鐔水上白日徃徃蛟龍飛俠  
客相看魂欲死一片雄心許知己別來夜夜匣裏鳴憶  
君清淚如鉛水爲君摩挲君試看劒歌有曲君莫彈從  
來烈士皆如此茫茫萬古悲風寒

王芾家詠梅花燈

并娥剪素鏤秋水蘭燄傳春破瑤葢粉屏射蠟搖珠光  
的歷冰魂廣寒裏嚴城畫角聲咿咿羲馭漸軋搏桑枝  
芳心暗逐烟燼落玉鳧味冷沉烟薄

凌歊臺懷古

朝發石頭渚暮宿黃山道携酒眺古臺離離但烟草憶  
昔茲臺何壯哉宋祖離宮臺上開臺前寶樹入層漢臺  
下炎歊隘九垓楚山望盡蜀山出雄跨全吳勢凌突欲  
吞銅雀俯中原不數黃金貴奇骨三千歌舞宿雲端公  
子下孫徃復還秦關捷書不再返出關飛龍誰復攀繁  
華一見乃如此寂寂荒臺秋色裏徃事徒悲禾黍塲殘  
碑半墮滄江水滄江水流去不迴空陵劫火變寒灰欲  
將霸業問行客黃山落日清猿哀

隴水

隴底望秦關蕭蕭隴水寒照人猶帶恨飲馬不成湍落



日邊塵合秋風虜騎殘誰磨三尺劒直爲新樓蘭  
小垂手

秦女騁妖嬈春風步翠翹只疑花作臉更訝柳爲腰燭  
暗花鈿墮風輕羅帶飄自矜纖弱態不羨掌中嬌

巫山高

巫山不可望望極使人悲樹暗啼猿峽雲空神女祠秋  
聲留別恨夜月悵佳期欲問高唐事惟應宋玉知

晚歸湖上

一逕愜幽尋悠然世外心不覺水泛那識落花深潭  
影澄天鏡松聲韻素琴  
夕發歸踏月沉沉

山寺尋僧

尋山憶慧能問偈過真僧竹覆山門雪花藏古寺燈千  
家供法食一衲挂疎藤不是遺經呪多應悟上乘

陸氏山池

淡淡牽銀藻娟娟種玉蓮誰開照膽鏡中有洗心泉萍  
散山流影雲收月墮天願隨鷗鷺侶薄暮宿寒烟

送人以故將召用

秋風大道傍立馬盡餘觴興逐孤雲遠情隨去路長廉  
頗思趙士漢主憶馮唐莫奏桓伊笛蕭條兩鬢霜

白雲寺贈僧



道林說法處應在白雲邊  
燕坐度小劫冥觀入大千  
諸天花雨遍雙樹慧燈懸  
何日東林社相期種白蓮

詠毛女

拂黛逃秦苑羞蟬入漢年  
羽毛滋異藥山谷遇真仙  
夜月思金屋春風漱玉泉  
折花壽王母羸女解相憐

贈羽林翟大

十二羽林郎星文映上蒼  
承恩當列仗走馬出長楊  
夜宿平康里春遊俠客場  
袖中徐七首萬里報君王

和王舜舉春日襄陽之作因送之歸

漢水千年綠襄陽二月時  
人歌大堤曲春到習家池  
且

縱山公醉寧同叔子悲  
葛疆今已老歸馬莫教遲

賦得邊城雪送行人胡敬使靈武

萬里燉煌道三春雪未晴  
送君走馬去遙似踏花行  
度蹟迷沙遠臨關訝月明  
故鄉飛鴈絕相送若爲情

贈御醫蔣彥文

昔年遊海上晚歲住京華  
肘秘盤囊訣爐存伏火砂  
進方親御扆種藥借隣家  
欲問廬山杏年來幾度花

送李校尉致仕還江左

雄劍委龍鳴關河白髮生  
功成百戰後老去一身輕  
夜月桓伊笛秋風驃騎營  
燕歌何處寫曲罷有餘情



送趙友同還華亭時水泛三吳

積水渺無際送君江上還  
九峰何處所迢遞白雲間  
舊業菱荷在秋風鷗鷺閒  
定知三泖月相見一開顏

送人之毘陵

興盡一杯酒相看欲別時  
孤帆乘吹發一鴈度江遲  
千古蘭陵令秋風季子祠  
勝遊多感慨爲爾寄遐思

送友游吳適越

斗酒興不淺南遊幾日迴  
擔囊無長物訪古及吳臺  
腰下延陵劍手中張翰杯  
若逢梅福問相與上天台

送平直之沔陽學正

楚澤三秋近荆門一望開  
沔流緣泮入巫樹擁屏來共  
訝平當老誰憐宋玉才  
鳳歌時有客狂狷待君裁

舟中贈司馬秀才

才子茂陵客何年賦遠遊  
家藏封禪草身著鷓鴣裘  
未贈王祥劍先同郭泰舟  
明朝霄漢上一鶚看橫秋

賦得花影

欲拂更紛紛空香寂不聞  
亂迷芳蝶夢輕護錦苔紋  
窺月籠書幌因風颺舞裙  
莫移庭下步蹴碎一階雲

渡楊子江

四月驚濤白扁舟發大江  
不因臨絕險那使壯心降  
天



際群峰碧磯頭白鳥雙勝遊殊未已聊爾駐麾幢

除夕

殘雪初消夜陽光已報春容懷誰共慰孤燭自相親寂  
寞烟霞夢飄飄霄漢身君恩何以報來日歲華新

送沙子進赴祿州別駕

客舍酒初香都門柳色黃一官仍別駕萬里赴炎荒江  
路猿聲早山城榕葉涼遠人勞撫字且勿厭殊方

邕州

五管推名郡雙江接上游人家蠻洞曉山雨瘴烟浮遠  
客誰青眼殊方易白頭夜來南極上分野望牽牛

與張從事夜坐幕府有贈

亞夫登上將劇孟在中軍敵國真堪倚雄姿獨數君詞  
鋒傳電檄劔氣動星文戎幕今無事高談坐夜分

從軍樂軍中錄示諸將二首

爲問從軍樂東南早罷兵尚資磐石計同醉伏波營寶  
玦千金換珠袍五采成却慙揚子宅終歲一書生  
秋原草色殘千騎擁雕鞍共道從軍樂誰歌行路難瑯  
戈揮日落玉劔決雲寒準擬功成日同歸謁禁鑾

贈童將軍

聖德垂文統開疆仗武臣熊羆偏兆渭松嶽再生申節



制三邊靜謳歌萬國春策勳來汗馬剖券寄雄閩何處  
推名閩淮陽識異人起家龍劔舊錫命虎符新略地功  
名在專城寵渥臻朔方推鄧禹南土戴曹彬事業誰能  
擬賢郎更絕倫鳳毛看鸞鷲種得麒麟廟略仍無匹  
雄韜動有神聲名傳此日光彩擅全閩閩外今無事邊  
陲早控塵轡閒夜月睥睨倚秋旻國士延毛遂華筵  
召郗詵五戎流美頌百粵仰深仁自笑飄蓬客誰同入  
幕賓轅門叨接猛斗篆未誇秦王粲登樓處相如作賦  
辰不應知己戀難作浪遊身伏櫪心猶壯擗鞞氣未馴  
方書如可試黃石舊爲隣

寶珠蘭若

萬花明晚嶂一逕靄天香問法逢龍勝尋山到鴈堂  
輪標月相石鏡讓珠光野興看雲逸松泉捲幔涼洗心  
依覺苑作禮函空王初地超凡品冷然萬慮忘

白鹿應制

樂園歌周室呈祥出漢圻神胚金毓秀瑞木玉爲姿顧  
兔寧堪匹祥鳥未足竒露毛偏濯濯霜角自離離  
蒼崖雪曾銜紫嶺芝來依琪苑靜馴傍玉階宜海嶠遺  
仙迹窮荒貢遠夷何如昭景貺重覩聖明時

送人戍邊



正物浮雲感離鞅  
明月弓日邊  
辭帝詔  
天際逐沙蓬  
戰兵符動三門  
將軍雄戈  
不日  
旌如  
鼎高風朔漢  
窮陰外  
幽巖落照中  
杜懷  
飲吹虹

呈陳司馬

大將分雄關  
名卿出上台  
五戎資  
略萬里掃  
埃鐵  
騎如雲  
集樓船  
際曉開  
日將子  
影消  
雷逐劍  
鋒摧  
寵賚  
當陽節  
人憐定  
遠竹  
指麾  
停羽筆  
談笑許  
龍媒  
銅柱功  
空羨金臺志  
不回  
豈任  
專斧  
戟更爾  
賴鹽梅  
自笑疲  
駑  
甚聊因  
附驥  
末未  
獲孩  
楚策  
屢接  
禡  
衡杯  
汲引  
寧忘自  
吹噓  
幸見  
陪  
三  
看玉  
劍  
千里  
動風雲

紈扇詞

皎潔渾無染  
團圓孰與裁  
秋風原不妬  
四序自相催  
送人隱松溪

送爾松溪上  
猿聲樹樹聞  
夜涼弄溪月  
衣上拂松雲  
荷露

翠盤捧明珠  
蕩漾圓復碎  
夜來明月中  
留得蛟人淚  
題美人撲蝶圖

爲惜韶華去  
春深出綉幃  
撲將花底蝶  
祇爲妬雙飛  
望君山

風來洞庭白  
雨歇君山青  
巴陵明月夜  
瑤瑟怨湘靈



登無諸釣龍臺懷古

高臺遠枕大江流江上雲屏宿雨收才子揮毫春作賦  
商人酹酒晚移舟空潭龍去山河改古殿雲寒劍戟愁  
莫向此中多感慨漢家陵樹已先秋

晚至鶴林寺

聞訊山人指白雲數聲烟磬隔溪聞竹房燈靜知僧梵  
松院苔深見鶴羣聽法夜闌幽寂寂懶吟衣上月紛紛  
曉鐘又逐塵緣散此地心期孰與論

山中送陳生歸海上

洞口花飛春欲闌玉缸携酒送君還三年厭見天涯月

千里歸尋海上山壯志功名看髮變浮雲世事與心閒  
要知別後相思意萬壑松濤懶閉關

登宿雲臺

一逕綠蘿到上方宿雲臺閣樹蒼蒼憑虛目送秋鴻遠  
向夕窻涵海雨涼童子見人能下拜老僧出定自焚香  
近來性癖耽禪悅常向空門禮法王

寄張員外

新年柳色滿都城仙掖朝回聽早鶯日隱層堦殘雪在  
香傳別殿曉寒輕瑤池阿母憐方朔漢室公卿羨賈生  
獨笑長卿淹病久茂陵高臥不勝情



登古囊山辟支岩和瓢所居士之作因寄黃八粲  
何處秋吟覓遠公蒼苔古道石林東月生雙樹聞虛籟  
香繞諸天見化宮萬法已超言說外此身多在別離中  
明朝更寫三生偈去約忘機海上翁

中秋與劉大會溫陵因寄舍弟

相逢斗酒粵江濱客裏襟期有故人天上幾迴今夜月  
此生空笑百年身且須縱飲清尊倒謾說憂時白髮新  
却憶鴈行同賞處故山回首一霑巾

秋日與胡泉州會小山叢竹亭分韻得飛字

秋風江上早鴻飛桂樹團團影漸稀此日尊前須盡醉

古來林下幾人歸青衫烏帽情何戀翠竹黃花酒亦  
更愛山亭車馬散照人蘿月自依依

秋日懷林源前輩

載酒行吟野寺秋青山去後與誰遊懷人獨臥雲中島  
感興頻登江上樓黃菊久拚陶令醉白頭空抱仲宣愁  
夜來明月還相照好奇心期到劔州

冬日與諸生登天香臺書寄王處士

拂曉登臨上翠臺天風吹送遠香來雲空碧海三山小  
臘盡寒梅一樹開下界人看塵劫外上方鐘斷白雲隈  
緱山忽憶吹簫侶爲寫鸞絨付鶴迴



山中招黃博士不至因再寄

秋風吹落桂花殘  
寂寞淮南賦小山  
自笑草堂魚珮冷  
空將瑤水鶴書還  
石門蘿月誰同醉  
洞口松枝祗獨攀  
明日角巾能到否  
呼兒竹下掃柴關

遊仰山寺

優鉢雲花幾樹開  
寶坊作禮面如來  
竹邊野衲參方至  
龕裏神僧入定回  
鹿女獻芝依法苑  
鴈王銜果繞華臺  
空門且得休塵累  
何待人間變劫灰

自牧縣所宿張氏南樓

鳥下平蕪夕靄收  
偶携江客宿樓頭  
荆榛養鷺鴻鴈

窓近天河挂斗牛  
幾處鐘聲雲外杳  
千家樹色暝中浮  
醉來枕藉秋衾薄  
疑借仙槎騁遠遊

送卓民逸還越中民逸以善書客翰林者三年至是  
得請告歸

送君尊酒發都亭亭  
下春深柳色青  
別思漫縈風裏絮  
浮生慣學水中萍  
客程蘭棹天邊遠  
舊業柴扉海上扃  
若向山陰逢道士  
也應爲寫換鷲經

元夕午門侍宴

臘雪霏微柳外消  
天衢香靄逐人飄  
千門火樹攢珠斗  
五夜笙歌下碧霄  
玉醴恩頒春色早  
金波影浸漏聲遙



侍臣湛露將何補願頌康哉答聖堯

早朝同周員外玄賦時有祀事

花擁千官刻漏傳蓬萊遙在五雲邊星移北斗當宸極  
樂動南薰捧帝筵遲日漸晞仙掌露輕風猶裊御爐烟  
明朝海上祠金馬紫鳳丹書下九天

元夕黃庶子淮宅詠蓮花燈和胡學士廣韻

剪製芙蓉朵朵新元宵分得玉堂春祗疑金炬來深夜  
未許青藜繼後塵星華乍移光滿座月波才動影隨人  
年年此會逢佳賞醉落筵前紫綺巾

樓殿成侍宴和趙侍郎毅之作

別殿新開上苑東旌旗遙駐五雲中花深綺席來仙佩  
香逐金貂引上公自是衣冠逢盛世非關歌舞樂春風  
何人賦有凌雲調明月天書許薦雄

送曾侍講祭扈從幸北京

羽林仙仗擁皇圻鳳輦時巡出禁闈萬國歌謠歸盛世  
兩京玉帛望天威相如扈蹕人皆羨賈誼匡時志不違  
明日甘泉還獻賦會令列從有光輝

晚集黃審理濟池上

池上涼風泛夕波筵前紅粉動高歌朝迴不惜清尊倒  
醉後從教白髮多寒色又驚秋社燕露香猶送晚風荷



歸鞍未許隨明月良會人生信幾何

送顯上人還閩中

半生蹤跡慕雲山  
精禪真僧住世間  
夜宿孤燈隣妙梵  
曉隨清磬度禪關  
心通萬法緣俱寂  
目泯空華意自閒  
此日微官牽物累  
更堪江上送師還

寄趙鳴秋山人兼似幻居閒士

石橋低覆薜蘿陰  
澗戶虛窻憶醉吟  
書寄遠公林下倡  
調高中散竹邊琴  
藥欄春去啼禽換  
茶竈秋來落葉深  
別後此情何所似  
題封一寄故人心

送龍河傑首座自五臺歸將赴天台

偶逐孤雲下五臺  
又携明月上天台  
衣傳異域曾留偈  
楓落長江見渡杯  
上界經行人世別  
天宮說法夢中迴  
明朝相憶霞城遠  
空仰金繩覺路開

太常葛寺丞惠菊花賦答

重陽陶令嗟無酒  
笑我霜餘未見花  
黃菊忽驚移奉禮  
白衣從遣到隣家  
寒生客邸秋光滿  
秀擷踈英舞影斜  
三逕縱令歸未得  
也應一粲墜烏紗

過皖城謁余忠宣公祠

寂寞孤城野水濱  
亂餘猶見幾家存  
女墻落日埋秋草  
官樹啼烏集暮雲  
百戰徒聞存國步  
孤忠誰復吊英魂



夜來遺廟空庭月長笛悲笳不忍聞

泛舟漢江示同使何禮部讓

郢樹西連鸚鵡洲洲前浩蕩漢江流當年神女曾遺佩  
此日仙郎更泛舟雨歇鷗鳧屏底見烟空島嶼鏡中浮  
平生最有滄浪意一曲傳君入棹謳

過鐵甕城

大江東去浩無窮江上孤城勢最雄天地今逢王業盛  
山河曾笑霸圖空寒潮落盡春雲白沙鳥飛來夕照紅  
欲訪遺蹤尋海岳月明跨鶴共凌風

過毘陵懷浦舍人源

無錫人

毘陵烟樹晚依依短徑行尋到夕暉吟社空餘秋草沒  
敗園時見野禽飛晉宮詞筆應誰繼聖代才名似子稀  
此日懷君何處寫臨風惟有一霜衣

登采石蛾眉亭

牛渚磯頭烟水生蛾眉亭下大江橫春歸楚樹浮空盡  
山隱淮雲入望平瓊館有才看倚馬錦袍無夢借飛鯨  
停橈欲和渝州曲都付吳歌子夜聲

宿巴陵聞笛

玉笛飄殘月下聲空江秋入思冥冥恠來楊柳移關塞  
可是梅花落洞庭半夜旅魂隨調切誰家少婦倚樓聽



曉來更覓龍吟處一點君山水面青

寄郭揮使希武

青年建節似君稀千駢轅門擁鐵衣萬里獨留孤劍在  
三苗已見遠人歸西風暫及黃花醉遠檄時將白羽揮  
却笑叅軍淹病久未諧清論寸心違

憑祥道中遇元夕有懷

曾向蓬萊捧壽觴良宵湛露沐恩光鳳笙曲奏梨園譜  
鰲背燈秋火樹芳往事別來傷旅恨流年老去在他鄉  
夷歌蠻舞誰能解馬上看山夜未央

與友人詠分得紅葉

一片飛來堦下紅蒲林驚覺夜霜空綠圭不剪封  
錦字頻題出漢宮亂撲征衣山徑裏染成秋色夕陽中  
幾回記得停車處錯把春華認晚楓

懷仙寄上清何尊師

崇臺高映大羅顛三素流雲繞碧天王母不來春又暮  
洞門閒却古苔編

閨思

冷落殘箏十指踈良人遠戍近何如樓頭數盡南飛鴈  
不見遼陽一字書

題畫美人



八駿瑤池去不迴蛾眉蕭颯鏡中哀至今楚水荒臺上  
化作行雲夢裏來

題畫白翎雀

塞花原草度交河往日曾隨鳳輦過一自翠華消息斷  
空將遺恨寄雲和

題米老山水

海岳庵前覓舊蹤蒼茫雲樹米南宮別來幾片青山影  
都付寒鷗一笛風

題趙仲穆小景

踈烟淡月大堤傍遠水孤村小  
鄉子夜吳歌驚宿鷺

風流宛似趙家莊

題鷓鴣

五陵鞍馬醉芳塵奉袖籠香錦翼馴一自雕屏辭鬪影  
露苔烟草幾迴春

爲周處士題枯木

風摧雨蝕大江濱寂寞盤龍百尺根莫笑支離空老却  
五陵烟翠幾枝存

題林禽山雀圖

人間不見函封帖墨驚傳落畫屏山鳥飛來林雨後  
蒼苔啄破子青青



題王孟端畫梧竹

洞門一夜起涼飈萬籟無聲聽漸遙記得朝迴明月底  
井梧埤竹共蕭蕭

題僧自悅山中白雲

度壑穿林元是幻風收雨散却還空要知自悅與持贈  
都在青天片月中

題畫鶯

半窳芳簾醉夢驚數聲拂曙繞花城憑誰借得東風力  
吹入簫韶雜雁聲

題畫鷓鴣

原草飄殘作雪絲日斜馬上鬪歸時五陵別後傷心事  
零落涼州笛裏吹

送僧歸山

一錫東歸雪正深孤峯片月助禪心道門亦有叅方者  
踏遍空花何處尋

贈李進士

自古鐔津驕寶劍爾家况住湛盧峯盤根此日方看試  
白日青天見躍龍

夜泊潯陽江驛

度盡名山問楚湘扁舟此夜泊潯陽琵琶聲斷知何處



江上集  
卷之三  
一四十一  
江水江烟自渺茫

雨中過洞庭

昨夜南風起洞庭曉來湖上雨溟溟忽看天際驚濤白  
失却君山一點青

重登岳陽樓望君山

南湖烟水接天流天際青螺掌上浮欲吊湘君何處是  
不堪重倚岳陽樓

常山道中即事

前山月曉樹蒼蒼野蕨初抽綠笋長一路春風如有約  
微風吹送落花香

宿鄂渚

蘄洲古白雲低度亮樓空綠樹齊惟見晚空漁艇火  
風遠過漢陽西

黃陵廟

洲烟草碧萋萋古廟雲深落日低剝盡殘碑無可問  
山惟有鷓鴣啼

潯州驛

客裏潯陽暫泊舟驛樓官樹晚烟稠多情誤作琵琶夢  
驚覺蠻天瘴雨秋

登月江樓

仙人槎浦也



朝來一上月江樓江雨長涵瘴水流望斷釣漁人已遠  
青山點點是邕州

交州病中錄似諸友時軍中絕餉以手楷于主帥索  
糧

病尋方事總虛謾勞車馬慰躑躅三年玉署蘭臺筆  
學寫顏公乞米書

九日黃司空招飲不赴書以答之

菊觴更豆有佳期客裏憐君慰所思不是參軍招不赴  
來烏帽未勝吹

二  
元  
醜  
蘇  
分  
得  
人  
字

向來同醉帝城春馬首東風落絳茵玉架錦屏消息斷  
只今誰是冶遊人

暮雲春樹送張謙

岐路逢君賦遠遊傷心雲樹粵江頭輕陰向夕花前度  
秀色將春雨外浮却訝梁園看漸杳恍疑巫峽散還收  
白衣靄靄迷征旆翠幄籠籠引去舟惜別不緣今日賦  
高情那記昔人留遙連唇氣江東暝迥帶猿聲渭北愁  
夢覺微茫沙上驛醉來掩映水邊樓宦情已共青霄未  
別思空隨綠水流若到上林成五色好分餘蔭及南州



王翰集終

盛明百家詩 林登州集

林元凱名唐臣後更名弼白號梅雪道人生于閩之  
龍溪元至正中進士有文名仕爲郡幕 國初聘起  
與修元史擢考功主事使安南能却重贖 朝廷嘉  
之尋命知豐城有善政轉判饒州旣而謫戍未幾復  
留禮部叙遷登州知府此集乃大司徒馬鍾陽公所  
遺鍾陽意重閩之文獻而予與鍾陽則舊寮也故爲  
采而刻之隆慶己巳長夏錫山俞憲識

題周伯虎採蘭詩卷

光風汎崇蘭瑤芬散中林草木被餘薰山水發清音蕭



艾一何繁霜露日已深伊誰愛芳質於焉間冲襟獨有  
君子人皦皦同貞心采之未盈羽價重雙南金逝將紉  
華佩遠鄙瓊與琛重將鼓遺操邈繼南風琴淳風未云  
喪振古猶斯今

旅感二首

洪武十年丁巳春同吳狀元伯宗再奉使安南得疾道中作于月歸次劔江疾稍愈

稿呈劉伯序

今晨秋節至涼風動庭柯美人白團扇臨風發清歌歌  
聲出雲表哀響亦何多落花不上枝逝水無回波妾顏  
亦易改君恩當奈何  
驅車休吾馬萬里涉遠道遠道多險艱行子何草草晨

征夕未息川陸漫浩浩行役豺虎區此身不自保明當  
脫塵羈優游以終老

次韻楊秉中縣尹春日病中述懷四首

謾道春來好愁多日更長看蝸知勝負聽燕識興亡風  
雨五更夢雲山千里望濁醪吾爾愛能滌九回腸  
竹牖春風外柴門曉雨餘尊無陶令酒架有鄴侯書舊  
業俱荒落閒愁莫掃除白頭依狗監慚愧馬相如  
南國江山舊東風卉木新醉來忘避地老近怕逢春曾  
是菊松主還如草莽臣無窮懷古意清淚滿衣巾  
自笑塵中逐能存亂後身春知人漸老時與物俱新每



有乘槎意長懷擊壤民牀頭書劍在吾道未全貧

題王佐山人畫

山光雜空翠雲影澹晴暉古渡舟誰繫虛齋人未歸石  
苔秋雨積野樹晚風微便欲拋塵事垂綸柳外磯

題王廷珪畫

秋色晴山迥煙光野水連空林輞川外古樹草堂前天  
地留詩卷江湖老釣船美人隔雲漢對此思悠然

用貢泰甫尚書韻贈別吳君濟掾史

東風蒲柳滿江津盃酒離亭暫別君春事又隨紅紫老  
人生每似燕鴻分榕亭雨過聞鶯語桑海天青見鶴羣

東川仙人應握手三神高處望紅雲

桃花洋

溪上桃花秦隱居桃花海上意何如放舟定有迷津客  
躍浪應無點額魚紫鱖春肥風暖處紅潮晚漲雨晴初  
詠詩無限蒼茫興十丈雲帆切太虛

題秦皇廟

往事悠悠逐海波荒祠寂寂寄巖阿三神山下仙舟遠  
萬里城邊戰骨多東魯尚存周禮樂西秦空壯漢山河  
早知一世能移祚石書功不用磨

題張將軍百勝圖



知兵昔學萬人敵開國今收百戰功列戟枝寒瓊帳雪  
團袍花暖錦旗風鳳臺玉帛華夷會麟閣丹青褒鄂同  
賴有畫圖詩卷在風流不盡大江東

送林鍊師歸武夷

三山樓觀倚雲開九曲溪山入夢來半夜丹光照林壑  
常時劔氣動風雷幔亭峰頂霞杯進石鼓灘前月棹迴  
吹徹玉簫空想憶故人今在鳳凰臺

送宋衡歸金華

名璣景濂學士之子中書舍人

江花飛雪送殘年客思隨雲度遠天朱雀橋邊車若水  
金華洞裏酒如泉明經已踵韋賢後對策應推賈誼先

無限故山松與竹平安好報玉堂仙

題陳王墓

王父母歿自陶磚以結塚

將軍山下陳王墓落日西風秋草繁斷甃千年餘手澤  
豐碑十丈滿苔痕山河不改英雄老天地難窮忠孝存  
酌罷椒漿成佇立一聲去鶴月黃昏

次韻僕都刺監郡中秋翫月

見月令人寫百憂况逢良夜半三秋星河有路通蟾闕  
雲海無波湧蜃樓老桂一枝容手折仙槎萬里謾神遊  
清光莫照干戈地憂國詩人易白頭

覺衫上人歸永嘉江心寺



江心古寺金焦如滄波湧出青芙蓉千歲鶴歸作人語  
九淵龍起聽梵書山屐時尋謝康樂丹砂試問陶隱居  
自是初心得真覺閒身去去隨樵漁

送郭誠校官

武安邑小武城如三載人賢郭校書有酒齋郎能放鶴  
得錢溪女或留魚沙場落日鴉飛急海國秋風鴈過踈  
南士祗今多獎用君行努力莫躊躇

竹隱爲富州舊同知兀顏士威題

君家萬箇碧琅玕長日開軒不厭看清意每添詩句好  
無陰未放酒盃乾誰栽紫鳳雙龍管我乞滄浪一釣竿

何似當年彭澤令歸來三徑日盤桓

爲饒城羅時用題

兩村竹樹爭朝暉萬事閒來總息機一夜小溪春雨過  
半篙新水白鷗飛草堂築就肯誰寄彭澤歸來願未違  
最憶衡門疑望處平時十里豆花肥

送豐城盧仲睿之會寧主簿

隴樹青青河水黃獨騎官馬入秦疆七千里外思親舍  
五色雲中望帝鄉沙草枯時收黑黍地蕉香處煮黃  
羊訟庭事簡邊塵息竹屋看書對日長

洪武十年再奉使安南還道經豐城留館驛父老乞



留題急筆賦此

酡顏綠髻映烏紗奉使安南去路賒  
金闕九天飛紫誥銀河八月泛仙槎  
行裝祇有梅花擔載道寧無  
以車揮翰玉堂知有待五雲深處聽  
宣麻

爲表能伯憲使題墨竹

亭亭玉節拂雲霄坐覺清風瘴霧消  
擬奏鈞天笳十二虞廷此日聽鳴韶

題方壺子墨竹

方壺仙子御風還雲外珊珊響珮環  
吹徹鳳笙山月參差玉管落人間

熊自成雙鶴圖爲豐城周伯自題

海上歸來歲月遲懶從青鳥度蓬池  
一雙清鶴莫遣雲中仙子知

熊自成紅梅

飄殘額粉見朱唇香艷猶如畫  
如人解得花前醉一枝南枝比一般春

題英希貴翁徐持世畫海山圖

黑風吹海海水立銀山高嶺歲天吳  
簸浪天爲濤蛟龍掀舞出徼入羲和  
着鞭六龍急扶桑曙色光生  
金鳥飛上百恠蟄一碧萬頃秋可挹  
海東之鷲忽翔集



片雪飄蕭雙翅戢浪花滾滾石澗澗攬身向日思遠及  
錦繡金錠不可繫憶我挂席東海東海雲湧水  
神鷲時來休雪羽玉立蒼石吹剛風吳君  
奇氣矯矯橫秋空將軍屏幃寧久容  
駕鶴奮擊層雲中四野狐兔無留蹤

題李伯時畫二馬圖

龍眠二馬人共誇連錢青馳白鼻騮雙鬣短絲  
入蹄寒玉攢輕沙我疑鄭公抗旆日天既健  
入疑拳毛獅子花蘭筋樞可皆俊  
汗血漫作千里行君不見賤江乘在

鮑荔林

送李教諭之鄱陽

三羅廟前江水流鯉魚風起蘋花秋美人錦帶珊瑚鈎  
釣竿歸去明月舟腰間寶劍三尺雪蒼龍夜鳴紫光掣  
酒酣起舞雙耳熱一曲滄浪水雲裂丈夫生世志不虛  
濟時未了當何如借君長劍清寰區共讀吾家忠孝書

陞辭時用使安南

曙色熹微漏箭催暖風開扇 舜瞳迴雲扶紫鳳臺端  
下山擁蒼龍殿角來玉筍聯班隨曉仗金莖分液賜春  
杯小臣再忝馳驅使擬和皇華愧不才



舟過彭澤

彭澤縣前楊柳新客舟暫繫大江濱  
寶花滿地來天女石筍中流護水神  
城郭千年非故物菊松三逕幾歸人  
此身何似醉鄉樂願乞先生漉酒巾

望匡廬

大姑山下曙光催五老峰頭秀色開  
萬壑松杉收雨去一天紫翠入江來  
酒狂誰結淵明杜詩好難追太白才  
便欲作巢泉石上山靈肯借白雲堆

鐵柱

仙翁騎鶴上天去一柱千年屹未傾  
鐵色不隨崩土傾

水映孤舟一笛風愁看江閣化虛空  
滕王歌舞漁樵外九淵鑄金魍魎泣  
後來誰繼禹功成

滕王閣

落日孤舟一笛風愁看江閣化虛空  
滕王歌舞漁樵外唐代文章草樹中  
山接匡廬爭秀爽水通彭蠡共朝宗  
三王芳躅無人繼詠罷新詩思不窮

徐孺宅

南嶺表表徐高士零落猶存宅半區  
足跡何勞趨北寺躬耕只合老東湖  
禮賢太守能懸榻弔古諸生擬束芻  
誰識保身明哲意當時惟有郭申屠



豐城驛呈王熙陽太史

昔年曾說張雷劍此日同來李郭舟訪古已知神物合  
論文且爲故人留雲收日脚千山暮風送江聲五月秋  
回首舊遊如夢寐延平十里故津頭

臨江

柳外樓臺入翠微水邊簫鼓蕩晴暉樟江雨漲魚新上  
閣皂雲生鶴共飛諸老尚留詩卷在此身未逐釣船歸  
篷窗吟罷還成醉蜜酒初香玉笋肥

廬陵逢端午

逐日滄波白雨飛綵旗風急畫船歸故人此日供蒲酒

聖主先時賜葛衣客裏又看佳節過吟邊未覺壯心違  
離騷讀罷成惆悵落日芳洲杜若稀

南安道原書院

道緜洙泗接濂溪一脉曾分橫浦西俎豆百年存舊典  
圖書千載破羣迷池蓮晚色紅衣淨庭草春香翠帶齊  
我亦沿流伊洛者幾回極目楚天低

韶石

一曲南薰石欲開餘音猶繞九成臺青山空灑懷人淚  
雲暗蒼梧鳳不來

次王大韻呈廣東幕僚



丹鳳樓前持詔出五羊城下放舟來雨苔已蝕銷兵柱  
春草都荒望漢臺杖採仙蒲青玉節酒分香桂碧螺杯  
不妨日對南風醉綠水紅蕖翠幕開

嘉魚亭

危亭敞華構飛閣鬱層城羣峰多古色雙溪有餘清  
憑高恣遐眺竹樹如將迎蒼梧一何遠縹緲孤雲橫  
願言往從之塵土在襟纓嘉魚躍潛鱗幽鳥鳴新聲  
茲土雖信美我行亦有程詩招何水曹酒乞阮步兵  
朗吟叫仙翁拂劍同南涇回首望遠島萬里弱流平

答觀子毅省郎

行紫詔百蠻來一笑炎雲萬里開桂嶺已通新道路  
梧江猶有舊亭臺劇談風起魚龍窟麗日春生錦綉堆  
老我懶看腰下劍對君且覆掌中杯

伏波廟

南征昔日此登臨遺廟空山尚至今萬里風雲常慘澹  
千章松桂自蕭森麒麟安用丹青像蕙苾難誣清白心  
愁聽烏蠻江上笛夕陽一曲武夷深

壽佛院用王大使韻

橫槎江與絳河通偶共吟仙謁大雄花燭滿庭禪榻靜  
雲山當戶瘴塵空百筒清引香厨水兩腋涼生茗椀風



試問叅寥老開士衲裙肯贈雪堂翁

復用河字

南來萬里越關河節物淒涼客裏過清賞每愁沾酒少  
好懷未厭賦詩多丹江月棹秋無際銀漢星橋夜不波  
欲問支機舊時石天孫應笑髻先皤

厥里隘

踈雨度密樹秋暑未能清入林足雲氣隔竹多水聲十  
步一涉澗苔石紛縱橫僕夫失脚屢况乃流潦盈陰木  
總自斃恠禽時一鳴獨客在遠道落日豺虎驚前村喜  
近驛曖曖煙火明解鞍不暇食佇立嗟吾生

獠處隘

山行已厭倦况復多阨塞日南僻遠地寔籍此爲國暑  
雨溪谷盈深樹崖崦窄斷虹收晚照百里帶暝色獠人  
瞻使輅方舟齊衆力爲言前朝初此地交兵革至今空  
山中鬼哭陰雨夕所願職貢脩吾儂甘服役

至安南次王編脩韻

安南遠在極南荒炎海無垠野望長馬援臺前秋草碧  
高駢城下暮煙黃百年圖籍歸中國三郡山河保故疆  
萬里天威如咫尺西風回首白雲鄉

答牛士良典簿



海國秋風客鬢華  
遠來共駕指南車  
越裳方物供周室  
趙尉提封入漢家  
裘馬清狂成舊夢  
斗牛空濶接仙槎  
扁舟準擬同歸去  
明月洲前蘆荻花

贈通事官阮勲

落魄安南老象胥  
曾隨京使覲皇居  
青衫小職羣公後  
白髮高堂九袞餘  
甘旨每愁官俸薄  
奔趨漸覺世情疎  
興賢有詔來南服  
燈火新涼課子書

題黎省之唐馬

嗅地低回欲滾塵  
玄雲散彩五花新  
蹴冰不識交河道  
芻豆相從愧圉人

題安南陳內相雜畫二首

白石青蒲春水生  
夕陽錦羽照沙明  
戲拈畫筆知何處  
柳外池塘艇子輕

右鴛鴦

隴頭春樹拂雲紅  
學語聲嬌弄晚風  
上國祗今辭遠貢  
莫愁彩羽閉雕籠

右鸚鵡

題阮通事畫二首

憑誰爲我問東風  
鬢雪吹消莫惱公  
忽見畫圖成一笑  
白頭翁對白頭翁

右白頭翁鳥

林間百舌謾多言  
此鳥嬌音不浪傳  
喚起一聲窻外白  
東風庭院落花天

右喚起



珥江驛口占八首

士女填街撥不開共看天使日邊來白羅衫稱烏紗  
帽坐聽齊聲說冷腮冷腮方言甚美也

清江十里畫船過落日涼風水不波花袴水軍齊舉棹  
歌聲唱作馬前呵

小卒橫挑丈二爰褒衣長帽似臞儒當街一喝人爭避  
如此威凜更有無

蠻官短髮皂衣踈江驛時來學步移歸去休騎割鬃馬  
底鴉穩臥勝籃輿底鴉細結有輿也

八月傘圓山下路顛風捲地雨冥冥勸君莫汲珥江水

鬪殺魚龍氣正腥俗傳古有熊王女子江山二神爭娶為山神所先至今猶鬪云

幾家州上女如雲日日機中織縷勤忽見江頭秋月色  
唱歌聲到夜深聞南中人謂綃為縷

齒牙如漆足如霜黃縷衣裙紫袴襠見客不羞嬌作笑  
誰家昆艾賣檳榔昆艾女子也

鸚鵡窻前返照明檳榔樹下晚涼生女郎浴罷清江去  
不斷秋砧搗素聲

發安南呈牛典簿王編脩

日南留滯隔年期猶喜仙槎到未遲小閣西風烏帽在  
清江落日綵舟移蒹葭倚玉慚三益薏苡明珠有四知



宣室應煩前席問願因民俗一陳詩

龍州溪亭小集有作

旅懷感留滯朋情憎鬱陶及茲晤語際少慰道路勞危  
亭入窈窕秋色何蕭騷野菊被山逕幽蘭蒲江臯俯視  
霜露繁仰觀天宇高  
清歌發華席凝眸送輕舸山川悲  
九辯塵土嘆二毛何以不飲酒徒用心怱怱流光亦易  
失行樂隨所遭君看龍江水東流日滔滔

又得含字

季秋氣始肅風日猶清酣林亭愜幽賞復此停征驂涼  
柯商素發夕景嵐翠含興適恣沉飲喧遠諧劇談安得

凌風翼退舉南天南

牛君士良使還口南晝行江左之湓偶於清灘得一  
小石頂跡五寸許其色深綠娟秀潤麗宛若峰巒之  
聳立熙陽王君見而愛之牛君不靳因以贈焉王君  
賦詩以謝君復答之併次其韻用助二君清話二首  
錦石青紅似畫中每因幽玩一開篷三生依舊精魂在  
二妙于今嗜好同玉杖未栽秋帶雨書船暫駐夜騰虹  
向來良嶽成田久莫採瑰竒入汴宮

江干竒石潤如玉卓立天然一碧峰幽竇直疑清澗落  
秀巒先見翠雲重女媧自煉功猶淺米老相看興頗濃



再拜不妨呼小丈日長几案得從容

答安南使黎元普

十月南寧江水清官船渾似釣船輕蒲篷霜露天如洗  
一笛關山月正明脩貢遠來勞使節觀光歸去擅詩  
名宮袍驛馬華林路未羨當年畫錦榮

又答莫季龍

羨子乘槎南海上遠從牛女問天津殊方入貢梯航舊  
上國歸來冠蓋新維粵文風興此日鷄林詩價重行人  
懸知江路頻維楫處處踈梅破小春

廣南諸生邀登海珠寺

穗石洞口雲飛初海珠寺前潮落餘一尊別酒集冠蓋  
千里使節隨琴書倚江城郭鶴仙語中流樓觀龍伯居  
明朝椎鼓發船去肯寄滄波雙鯉魚

訪何林寺仁上人

蕩節指遐邁薄駐蒼海潯祗園秀嘉樹廣庭澄夕陰空  
旨悟神理冥搜豁冲襟澹焉無與適希音發鳴琴

鄭節婦

仙舟不返淚河枯誓死持家繼阿夫牀下問姑晨饌具  
機傍課子夜燈孤門依慈竹金書揭庭列榮蘭綵服趨  
太史行編貞節傳清風千載滿三衢



廣州江亭次熙陽太史韻

不斫蟠桃駕大杠，謾移蘭櫂泛滄江。山光入野連桑海，水影浮雲上竹窻。幻枕何人尋舊夢，洞簫有客換新腔。蒼茫詠罷成長嘯，天外飛來白鳥雙。

聽雨軒圖爲王彥舉題

山窓酒醒夢魂清，竹外松邊點點鳴。蒲礪寺前千尺瀑，都隨黃葉作秋聲。

清江小隱圖爲趙希貞題

愛汝清江小隱居，波光雲影滿庭除。風帘野店客呼酒，雨櫂輕舟人打魚。無數青山秋樹外，一行白鴈暮霞初。

看圖便擬投簪去，借取閒窓讀舊書。

畫紅梅爲吳允思題

冰姿雪色自無塵，杏艷桃嬌偶借春。一段繁華幽寂意，題詩試問隴頭人。

重登飛來寺得來字

招提翳蒼峽，棟宇何雄哉。飛樓壓雲起，危亭俯江開。樹古閱變化，逕側綠崔嵬。晴峰儼如人，爲我度水來。清心入幽迥，曠視遺紛埃。飄蕭風外竹，的皜霜際梅。孤嘯發靈籟，微吟盡深盃。豈無出塵想，奈此征鞅催。仰觀崖石字，其人骨已灰。悠悠山水暉，行行重徘徊。



韶州謁虞帝廟

快雪過青澗初霞隱丹岡登臺望韶石乃在江之陽薄  
言薦蘋藻再拜瞻宮墻當宇儼遺像巍巍垂衮裳二女  
肅觀內四臣森侍傍緬邈懷明德伊昔勤省方薰弦播  
淳音遐服被餘光儀鳳已高逝神虬尚深藏濯纓虞  
清振衣越山蒼千載過化地詠歸矢無忘

曲江逢至日

去歲茲辰鍾阜北今年此日曲江東驚心節序如飛箭  
回首生涯尚轉蓬韶石雪消知地暖越臺雲淨兆年豐  
故人遙邁未歸去孤負梅花酒一甬

用韻贈濮彥章

曾題詩句碧琅玕留與仙翁伴歲寒君有蓬萊三禮賦  
我無龍虎九還丹可憐韶石山前景渾似錢塘江上看  
驛路梅花應笑客酒腸暫爲主人寬

次滕仲弘叅政見贈韻

猶子湖前秋水多滕王閣下夜聞歌十行 手詔天南  
去萬里仙槎海上過桂嶺畏途連楚越薇垣佳句似陰  
何歸朝有日陪冠蓋兩袖香風響珮珂

菊圃

風搖落送秋光野菊猶存老圃香瘦蕊清分蘭畹露



寒枝低護檜籬霜忘憂且泛杯中物益壽應傳肘後方  
三逕歸來定何日芳隣準擬卜柴桑

彭澤重登潮音閣追和陶參政韻

神姑近可即天女邈難攀飛閣虛空裏踈鐘杳靄間潮  
迎歸海水雲度隔淮山擬學禪棲樂何時遂乞閒

林登州集終




盛明百家詩 高漫士集

國初有三山高廷禮棟嘗選輯唐詩品彙傳于世至  
所自著作則世罕見焉予刻明詩傳訪而後得之哀  
取一百餘篇廷禮問學該博詩畫兼工嘗膺聘爲翰  
林典籍世稱吳航高氏舊刻詩十卷名漫士嘯臺集  
今仍其舊徧觀集中意興俱佳而歌行尤勝隆慶戊  
辰首夏錫山俞憲汝成甫識

擬孟襄陽浩然宿業師山房待丁公不至

夕止雲際宿山光忽西沉松間待清夜孤月愁人心落  
葉響空谷驚鳥繞前林佳期曠何許相思勞夢吟





擬王右丞維觀別者

張雷城西門蒼茫楚天暮  
楊柳復青青離人在岐路  
置酒長道間依依戀親故  
二老居高堂遊方出庭戶  
男兒命未達去去生自慮  
三月江淮深春衣恐難及  
含情向童僕冠屨如鷲  
不見眼中人長天隱  
孤樹故園魂未歸  
因之淚成雨

擬岑參關多回諸公寄思寺浮圖

香界出塵表孤標屹  
巖上凌虛宮是羽翼成  
剎梯接元氣磴道盤  
壁中作窟隱川岳乃  
覺形神輕俯視寒  
溜白平臨終南青  
巖中夏閣雲端明  
窮壁諸

切盡颯然涼颼生千峰掛飛雨  
秦塞何凄清鴻雁來嗷嗷  
五陵鬱亭亭早割區中緣  
未懷叅道情今日高興盡  
期君謝浮名

擬韋蘇州應物西郊燕集

原野殺雨霽熙陽麗芳辰  
良遊出西郭集我平生親  
野酌藉芳草飛花落衣巾  
時聞幽鳥哢復眺翠山新  
瞻此不盡歡行當念徂春  
同心忽睽離願言保其真

擬李少府頌古行路難

年少好文耻學武開口縱橫論  
今古曹王繡虎不足誇  
鄒子雕龍肯相數手持白壁登  
王畿自謂青雲便可期



豈意漢家猶贖武備生不及幽并兒五噫悲歌出宛洛  
歸來南山無負郭生事蹉跎朝槿榮世情冷澹秋雲薄  
東城倚杖牧雞豚下晚腰鎌刈葵藿昔日心輕遊俠非  
今朝知學詩書錯悲來對酒不成歡擊節高歌行路難  
悔不紅顏事弓馬空令白首歎儒冠

擬岑嘉州參函谷關歌送劉評事使關西

函關月出照秦山秦時明月漢時關秦漢蒼茫幾千載  
唯有關山明月在此地曾經幾戰爭太平設險尚嚴兵  
君不見至今古道人行處草木猶纏戰血腥故人去作  
關西客驛樓官樹連秋色華岳雲來漢時青首陽日出  
秦陵白正是關門一葉飛送君此去幾時歸

有知己關西詞客未曾稀  
擬崔司勳題長安道

三月秦川春已老風光更在長安道秦地行人不到家  
春來共說長安好長安道上盛繁華秦人霸業漢人家  
秦漢名都舊朝市甲第高門稱貴里三輔紅塵車騎來  
五陵白日歌鐘起朝朝陌上少年人搖風蕩日曲江濱  
直謂歡遊無盡日不知醉度幾回春今年春去明年返  
昨日遊人今日換寶灌門前賓客稀武安座上公卿滿  
畫閣朱樓易舊名歌童舞女換新聲莫言新聲長不絕



富貴榮華有時歇君不見陌頭楊柳色青青東風一度  
花如雪

擬蘇許公頌侍宴安樂公主新宅應制

飛構雲邊帝子家宸游天上駐香車玉杯春醉平陽館  
銀漢秋行博望槎萬朶仙花迎日吐千條弱柳向風斜  
皇情愛物歡無極能使羣心戀翠華

擬張燕公說奉和春日幸望春宮應制

六龍齊軫乘春豫百雉離宮向日披渭北天光臨帳殿  
終南山翠拂旌旗風飄衣袖花皆舞雲度笙歌鳥共遲  
萬國懽心逢道泰稱觴何必醉瑤池

擬王右丞維勅借岐王避暑九成宮應教

皇家別殿出烟蘿勅賜賢王載酒過天上芳尊水雪冷  
雲間啼鳥管絃多山門瑞日迎仙仗御路回風散玉珂  
還似梁園風雪後鄒枚辭賦沐恩波

擬岑補闕參奉和早朝大明宮之作

明光漏盡曉寒催長樂踈鐘度鳳臺月隱禁城雙闕迥  
雲迎仙仗九重開旌旗半掩天河落闔闔半分曙色來  
朝罷珮聲花外轉回看佳氣滿蓬萊

擬崔司勳顥登黃鶴樓

武昌樓下白雲飛黃鶴何年去不歸千古登臨悲故國



空餘陳迹弔斜暉清川雨散巴山出大澤天寒楚樹微  
又客他鄉搖落暮秦關回首淚沾衣

擬李翰林白登金陵鳳凰臺

龍虎金陵六代州古臺蕪沒枕荒丘江波萬古東流去  
鳳鳥何年此地遊淮海霜飛天漢白吳門木落帝城秋  
舉頭不見長安日愁對斜陽白鷺洲

擬高常侍適送王李二少府貶衡巫

曉鐘寥亮雁聲哀候館鳴雞曙色催兩地送君雙別淚  
西風駐馬共銜杯巴山落月啼猿斷楚水孤帆片雨來  
莫怨異鄉成久隔漢庭還憶賈生才

擬李少府頌送魏萬之京

朔風白雁向南飛羨子西游駟牡駢別路雲邊逢落葉  
故人日下待行衣霜飛御苑寒花滿雨過關門曉樹稀  
到日五陵殘臘盡春城楊柳又依依

艾齋詩爲祠部郎潘善應作

智愚不可移中材足有爲七情恐易鑿百行當自治夫  
子秉懿德礪志常孳孳畊學如老農編蓬異東菑心荒  
始鋤柞性莠載耘耔矩步拔茹塞法言去蕪辭靡音勿  
耳傾流采防目馳萬累絕彙括了然神府夷閑來佔畢  
吟先經不吾欺湯之銘日新顏也克已私勗哉尚友心



永言謝磷緇

玩玉軒詩爲延平郡生王苟作

良玉有美德君子佩鏘鳴聲聞且有格况乃翫其形高  
窓臨旦開飛旭射瑤瓊時見崑山雲散爲九峯晴拂拭  
愛瑾瑜摩挲分琇瑩趙璧何所重楚璞曷而輕苟非洞  
至微觀空徒累情萬象紛吾前以茲爲心銘銘軒有深  
訓其將玉爾成

歲寒亭詩爲梁器之廣文作

衆色競陽艷孤貞凌歲寒所以松栢操不同桃李顏君  
子秉恒性端居安世患徂冬啓幽亭佔畢吟寒山霜露

日已厲卉木日已殘我松旅前庭竄立天地間未凋寒  
落姿豈辭凌厲艱氣色何蒼蒼凜然不可干予亦猶之  
徒和光良獨難編蓬種梅竹冰雪坐相看雙持堅白心  
奉君比交歡交歡志四海千里神往還何必登君亭然  
後披琅玕未期後時凋投分擬金蘭

陳氏怡怡堂其人異母兄弟四人

孝友道日喪棣華徒空言澆風激連枝誰復護其根陳  
子敦式好弦歌詠魯論晨興上高堂怡怡羣弟昂祥飈  
薄蘭宇晴旭麗桃園叔氏旣吹箎伯也亦奏篳藹然和  
樂地一室含春溫維昔大聖賢因心義自存舜損啓先



居去去不能言

鄧先生純素齋

緘紕匪自飾斑斕爲親娛孤哀旣與感五采將何如所以標純素端衣燕衡廬綸氎裁我巾絲麻製吾襦煌煌非目眩皎皎唯心愉及此掛章縫終期紆紫朱思純貞泉壤晝綉榮鄉閭勗爾清白操無爲純綺渝

題叅政任勉四美堂任華亭人以忍讓守勤四考爲

四美堂

五美可從政聖哲垂空文悠哉希聖者四美亦足云仁忍而禮讓固守仍復勤以茲牧雄藩政閒無糾紛退食

對紫薇遙遙九峯雲銘心坐安宅佔畢稽前門  
義門去去孤竹君瓢飲不改樂耽經寧舍芸高山子  
止千載挹餘芬

東觀道士蔣節菴還鄉省覲未幾復歸芝城詩以贈之

仙人丁令威鶴飛去千載一返遼東城方知浮世改蔣師亦名流早歲住丹丘口誦萬畢術身披五雲裘折榮去十洲采秀入三島逢人問九還學成不知老達生耻常倫大道不遺親歸來拜嘉慶九十高堂春故山有三逕松桂含清芬心與物無我行將時不群復思瓊林卧



謨祥包遵後昆勗君崇古訓勒名在前軒

太古巢詩并畫

結宇寄霄漢騰身栖鴻濛窓明太始雪榻引羲皇風有  
時歌南薰泠泠韻枯桐守道甘抱樸讀書不求工安知  
千載下視今猶昔同我志在尚友因之寫雲松

陳滄洲以拙脩自號書來命余賦因以奉贈

末道笑洪荒巧言俾處休所以羣彙征機生紛相謀番  
番滄洲老拙生亦自脩萬物曷累志一瓢便忘憂有時  
歌滄浪洗心對羣鷗譽至吾不知毀來吾不詘渾沌志  
願畢他人徒爲羞幽幽南山木離竒老千秋

春日山陰公再遊羅峰雙澗庵分得水心六

翹跡謝縉磷溥遊愛山水茲山諧宿好前賞未云已  
策憇烟霞駢筵宴琴几昏晨氣候變花雨空濛裏初地  
控雙流頽波赴千里遠公倦滯留玄度忘坐起樂天全  
其真忘物適諸已未矣辭塵勞息心從此始

龔西齋先生輓辭溫陵人年八十卒

達人不翫世死者生之根所以歌桑扈彭聃未爲尊溫  
陵有遺叟樂志在青門與時旣悠悠於道若昏昏好爵  
吾不矜綠蘿笑華軒時來歌白雲乃與靜者論我欲見  
其人邈然不復存高風振溟海白日歸清源咄哉蒿里



居去去不能言

鄧先生純素齋

緞紺匪自飾斑斕爲親娛孤哀旣興感五采將何如所以標純素端衣燕衡廬綸氎裁我巾絲麻製吾襦煌煌非目眩皎皎唯心愉及此掛章縫終期紆紫朱恩光貴泉壤畫綉榮鄉閭勗爾清白操無爲純綺渝

題叅政任勉四美堂任華亭人以忍讓守勤四考爲四美堂

五美可從政聖哲垂空文悠哉希聖者四美亦足云仁忍而禮讓固守仍復勤以茲牧雄藩政閒無糾紛退食

對紫薇遙遙九峯雲銘心坐安宅佔畢稽前聞義門去去孤竹君瓢飲不改樂耽經寧舍芸高山子止千載挹餘芬

東觀道士蔣節菴還鄉省覲未幾復歸芝城詩以贈之

仙人丁令威鶴飛去千載一返遼東城方知浮世改蔣師亦名流早歲住丹丘口誦萬畢術身披五雲裘折榮去十洲采秀入三島逢人問九還學成不知老達生耻常倫大道不遺親歸來拜嘉慶九十高堂春故山有三逕松桂含清芬心與物無我行將時不群復思瓊林卧



揮手秋風別，綉度鐔津雲。舟行建溪月，而我食霞思。飄  
飄安所之，金天接盧敖。碧海尋安期，逢君又西歸。結佩  
恨不早，安得凌風翰。相從拾瑤草。

三山竒觀圖贈王隱士

海岳負竒觀，三山雲浪中。滌光紛五采，氣色何蒼蒼。維  
堞冠層阿，樓臺飛遠空。仙人六七輩，鸞鶴長相從。中有  
王子喬，餐霞臥雲松。時登巨鰲頂，矯首凌烟虹。北顧眇  
吳楚，東窺挹方蓬。關河餘霸業，懷哉漢英雄。憑高一長  
嘯，萬里來清風。我欲從之遊，邈然不可逢。含毫拂霜素，  
因寄南飛鴻。

題雪中燕別圖送黃七之教沙陽

置酒延短景，雙溪燕孤亭。離心逐飛雪，西掛七峰明。卷  
幔雲月曉，揮杯雨花晴。千巘積素色，四座照人清。崖滑  
瀑闌干，灘高水崢嶸。玄冥閉天地，百鳥不敢鳴。孰是傷  
遠道，悵然念王程。朔風忽飄蕩，嘶馬使人驚。我有袖中  
毫，興酣拂瑤瓊。郢歌起離棹，慷慨送子行。應見魯諸生，  
青青雪中迎。

江氏館與羣公燕集分得明字

山海非百里，別君歲已盈。秋風笑相逢，携手看六平。縣  
郭白日暮，城頭微雨晴。長河瀉初夜，璧月東峯明。况以



江氏館居幽無市聲賢豪爭來集談論紛縱橫共結雲  
外賞都忘客中情玉壺酒如泉安可不盡傾百年能幾  
何離憂使人驚沉醉勿復道隣雞下殘更

鄭子舟辭老歸田持卷來索詩卷內多館閣名公贈  
言

吾愛白衣宦清風播任城雲仍復鑑止將老即辭榮惟  
昔羞自媒五十猶躬耕 聖皇採耆德捧檄拜親行  
白髮殉寸祿願爲甘旨榮蓼莪忽鍾念簪紱徒牽縈乘  
運皆英賢夔龍滿天廷臣才實謏薄敢倚鴛鴦并葵藿  
豈無心後時花葉零飛章犯 龍顏乞身奉先塋天

人感至意 詔許辭承明三月別都門祖觴白下亭  
膠集冠珮攜藻贈瑤瓊白日照錦衣晝遊返柴荆牽裳  
稚子笑舉案山妻迎東帶掛簷枝安車懸戶庭種桃葉  
始長插柳條已青桑梓遂初志瑕丘樂頽齡香山期九  
老洛社結耆英達節晚更高佳名振先聲鄙哉後行者  
掩耳聞鐘鳴

龍門宴集

四海皆弟兄百年少知己平生一杯酒肝膽向誰是片  
月掛龍門微霜肅天地雲邊見飛雁結侶參差至皤然  
滄海叟白髮照清水潘子接後期吳生躡芳躑我家諸



阮流塵心一時洗珊瑚間玉樹詞翰振文綺山水娛清  
暉壺觴延短晷折梅野堂前剪燭西窓裏玉軫發妙彈  
郢歌過雲起逸歡不知老取醉情未已願托忘年交永  
言金石比窮冬易別離簪盍應能幾所以范巨卿結言  
在千里

題雪景山水

大雪天地閉朔雲晝漫漫八荒同一色何以辯巖巒萬  
樹玉爲林千花粉作團溪聲凍寂歷崖瀑光闌干鳥道  
絕飛影鱗宮皆蠖蟠我疑冰山移置向高堂看六月開  
長筵使人毛骨寒牀頭太行坂簾下藍田關孰謂庭戶

翻驚行路難孤舟亦何爲終年迷往還乃知  
寄毫端不見朱門子錦屏醉春歡千金戒  
意波瀾請君聽我歌捲圖三慨嘆

題醉仙圖

世汲養靈性真仙遺世情山中有美酒相對日沉冥此  
老任佗輩彼翁安期名不知誰賓主但見壺自傾翅  
脚玄闔槽丘是蓬瀛樽開小洞天杯吸大海鯨曲肱枕  
白石瞪目視丹經孰是華嵩高了無鸞鶴聲天風吹長  
松千日撼不醒道外旣忘我酒中焉累形余非獨醒人  
早年學長生醉鄉可不死期爾釀滄溟



送王原吉歸松陵

遊子西上勞吳江正東注離心逐片雲掛在松陵樹松  
陵憶別家飛霜拂行車飄然林下興來辭河陽花風流  
阮仲容挺特名門胄雲垂孤鳳儀雪立長松秀妙年堪  
結交立談知我曹春風忽相過美若飲醇醪盍情未  
已驪駒歌在路歸鴻嘶一聲結侶雙飛去爾去著綵衣  
草心答春輝吾知王湛易遲子共談微

題海城春意圖贈余巡轄

春帶孤戍城頭春水平東風吹紅濤歷亂千花明粲  
公子妙年請長纓銜恩守巡轄却愛松山青時泰

春天平尚嚴兵鳥夷窺要荒瘴海俱澄清匡坐  
高聳蓬瀛天雞應寒柝旭日生危旌望遠勝心  
自無非供宦情何必要音勳思勒燕山銘

題滄洲圖贈李克恭

我愛滄洲趣每懷滄洲遊興酣不自惜落筆掃丹丘海  
岳鏡中峙雲峰天際浮飛丹點殘霞澄碧分遠流蘿徑  
入縈翠松門掩深幽仙隱了可即風期未定別來卧  
塵土十見天地秋百里限南北幾回夢芳洲孤吟重見  
畫贈爾請仙傳

題雲泉祇樹圖贈鼓山主僧藍田上人



粉墨掃翠微丹青狀金界  
窮靈源深但見白雲在  
青謁含萬象清澄映諸天  
樓臺掛霄漢中有不死禪  
手探明月珠騰身涉溟海  
了知清淺流坐見滄桑改  
余欲方衣從師說息機雲  
泉既不遠此地可歸依

寫閩江別意圖并題贈丘孟正服闋之京

閩地春草滿閩江春水深  
綠波與碧色翻作送行吟  
念子涉遠道悵然惜離襟  
常以風木思依之葵藿心  
輕舟駕紅濤浩蕩青雲高  
長風掃巨浪千里不知勞  
笑我徒逾讓君取錦袍臨  
岐空嘯吒拂拭贈霜毫

次亞尹哦松圖

吾愛崔藍田清風佐百里  
長吟對雙樹笑人樹桃李  
所以昌黎翁雄文獨誇美  
張侯繼大名千齡挹餘馨  
吳航播嘉惠草木皆敷榮  
眷此哦松圖邀予染丹青  
含毫起揮霍倏見蛟龍形  
香色映幕曹清音連訟庭  
永霜厲節操金石同堅貞  
挺特松下人緋衣銅墨新  
高情破崖岸瀟洒出風塵  
拄頰對南山爽氣來怡神  
悠然發佳咏逸興凌蒼旻  
空籟助吟哦風泉相斷續  
野鶴叫閑雲寒蟬響深竹  
武城答絃歌單父和琴曲  
問此竟何爲希賢變流俗  
而我烟霞心平生懷賞音  
知君重毫素不惜披頰襟  
飲我三百盃醉來思何深  
載歌巴人唱一贊陽春吟



王子才九峰雲寓圖

靈岳鍾秀氣天開九芙蓉四賢吐其英光彩猶未窮所  
以方外遊徃徃多僑蹤王子東海彥何年此編蓬豹隱  
玉洞雲鶴巢清溪松丹霞資衛神紫霧藉養蒙七日不  
飲食五色何丰茸氤氲時出谷縹緲共凌空飄然隨所  
寓風合而龍從却憶冥栖處雲深若箇峰

答馮一道別

秋氣集水竹惠連庭館深一尊清溪月寫盡平生心中  
夜忽惆悵未明惜離襟長風吹孤雁西捲浮雲陰夫子  
亦歸去東湖向家林激波爭如練能發謝公吟知我太

古意招邀拂瑤琴臨岐叩商聲贈以雙南金持此臥雲  
島無爲嗟陸沉鍾生既不朽吾其投賞音

鄭二宣董七珙爲別頗久暮秋之夜聯佩在顧山齋  
分韻志別得稀字

孤雲與獨鶴千里悵悠悠時因長風吹雙落碧海頭鄭  
侯念長違董子經時別幾望西南天孤吟嘯臺月昨日  
放扁舟輟棹三江流中夜造我語片言解離憂逸興橫  
素襟吐辭若流水揮杯對黃花兀然不知醉歡樂情未  
極復此成分飛矯首秋風外徒驚蕙草稀

題商山四皓



高澗一有  
癡氏暴黔首四賢離垢氛炎劉奮龍德了然耳不聞靜  
坐閱萬象前星沉紫雲周才不世見老死徒空文歛起  
趨明廷乃驚隆準君片言成羽翼轉盼收奇勲君子有  
卷舒果哉安足云萬古六合間芝歌揚清芬商顏空仰  
止吾亦糜鹿羣

題青山白雲圖贈景萬兄

粉墨含氤氳丹青狀空翠未窮蒼蒼色但見飄飄氣九  
疑半明滅五老乍有無光涵萬木潤影落千巖孤夜夢  
乎謫仙結巢空濛裏飄飄駕虹霓飛度三湘水心魂忽  
驚悸掌握生烟霞長吟向康樂持贈比瑤華

馬江贈別陳氏舅

馬水天際碧離人江上琴空波與別意看取更誰深吾  
舅方妙年英氣動詞林手持荆山璧上國求知音時秦  
多美彥八荒集華簪書記何翩翩六子推陳琳愧我非  
賢甥何以贈同心依依渭陽思揮手江雲陰

竹枝扇面

鏡裏見孤節宛然青琅玕祗疑威鳳舞毛羽生秋寒我  
欲釣連鰲愧無百尺竿一枝倘分贈持以泛三韓

贈吹簫林生田時飲于雙澗

嶰谷製古竹林生調新聲風吹碧雲去鸞鶴皆飛鳴變



徵忽飄洒悽然萬古情秦臺一片月此夕爲誰明

題華峰望日圖

飛步青蓮花聳身凌紫霞天雞弄海色西掛三峰斜  
燕漱太陽精逍遙金母家長安日下影回首望京華

題鄭克剛道人枯木竹石圖

谷口八十翁金壺墨如霧蒼然珊瑚枝錯落千萬樹  
葉飛林下風苔濕雲根露獨愛君子心青青自遲暮

畫雲林書隱圖題贈梅江許宗顯

愛爾江海居清風繼箕穎起予丘中賞逸興探靈境  
分墨含天光丹青狀雲影窓開象湖陰簾捲龍峰頂

紅誦閒波空棹歌冷滄浪可洗心白鷗待孤艇

陳一初西爽軒

紫翠二峰峻飛流雲外聲西巘昨夜雨颯爽來前庭  
卷幔初日白掀髯遙山青微霜墮巾舄霽色浮窓櫺  
呼吸一元氣了然羣慮澄清明七尺躬回薄萬古情  
攬之不一盈分舒之彌八紘歛起朝玉皇天書賜餘  
齡尋真畢歸興林壑含芬榮

題建寧劉太守隨車雪卷

南雪不到地芝峰寒更青因君駐五馬萬壑皆瑩瓊  
况以仙郎貴剖符來專城恭承千里寄懷此一片誠  
下惠



及黔黎上騰徹蒼冥飄飄六出花歷亂隨雙旌溪月寧  
避曉林梅不飛馨天人洽至和物象臻瑞靈風反江陵  
火雨隨御史駟使君來何遲蜚譽振千齡童子走騎竹  
英僚哀頌聲一錢隆舊德行見被恩榮

同林一和龍門山中玩月效常建之作奉寄周處士  
玄林秀才敏

青山宴茅宇落日生遠陰蕭蕭霜氣寒暝色歸空林初  
月未出嶺斜暉半西岑幽幽喧始寂杳杳復吟稍覺  
升飛鏡清澗雲影沉忽爾長天空遂使寒潭深萬籟度  
松栝餘聲響孤琴常以別鶴意期君千里心明晨拊越

調因寄瑤華音

送汪孝子賓往雲南扶親喪

三月楊花乾悲風吹大連一身犯星露萬里滇南天渺  
渺輕舟雨離離寒騎烟夜行豺虎伏曉涉蛟龍跼遇勝  
不見齒淚下雙紅泉皓然天地心上與白日懸一靈詎  
深昧其以首丘還

春暮過高五鈞書齋分韻得日字

滄洲與川靜隱處雲蘿密深路入連村書聲出靈室野  
人步自閒稚子歌而逸始憇便澗慮了然機妄畢登樓  
原野晝龜峰見白日恬目詣遠尋晚心趣非一遲回夕



翠間殘陽相送出

楊氏集芳堂

隱處山口綠春深秦人家  
幽林閉氤氳坐向雲中花  
衆色明藥叢初風變萌芽  
了然清芬氣霽日背紫霞  
嘗以握蘭蕙唯留楚客嗟  
舉舟衡杜渚期子弄瑤華

題千里掀篷圖

日沒川路濶松陰澄晚流  
掀篷卧天色超忽江潭秋  
渚月鏡中淨孤輝漾輕舟  
心將空際雲身與波上鷗  
了視無外物曠然神遠遊  
予亦滄浪情從君問方洲

水竹居

清溪入雲木隱處林塘深  
微月到流水泠泠竹間琴  
虛聲起遙聽天影激遠心  
余亦鸞鶴羣將期此投簪

山泉賞

羣嶂橫秀氣飛流落雲中  
陰厓瀉古雪月壑垂長虹  
洄注石鏡淨秋臨遙天空  
孤賞憶謝眺青山度松風

林伯明阜林高隱

小隱溪壑古松風引涼陰  
片雲對虛牖曉日明疎林  
百里見海色孤光霽人心  
悠悠塵外意寄韻丘中琴

題唐子華捕魚圖

楚江有遺叟夢澤多潛魚  
魚梁多水深擊汰晨登鱸  
汲



岸飯霜稻採洲蕪寒蘆晚嶼卷綸鈞南望洞庭湖日落  
大川靜餘暉涵空虛白鷗知我閒沿洄戀菰蒲漂揚隨  
風潮不復憂羅虞鈞國本無意滄浪心澹如

題方壺臨巨然山

一峯靜天晚一水明澗秋晚心對遙翠秋興生遠遊暉  
映白日暮陰森青林幽伊予覲靈境翫世如蜉蝣良以  
寄孤賞蕪之清四愁先霜雲路入繼棹鏡中浮麋鹿爲  
我御虹蜺爲我舟恍然丹青外浩蕩與神遊

秋晚與鄭浮丘遊藍田雙澗菴分得初字

弱冠敦素行行成不爲儒良由契玄嘿又以慕真如靈

境閱可屢茲山覲來初先霜入瑤路迎寒憇精廬二水  
抱深翠一溪去縈紆朝光萬木滿秋氣千巘虛簪佩隨  
我閑匏尊爲我娛浩然遺天地仙塵其有無

首秋同羣公遊靈源寺

靈境不厭遠仙源在雲端入溪日已午猿鳥鳴聲寒釋  
子愛玄度停鐘啓幽關山門坐翠微石橋聽飛湍祗疑  
接衆真了與秋風還神遊無所事誓將去人間况我非  
作者懷芬異希顏幸因清羸意助爾禪心閒

陳叟洞雲耕隱

鹿門有遺老畊種白雲間自非識其微何以遺所安至



今聞清風千載不可攀  
鱗鱗洞江叟遐想如晞顏  
身將學稼隱心與浮雲閒  
野綠始知春迎暄啓柴關  
水蒲葉已長林杏花正繁  
初日上高原悠然望前山  
洞口數片雲依依自來還  
波雲本無跡舒卷何足難  
期君莘野心相從起泥蟠

九日同諸公遊雙龍菴得遊字

授服偶初暇同人結良遊  
金天在塵表况值黃花秋  
入室亂羣真解衣熱雙流  
飄飄雲霞氣見此象外幽  
良以騎遠目晚心復悠悠  
佳辰不易遇夕陰且淹留

同羣公秋夜龍門元月分得燈字

林卧愜所適嘉遊忻得朋  
蕭然庭宇夕萬木秋氣凝  
東南一峰靜涼月生原陵  
流影入寒水天空湛虛澈  
明河帶飛鵲絡緯鳴踈燈  
感激良會晏離心忽飛騰  
蹉跎易爲別含嘆待晨興

秋江離思送朱大之京

暮色帶遠嶼大江浩悠悠  
臨分未能別紅葉滿汀洲  
夫子何所適綺紈上國遊  
涼風吹飛旆沙路鳴紫騮  
載酒江上石把杯對高秋  
遙山微雨晴夕陽在孤舟  
海鷁去翩翩焉能狎羣鷗  
青雲可翹首滄波正安流

遊龍峰西巖得傍字



高漫士集 卷五 二十一  
巖下春已深客心自茲曠  
翫竒不知遙青山鬱相向  
溪聲送行衣空翠引寒杖  
洞門倚天開苔磴綠雲上  
松際真境豁石林爭異狀  
稍知仙趣深孰謂此身妄  
東厓極眺聽晚色分遠望  
雙鏡落澗湖孤帆入溟漲  
瀟然微雨來爽氣橫疊嶂  
笑揮青霞杯醉和白雲倡  
茲賞吾道存良遊保閒放  
願割區中綠烟霞許相傍

同遊六平山探得燭字

出郭秋已深寒原騁心目  
愛君幽栖地市廛若林谷  
初月諧晚尋同人遂成宿  
樓臺在山翠書聲向喬木  
飛雨一峰來微雲度踈竹  
清鐙對殘尊孤琴寫幽曲  
自得靜

者心何須秉遊燭

嶠嶼春潮

瀛洲見海色潮來如風雨  
初日照寒濤春聲在孤嶼  
飛帆落鏡中望入桃花去

松嶺樵歌

峻嶺饒朽木采之行且歌  
歌長白雲外遠與松聲和  
日落望烟歸山風吹薜蘿

洞碕漁火

落帆江色暝蕤火蘆中薪  
遠影點孤嶼虛舟無四鄰  
不知西岸下猶有獨眠人



題空江秋笛圖送鄭助教入京

霜渚蘆葉乾鏡天極澄瀾美人弄橫吹思繞青雲端流  
微泛空濶引商激林巒五聲一時發江海生秋寒鸞鶴  
間清越虬龍起深蟠了然滄浪心坐見天地寬常以相  
思調期君千里歡曲終倚雲和離絃發哀彈長空寄餘  
響遲爾雙飛翰

題桃溪吳文剛長春軒

小隱桃溪綠花深疑避秦孤軒謝炎江坐向無邊春芳  
草日堪把暖雲長自親玄冬未迎霜朱夏不浣塵但愛  
太和風四時爲我鄰究心岐黃書稽首秦越人飲君上

池水長生以谷神

賦得春草碧色送丘少尹歸四明

春色有佳興送君惜離襟悵然見芳草綠盡空江潯千  
里靄蒼翠夕陽煙際深遙分白鷗水近暎青楓林萋萋  
浦行衣苒苒生別心王孫行當歸薜蘿蕪思越吟

賦得燈前細雨贈別鄭浮丘雨字韻

野館昏色來明燈靜深塢故人惜睽違共此尊前雨寒  
影明遠心夜聲帶離苦飄蕭初拂席颯杳仍近戶重靄  
濕餘芳宿雲暗平楚明發送君行淒淒浦南浦

臥痾別墅陰雨連日寄懷林七鄭二時諸公有羅田



遊宴僕不能往故有是作

首夏變雲物連朝結陰霖閉門養微疴小隱林塘深密  
竹覆低翠踈梨啼暝禽升高眺原野太陰鬱沉沉千里  
闕愁色靄然悲遠尋有懷君子懽華簪宴芳林雄筆掃  
蘭雪垂羅揚妙音壯哉乘時樂邈矣古人心笑我蓬蒿  
者離羣徒慨吟

登西岑蘭若望海分得遠字

蘭若入翠微中峰去人遠升高對遙空攀蘿坐西巘波  
靜海色真蓬萊近清淺安期突相待虛舟若在眼忘物  
澹吾慮激心愜遐緬聞鐘仙梵清憇澗落花蒲微雨品

松晚

一在東五林見訪飲散登西岑晚眺

一耽聽暮色帶遠嶼諸峰甘浮翠一峰含晚霧殘陽  
沒飛鳥霞外度時見歸村人行歌入幽樹我心寄  
川涉之未成趣因君豁長懷而得諧夙慕超然物無  
差羨彼沙上鷺晚風吹蘿衣遲回首歸路

竹下圍棋

賭墅脩竹裏戰心亦能清此君含靈虛我何機慮坐所  
以度世懷了無得失營移枰近晴翠落子聞秋聲風葉



衣上飄露蟬枝聞鳴水日不知暑澹然忘物情何必關  
柯山空傳樵者名

七月八夜茶陽舟中翫月  
林暝失炎暑灘聲乘月涼山尊待美酒心已醉清光况  
有溪上舟與君仍異鄉開篷坐天鏡星露滿衣裳酣酌  
縱良夜羈懷詎能忘分途又在邇安可不盡觴明日鐔  
津水離情誰短長

紅蓼九鴛圖爲姜彥章賦

三渚晚色淨汀花紅更幽飛來九片雪亂點江天秋羣  
鳥碧草雙行戲清流數聲暮雲合兩翅殘陽留翫此

不態烟波思悠悠秬疑秣陵望二水分中洲予  
者因之隨白鷗

郭晦之歸泉峰羣公相送至光嚴寺分得客字  
化城負東郭地古嚴公宅同佩結幽尋况值將歸客  
門坐翠微蘿逕入公禪定水壑行空有雲從離席銜杯  
雙樹間百里見海色日暮客心飛空山夜寂寂

梁曲全墨竹風雨思

高葉欲飛脫數枝如動搖祇疑比  
以有所思江東碧雲遙余亦王子  
言後君永今朝

柳塘羣鷺



寂寂柳塘暮蕭蕭羣鷺爲秋綠陰點殘雪素影照清流  
日落涼風吹波寒魚不游君看枝上鳥無所求

畫并題贈隱者

愛爾木石居况予鸞鶴羣含毫起揮霍秋與生白雲  
聳帶暝色千峰浮紫氛林亭靜可賞溪溜清相聞所  
歸來者遲迴步殘曛

題雲山琴興圖寄玉融楊廣文

備有太古心談經復愛琴揮絃送飛鳥雲際逢知音  
雲滿流水清風鳴疎林子亦丘中賞因之寄孤吟

綠楊雙燕圖

三月白門道垂楊千樹花君看雙燕子飛去入誰家門  
巷失故壘時來拂枝斜春風更相惜莫與亂栖鴉

西山爽氣樓

飛構對西巘翹居出塵喧空林夜來雨秋氣生高原卷  
幔看晴翠澄光散朝暎霽心白雲外挂頰欲忘言

野橋春水圖

野色歛晴翠春流澹無波空原絕行人青峰天際多漁  
榜繫宿葦荆扉閉烟蘿余亦掉頭者投簪偃巖阿

題四景山水

林下雲水香幽亭識花氣相看話所思春色令心醉之



子尋幽期孤琴入空翠

右春澗幽亭

雲影蕩山翠泉聲亂溪湍長林無六月蘿薜生秋寒所以投竿者臨流惜解蘭

右夏谷雲泉

萬壑收夕霏一溪湛秋影涼風吹釣絲嫋嫋空波冷莫訝客星閑奎光耀東井

右秋山釣瀨

萬里積素色千峰失翠微危樓人跡絕百鳥不敢飛爲問投竿老孤舟何處歸

右雪灘短棹

題彭祖觀井圖

閱世八百齡蓬萊知淺清轆轤數尺水睥睨獨關情凭策若扶危舉趾如奉盈愁將雙鬢雪下照九泉冰一勺

波瀾寸心空戰兢側聞古人戒百金不騎衡詎比山木壽居然商家楨不見反真歌至今稱達生珍圖示深意爲語蚩蚩氓

終南疊翠歌贈趙孟寬少府

我本學仙者名山愛遊遨登高小東魯泰岱如秋毫南浮北走不稱意西攀始得終南高終南崢嶸何壯哉勢拔五岳橫三台層巒沓嶂紛霧集縈青疊翠如屏廻矯首睨絕頂聳身獼猴臺憑虛一長嘯萬里陰風來雙峰却立高欲摧石門厓口皆曠靈飄然雲散四天淨千岩萬壑青如苔皎如映日戈矛開燁如丹霞雲錦堆飄如



羣仙羽蓋下瑤水儼如千官劔佩趨蓬萊龍飛鳳舞各  
奮躍崖張壁立爭崔嵬翫景不厭遠探竒未能回松杉  
嘈嘈度空籟兩耳似聽絲絃裏迢迢東吞黑谷日昆明  
北浸陰池灰西南太白最高處黃鶴玄孫愁欲度寒飈  
六月吹雪花紫氣三時結玄霧下視羣峰失翠微中窺  
萬嶺迷行路我欲攀雲造天語歷井捫參未言苦晶明  
照耀或可親倏忽晦冥不知所瀑泉殷殷秦地雷落葉  
蕭蕭漢陵雨昔時此地如登僊榮光休氣何赫然九重  
宮闕碧霄上夾道軒車白日邊富貴榮華知幾許千金  
決意如浮烟邈來秦漢幾千載空餘渭水流東海妙舞

清歌不復聞金輿玉座今安在但見千林蒼蒼杳靄間  
秋風去兮春日還白雲長入畢原樹明月虛照藍田關  
又聞猿聲啾啾瀟陵谷啼烟嘯雨愁空山山中之人野  
服黃冠掃石朗咏揮絲妙彈春風時來落花晝閑了然  
高臥紫岑裏綠蘿裊裊不可攀固守麋鹿志本無軒冕  
情因來窺捷徑笑學盧生行倏起把芙蓉飄飄朝玉京  
我時拂衣蹈東溟君亦鸞飛到蓬瀛風期汗漫三山上  
向余每說終南青憶爲終南行興因終南發醉揮墨客  
紫霜毫爲君掃却長松雪眼前空翠如可捫何必山中  
弄雲月



觀瀾歌贈觀瀾子

我本東海客三山駕洪濤蓬萊方丈去俄頃馮夷海若  
驂遊遨心遙目極愛遠涉天風吹起秋雲高上攀九峰  
千仞表下視神潭風雨號回頭笑接觀瀾子揮手青天  
相汝爾泮林獨坐一枝寒語我觀瀾興飛起大川揚狂  
瀾壯哉縱遐觀天門長嘯海光動白波一道浮雪山三  
聲崩騰亂洲渚直上嚴灘勢方沮吳越青山欲動搖乾  
坤白日翻雷雨君不見錢塘江頭十萬家錢塘江上長  
風沙歆帆側桅競奔走素車白馬空咨嗟但見荒祠蒼  
蒼暗烟樹潮落潮生幾朝暮范蠡扁舟去不還闔

墓知何處間觀今古事悠悠慷慨悲吟誰見收歸來讀  
書富春墅幾回木落長江秋我時飛夢過吳越聽之未  
了五情熱中宵飲盡三百杯欲渡西湖攬明月招邀更  
結汗漫遊南窺日本限羅浮天潢西上絕飈馭弱水北  
涉無輕舟天長地濶魂飛苦劒歌一曲行歸休觀瀾子  
龍門生我愛一杯酒君愛千載名掉頭拂衣蹈滄溟長  
風巨舸萬里程丈夫窮達各稱意高歌爲寫平生情  
長歌奉贈武陽朱以義西歸乃文公六世孫也

武夷蒼蒼入紫冥榮光休氣環考亭回飈散作千峰色  
一峰飛落武陽城城頭絃歌聲不絕紫陽大道懸日月



三尺兒童解誦經何況雲仍了真說男兒墮地弧矢遊  
南浮北走春復秋舜陵禹穴快歷覽聖人之蹟吾所求  
立談禮樂論道德凌轢縱橫該九流上池飲水不到地  
長跪桑君問真祕笑人視色窺毫毛砥石揮籜不言利  
七貴五侯爭見招翻然拂衣若輕棄東遊直欲觀滄溟  
徐期按節來相迎晞髮扶桑餐日精濯足瀛洲弄月明  
身隨弟子六七輩指揮左右如流星時清不作蓬累者  
到處逢人揚令名我時臥病向東海披拂烟霞久相待  
忽聽驪駒歌在門強扶愁疾秋風外六平山下一逢君  
笑語未了驚離羣青天片日落未盡揮手閩山皆白雲

白雲隨君度樵水歸去臨流洗兩耳好尋家學有遺書  
早向南鴻寄千里

紫微峰歌送劉大之京

六平西倚大海邊喬柯東與三神連迴厓脊嶂去不息  
攢青飛翠來眼前紫微秀出霄漢中孤峰咸削金芙蓉  
幽厓朝光積陰雨暗谷夜氣生白虹傍有翠微高下立  
雙開文筆書晴空四時仙風長瑤草六月古雪明寒松  
片雲常遮白石洞萬籟吹度珠林鐘登高壯觀大海東  
扶桑曙色明方蓬洪濤萬里浩無極奔溪百折來相通  
紫微之山人深居紫微裏閑看山色清我心高臥白雲



呼不起昨日凌風頂上行千林樹色帶離情遙見山陽  
開祖道交觴共餞劉公榮繆此斗酒別惆悵金陵道人  
聞帝鄉遊勝似長安好出門西笑江路分三山回望紫  
微雲高歌一曲各分手唯有青山長送君

題無爲天師畫閩山勝覽圖爲延平王將軍賦

閩天設險雄兩關九峰直下連三韓真人落筆走山海  
浮天縮地瀕臯間窮崖絕壁不可攀飛青壘翠來相攢  
聳身欲上萬仞表祗疑坐我浮雲端壯哉形勝矜吳楚  
開國英雄幾王虜劍城高拱控雙溪鐔水東流去千古  
君不見鐔水東流去不還鐔上至今風雨寒深沉洞府

了莫測那知不有蛟龍蟠好文將軍不好武白誓專城  
偃貔虎城頭鼓角靜朝昏城裏絃歌儼鄒魯幕府秋閑  
爽氣來金鞍駿馬重遊陪登高極目見萬里壯心直與  
雲俱開一時幕下皆鄒枚摛文振藻何竒哉開圖驪酒  
賦嘉頌遙祝堯天萬歲杯我愛名山將白首五岳尋真  
不辭走偶聞高誼逸興飛披拂白雲笑揮手手揮白雲  
袖兩毫金天汗漫接盧敖相期更訪蓬萊頂百尺長竿  
釣巨鰲

何滄洲伯度寫月中影扇面爲曾維直賦

鏡裏掛秋影滿堂明月寒不聞風雨聲但見蛟龍蟠滄



洲之人何伯度亂葉縱橫走毫素瀟湘洞庭當几筵玉  
管瑤笙起窓戶昔年飛夢楚江潯蒼梧日沒生遙陰九  
山高懸片月白萬綠倒浸寒波深英皇不來夜沉沉淒  
涼誰奏雲和音空林落葉響秋露啼猿嘯鬼愁人心魄  
搖魂動條驚起長憶夢遊千萬里南豐夫子開新圖飄  
然如入篔簹裏君披琅玕朝玉京予亦拂釣歸滄溟臨  
岐愧乏繞朝策高歌贈爾雙瑤瓊功名事業照汗青風  
期汗漫來相迎一枝折待連鰲手持向蓬萊頂上行

題臺江夜泛詩

我吟太白郎官湖涼風吹波逸興孤仙人浮丘造我語  
臺江不減沔城隅好文公子餘純綺興來輒愛臺江水  
共入滄浪泛白雲大笑前人亦如此君不見昔時英雄  
安在哉釣龍臺沒空蒿萊一杯直以寫萬古壯心軼宕  
雲俱開夜寒江清孤月白意氣相歡浩無極星離雨散  
不可常雄筆空爲人所惜笑我功名事已非每逢佳賞  
澹忘歸明朝共買木蘭棹送君爛熳娛清輝

阜陽別墅詩

憶昔冷風仙人別丹丘訪瀛海吾家嚴君笑相待風期  
汗漫方外遊取友論心尚千載當時獨數陳太丘結交  
常以古人求阜陽仙館選幽勝不減東陽八詠樓採秀



探竒入靈境目極心遙意俱領萬松天風度沙嶺一鏡  
方塘寫雲影溪田釋畊春雨收散作同谷飛泉流石門  
落日掩餘照菰湖晚色隨歸牛橘林飛霜竹軒月昏且  
娛人更清絕祗疑身世出人間五月亭臺不知熱亭中  
之人蒼顏綠髮製芟掛荷懷冰抱雪掃石彈素琴披書  
了真說興來喚客開瑠筵百壺美酒如瀉泉簾櫳高映  
白日邊坐見八景置眼前一觴一詠興已極呼取休文  
同醉眠星離雨散人事遷一瞬飛光四十年吾聞阜陽  
山水還依舊阜陽亭下花如繡昔日兒童成老翁前輩  
風流竟何有晚交喜得仲容賢意氣如雲生魚騰鸞手把

伯父書示余指青氈却來吟弄泮林月高詠毛萇三百  
篇男兒事業在遠道致身青雲苦不早還携豪士論經  
綸開館揮杯盡傾倒輞川蘭亭誰品藻綠野平原空蔓  
草阜陽佳麗眼中稀笑我未遊歲將老思之可不令人  
憐撫今感古誰不然古人棄我如流水今人莫惜長周  
旋高歌曲盡意未盡更待山陰雪夜船

贈皆山樵者歌

束髮事漁釣隱身駕洪濤長竿掣吞舟一線牽六鰲浮  
空涉遠去俄頃川后天吳時怒號舉世盡錯愕笑我輕  
鴻毛晚逢浮丘子立談知我曹相携尋真入天路皆山



樵人復相遇昂藏毛骨出風塵雪裏青松沙上鷺筍笠  
猶披楚岫烟薜衣尚掛秦關霧左執浮丘袖右手拍我  
肩未言心先許相顧谷中憐忽然開口道名姓發論吐  
辭了可聽手揮長釜礪銛銛自謂伐柯非伐性十年負  
策別康莊五岳風行凌捷徑枝採徂徠之古松斲斷嶧  
陽之枯桐洗竹入九疑斫桂登八公梗楠豫章老根節  
歲月摧殘霜露中天生棄材必有與况我無心窺化功  
若耶棹歌朝暮風爛柯石上期仙翁東來巢雲五老頂  
西上掃雪蛾眉峰東西去住成超忽歷險攀高未云歇  
一聲長遂幾斜陽短髻飄蕭入閭壘聞來試作伐木吟

世終嘯起鸞鳳音風飛此曲落江海海內無人知此心  
茲辰豁眼向同調寫盡窮愁却歡笑玉堂金馬霄漢高  
翠壁紅泉松石妙我時罷釣愛名山喜君結託開心顏  
招邀三子同二屐共跨白鹿青崖間一朝浮丘子長揖  
起丘樊贈君璠玉詞別余叩天關矯首遠望之邈然不  
可攀却來烹魚貰酒對君飲一杯萬事如等閑君不見  
買臣五十待錦衣當年不救溝壑饑又不見太公八十  
非熊兆事業空貽採薇誚二子功名不足云是非榮辱  
徒紛紛不如浪作漁樵友青山白水長隨君長隨君躡  
清芬鳧鷖侶兮麋鹿群釣鮮採美兮漱雪眠雲寄聲寥



鄒芳笑謝浮丘子自古漁樵多隱淪

六平山謠爲邑宰王遵道賦

閩關西來入紫冥三山東走浮太瀛回峰際海結飛翠  
玉削青天開六平六平崢嶸何壯哉六出芙蓉如掌開  
九華五老讓光彩三峰二室爭崔嵬我疑十洲仙島負  
竒勝巨鰲雲駕移蓬萊紫微文筆左右立龜麟太常前  
後揖馬江一道寫空回鶴嶺千重決雲入滎光佳氣鬱  
鄧闌鱗次參差萬家邑何年作邑此山阿此地繁華竟  
若何窈窕千門桃與李春風百里滿絃歌吳航渡口花  
如霧首石雲飛帶官樹漏鼓長隨般若鐘仙舟盡入瀛

洲路人物風流幾廢興江山陳跡古今情茫茫天地四  
方宇浩浩乾坤一草亭君不見六平山上月昔照六平  
山下人六平山色長不改明月照人今幾春我向今人  
問千古今日吳航古鄒魯黃童聚舞皓叟歌共道賢人  
宰吾土郎官政靜心自閒愛人愛物并愛山興來携我  
二三子登高望遠窮躋攀我生放浪在林藪幸際明時  
將白首縣官有德不忍欺 帝力無爲我何有日陪  
鞍馬縱遐觀吊古興懷但呼酒酒酣再拜獻長謠先祝  
堯天千萬壽然後紀公事業在巉巖名與六平之山俱  
不朽



琴樂歌贈林良箴琴士

我吟昌黎聽琴歌天地濶遠神思多昌黎無人頽公死  
千載相逢琴樂子自言好琴二十年好而樂之心了然  
琴樂在心不在指琴心在音不在絃絃將手語叩微軫  
滿堂忽覺如林泉轟如羣峰摩九天湧如狂瀾走百川  
颯如長松絕壑度空籟飄如浮雲萬里隨風旋揮商拂  
羽變宮徵慈烏夜啼秋雁起佳人語絕哀思深烈士擊  
壺志千里曲終四座開煩襟萬木澄陰清晝沉琴之樂  
兮誰妙尋獨吾樂兮寄吾琴下里巴人且莫吟陽春白  
雪無知音黃金不惜鑄鍾子邈契我曹知此心我聞南

琴庭薰時願以及蒼生越裳來臣四海均  
人自寧當時衆樂徧區宇至今德澤留遺聲琴樂子  
以絃奏我歌君試聽吾皇廣樂開天廷萬姓鼓舞  
天子願持此樂獻 天子盡令海內歌韶箱

長辭贈嚴少府毅罷官歸麻城

大明照四海尺土無遺材我笑嚴夫子胡爲歸去來賢  
豪舒卷愚不測夜光灘頭空嘆息魯鄉且賤東家丘楚  
地寧奇和氏璧念子爲儒常自憐一經冷坐萊蕪鹽男  
兒何肯死章句逢時吐氣思騰鸞三策稱揚萬乘主片  
言折辯諸前賢由來絳灌輕才子却笑洛陽人少年九